

Luk

Luk girek en Tiofilas san na igane yau a

¹ O tamol tubun en Tiofilas, tamol wei mi melmel a manj luluñama lo nuñon dilasa yan niñedi wo digire la ya.

² Melmel nek an, tamolpein a sed malad lo dil an durupaiamag maloñ a. Tamolpein en gubak mi ru en kagin dupani uyan se ya, agod ru dugo durupaiama na yan, ru nek an mi migire idu ya.

³ Naiseg mi melmel an fidian, fun lo dilasag ipalu yan ñupupi ñile ya. An ninjen o ñaisag ilo sou lo mel en uyanan a, ñai gamu mel en fidian tet mi ka ñigire panó wa.

⁴ An lo dop melmel a dipiteñano yan sad fudi mok onj uloñ siñaokan a, agod mel amaiak fidian rumok an dam uloñ a.

Jon ilasa wak niñen ejel ta Sakaraia irupei a

⁵ Saen Herod in Judea provins sad kin imado dugo, pris ta dam imado se ya, yanjan Sakaraia. Inj pris biatitek lulunjad lo a yanjan Abaija dubol dan san tamol ta. Inj Aron san gugoi lo ilasa ya, iwon Elisabet dam inj Aron san dar lo ilasa ya.

⁶ Tamol an iwon da Anut malan lo itaot a, ago dugo inj Tubun ak san kubiaeñ agod ru kagin an fidian duri dupani se ya, agod talpein ta injaned kagin an niñen o ru ta ibol san tia ya.

⁷ Ak man inj nanuk amad tia ya. Man dugo, Elisabet inj pein niganig, taida mi, uraru an mel saiak digane la ya.

⁸ Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo inj Anut naon na pris urat igane se ya.

⁹ Aria, pris sad kagin lo, injanen urat kisaek adi dipiliani a. An lo inj Anut san tempel lo iladup, ante alta san yai fo yaikas mumalum iwen siŋaokan dan igane wo, kob dupani a.

¹⁰ Aria, yaikas an igane san saen ilasa dugo, tempel lo iladug ago igane se ya, ago dugo tempel patun fo tamolpein a ubou dile wo dutumani an gadiŋ digane se ya.

¹¹ Saen nek an lo Tubun en san enjel Sakaraia naon na ilasag, yaikas mumalun iwen dak san alta girajen won ak lo itur a.

¹² Saen Sakaraia enjel an ile man, irut saian geig go irer a.

¹³ Ak man enjel an irupeig ibol, “Sakaraia, onj urer umoi. Anut onjsa gudanek ilonj la ya. Onj iwo Elisabet nanuk tamol ak ta igansi wa, ago dop yaŋan Jon ubol a.

¹⁴ Inj onj ilo bulbal ipano dop onj ilo uyanan geig a. Agod tamolpein wei kasik inj ilasa yan ninjen o yousai digane wa.

¹⁵ Man dugo, inj Tubun en malan lo tamol tubun ak imado wa. Inj wain, ayu naon sensen ak dam ta iluk na wa. Agod saen tinan igansi man, inj Awan Urgun injanep tinin injanefutep pempem ago imado wa.

¹⁶ Inj Isrel luluŋad lo tamolpein wei kasik injiliaip, dida fon dumul pe injsad Tubun ak Anut san na diau a.

¹⁷ Inj Tubun ak naon na imug pe dal ikubune wa. Elaija san ur lo, agod Elaija san dabai lo dam

ago igane wa. Inj idiraip nanuk tamad dida ilod ibilisap, nug ninjen o dumat a, agod tamol silei ak ilod ibilisap, tamolpein itaot ak sad kankan milaen ak diñjane wa. An lo dop iñsan urat an lo inj tamolpein ikubuniaip, Tubun ak ipalu wo malad diganep dumado wa.”

¹⁸ Ago tag Sakaraia ejel an isumiani, “Nai iwog da mel saiak migane ya. Dugo woñ pe ru ubol an nuñjon ñalonj ak i?”

¹⁹ Agog ejel an ru naon irupeig ibol, “Nai Gembriel. Nai Anut naon na ñatur da. Anut sen nai idinag go, ru uyanan en ñurupaio wo ñupalu ya.

²⁰ Ak man onj ñaisag ru en ilo lo ta rumok na yak ninjen onj awa itaup mado wa. Ago mado yaup ru an nuñjon ilasa gup, awa ipuk pe, ñiñe wa. Naineg ru injanen saen fo mi nuñjon ilasa wa.”

²¹ Ago dugo tamolpein a kuai te Sakaraia dititianig dumado dan, ilo sou wei kasik digane dugo dubol, “Ata mel mok igane dugo saen milaen kasik imado di?”

²² Murnag tempel lo kuai te ilasa man, tamolpein ru irupidai san tia ya. Ago tag inj dulonj ak, Sakaraia tempel lo malan ñutun ile yan lo, injiñen san tia yak ninjen o, banin nam toutou igane se ya.

²³ Aria, inj urat isini san saen itout go iñsiganen ab lo imul yau a.

²⁴ Murnag iwon Elisabet luan anda ya. An ninjen o kalam 5 ab lo imianuk imado se ya.

²⁵ Ago dugo ibol, “Tubun en mel en igane panag a. Gamu inj ilon ipanag a, agod ñaisag miai tamolpein naod na ipasi yau a.”

Jesus ilasa san ninjen o ejel ta Maria irupei a

26 Elisabet luan andag kalam 6 yau dugo, Anut eñel Gebriel idinig, Galili provins lo taun ta yanjan Nasaret, atna yau.

27 In pein baras itaot ak ta san na yau a. Pein an yanjan Maria. King Dawid malan kubulan ta yanjan Josef dubol dan njen dupani a.

28 Gebriel iñsan na yaug ibol, “Ilo uyan dop mado. Anut ipitiano dak, in ilon ipano dak, in oñ da amado da.”

29 Maria ru an iloñ go ilon weiwei dugo ilon lo ibol, “Ilo uyan ru naok ago yan fun dugo mok ak i?”

30 Ago tag eñel irupeig ibol, “Maria, oñ urer umoi. Anut oñ o ilon uyan da.

31 Oñ lua ama dap, nanuk tamol ak gansip yanjan Jesus ubol a.

32 In tamol tubun ak imado dop, Anut lak na geig an Nanun dubol a. Agop, Anut iganep in kinj ilasap, tubun bagen Dawid imado yak ago mi imado wa.

33 In Isrel tamolpein pempem mi itirnaip imado wa. Iñsan kagin panek wadan an itout san tia ya.”

34 Ago tag Maria eñel isumianig ibol, “Nai tamol da gamugo mator da, an lo mel an dugo woñ ilasa wak i?”

35 Eñel an ru naon irupei, “Awan Urgun oñ lo idup, Anut lak na yan san dabai oñ ituano wa. An niñen o nanuk a mitep gansi wan gun a, agod tamolpein in Anut Nanun dubol a.

36 Uloñ. Oñ nibi Elisabet pein saiak bo man, in dam luan anda ya. Imug in niganig dubol na ya. Gug gamu in luan andad kalam 6 ibisei la ya.

37 Man dugo, Anut ij lo man mel fidian pasauman a, ta muruan man tia ya.”

38 Ago tag Maria ru naon irupei, “Nai Tubun en san urat pein mi a. Ago yak nijen o ubol dan ago ηai lo ka ilasa wa.” Agog ejel an Maria ibiseig yau a.

Maria Elisabet ile wo yau a

39 Saen an lo, Maria biouŋ ikubuneg, Judea Provins lo panu ta tan bubun titinjae ak ate ririan yau a.

40 Yaug, Sakaraia san ab ilon lo iladug, Elisabet ilo uyan ru irupei a.

41 Saen Elisabet Maria san ilo uyan ru ilon man, injanen nanuk tiŋaen lo isokalik a, ago dugo Urgun ilon injanefuteg,

42 awan tubun mi ibol, “On̄ pein fidian luluŋad lo Anut san bar ηaneg mado da. Nanuk a on̄ gansi wan ij dam Anut san bar injaneg imado da!

43 Naineg Tamol Tubun ak tinan ilon ipanag go, ηai iliag o ipalu ya. Ata wo bar an ipanag ak i?

44 Uloŋ, saen on̄ ηai rupaiag man tiŋaeg lo nanuk youn anda isokalik a.

45 On̄ bar ama da mado da, man dugo, mel a Tubun en irupaio yan nuŋon ilasa wan ilo lo rumok go awan wabi a.”

Maria san bar

46 Agog Maria ibol:

“Nai ηutug Anut yanjan yabisa da,

47 agod ηaineg ur Anut enti patug ipasi wan lo youn isa da.

48 Man dugo, ηai pein kawan, yanag tia ya. Gug ij ηai o ilon isou a.

Gamu en, agod nal murnai san fidian, tamolpein fidian ɳai niŋeg o ago dubol a, ‘Pein en bar iŋaneg imado da.’

49 Man dugo, Enti a dabai fidian anda yan, mel tubun geig ak ɳai o igane ya.

Rumok, iŋ yanjan gun a.

50 Iŋanen ilo muŋanek, tamolpein ensauta a iŋ o direr dan ituńai da,
tamolpein e gamu dumado den ituńai da,
agod malad kubulan a murnap dilasa wan
dam mi a.

51 Iŋ tuon nam kulob dababai ak idiri dugo teil a,
Tamol sed bубed lo tutubu dubol dugo yanad
diabisa dan irubai diau a.

52 Kiŋ dababai an ibiai dudu dugo,
tamolpein a yanad tia yan ibiaisa ya.

53 A dumatiġen dan melmel uyan uyan ak nam
ifutuwaig iŋ luad ipuk a.

Ago dugo a filiad anda yan idinaig sen dilasag
banid kawan diau a.

54 Iŋanen urat tamol Isrel ibinawai a,
iŋanen ilo muŋanek ikubiai pidinai an ilon ta
iŋaoŋ na ya.

55 Tia, ilo muŋanek an iŋ Abraham iŋanen malan
kubulan dadi pempem ikubiaip dile dop na
wa,
nek ibol tubud baged wagam irupidai ak ago
mi a.”

56 Aria, Maria Elisabet da kalam utol dumado
gug, fon imul go sen naon na yau a.

Elisabet Jon igansi a

57 Elisabet nanuk igansi san nal idaisudag,
nanuk tamol ak igansi a.

58 Tubun en Elisabet ilon imuñjani an muroun muroun dulon go iŋ dam youdi isa se ya.

59 Nanuk igansig nal 8 yau dugo, nanuk tinin suŋulon dutute wo, taman waian diganep Sakaraia dubol o dupalu ya.

60 Ak man tinan imoig ru igo ibol, “Tia, yaŋjan Jon tabol a.”

61 Agog iŋ durupeig dubol, “Ak man oŋ murou murou luluŋad lo yanjak ta ago man tia ya.”

62 Agog iŋ banid nam Sakaraia toutou dupanig, nanuk yaŋjan ipate wo dusumiani a.

63 Ago tag Sakaraia banin nam toutou igane dugo tafel (slet) dupanig, fo nanuk yaŋjan igire: “Iŋ yaŋjan Jon.” Agog iŋ fidian durut saian a.

64 Gamu nam Sakaraia awan ipuk go fun iganeg injineŋ dugo, Anut yaŋjan yabisa ya.

65 Agog ab susumeik an aban ago dileg, durut saian a. Ru an Judea ilon lo panu panu tamolpein fidian dulon go, kubol en niŋen o diŋineŋ se ya.

66 Tamolpein a fidian ru a dulon an ilod weiweig nug dusumiani, “Ak dugo, nanuk an san madok murnap dugo wak i?” Iŋ kuai tem dile yak Anut anen tuon dabai nanuk an da ya.

Sakaraia san bar

67 Awan Urgun Jon taman Sakaraia ilon injanefuteg, iŋ profet ru en ibol a,

68 “Id Tubun en per tupani wa, iŋ mi Isrel san Anut.

Iŋ ipalug injsan tamolpein yil go idad injal a.

69 Iŋ tamol dabai ak ta, id patud ipasi san igane ilasa ya.

Tamol en man, injsan urat tamol Dawid san dar lo ilasa ya.

- 70 Wagam na mok iñsan profet gun adi awad lo ru en ibol:
- 71 Injidsad ager banid lo ipasad injiliad a.
Agod tamol a id lo siai digane dan tuod lo dam ipasad injiliad a.
- 72 Injidsad tubud baged ilo munjanek ikubiai pidinai a.
Ago dugo iñsan kontrak gun an ninjen o ilon isou a.
- 73 Injidsad tubud baged Abraham ru promis en irupeig ibol:
- 74 Id ager tuod lo ipasad pe
id ilo urer tiap, iñsan urat tigane wa.
- 75 Id saen fidian tan e lo tumado den lo,
injnaon na kagin gun ak lo, agod kagin itaot ak lo dam ago tigane wa.
- 76 O ñai nanug, onj Anut lak na geig ak san profet dubol a.
Man dugo, onj umug pe Tubun en san dal kubune pani wa.
- 77 Injanen tamolpein patu pasek ka diñjane wan, onj manjau en pidinai a,
Anut injaned aupasek isuas pidinai dan lo patud ipasi san dulon fufei a.
- 78 Idsad Anut injanen ilo munjanek lo ago igane ya.
Iñsan ilo munjanek lo, inj Nanun ad isuda dak igo woñ kumaen panu nap idsad na ipalu wa.
- 79 Agop injanen lilaman tamolpein a tidom tubun lo dumado dan, agod mateñ san mirau lo dumado dan dam, tinid isapudade wa.
Agop maror san dal ikubiai panad pe fo tator a.”

80 Nanuk an italbusig iñanen ɳutun lo dabai iñaneg imado se ya. Aria, iñ aben kawan ak lo imado yaug, iñsan saen fog Isrel tamolpein malad lo kuai te ilasa ya.

2

*Maria Jesus igansi a
Mat 1:18-25*

1 Saen an lo Rom gabman gurman Kaisa Ogastas kubiaeñ ta igane ya. Tamolpein a tan fidian lo Rom gabman paen na dumado dan, yañadi buk lo digire wo ibol.

2 (Yaña kubunek en malmalan a, saen Kwirinias iñ Siria san gurman imado yan lo ilasa ya.)

3 Agog tamolpein fidian iñsiganed fun panu lo yañad dukubune wo diau a.

4 An niñen o Josef dam Galili distrik lo panu ta yañan Nasaret ibiseig, Judea na panu ta yañan Betlehem dubol dan te yau a. Aben an Kiñ Dawid san panu fun. Josef iñ Dawid malan kubulan, amaiak niñen o iñ ante yau a.

5 Josef iñ Maria ɳien dupani ak niñen o iñaneg ida diau a. Saen an lo Maria iñ luan anda la ya.

6 Betlehem na mi dumado dugo, Maria nanuk igansi san saen idu ya.

7 Agog nanuk matu tamol ak igansig, yamel nam ibuluwig, makau ab lo makau sad anañ nuaeñ san kunup* lo iganeg yen a. Man dugo, lou ab lo dusumiai ak man aben fidian awan isa la ya.

Eñel sipsip titianek tamol adi sad na ilasa ya

* **2:7:** Daeg tubun ak

⁸ Tidom lo panu gigin te sipsip sad titianek tamol kuai te sipsip kagin dupidinai dugo,

⁹ Anut san ejel ta sad na ilasa ya. Anut san lila man aban isapudade yan dileg direr dugo dusuruwor saian geig a.

¹⁰ Ak gug ejel an irupidaig ibol, “Arer amoi. Nai ru uyan ak ḥjurupaiaŋ o ḥjupalu ya. Tamolpein fidian mitep ilodi uyanan geig a.

¹¹ Tidom nek en lo Dawid san panu lo aŋsam patu pasek tamol ilasa ya. Inj man Kristus, aŋjanem Tubun a.

¹² Inj ale san kob igo ya, au gup nanuk an yamel nam dubuluwig, makau sad anaŋ nuaeŋ kunup lo yen dop ale wa.”

¹³ Ago ibol man, gamu nam Anut san yu doup ejel adi malan wei mi kuai disig, ejel malan te yan ida Anut per dupani se ya. Ago dugo igo dubol,

¹⁴ “Aben lak na geig ak lo, Anut girager anda yaŋan mabisa da.

Ago dugo tan na, tamolpein ensauta a Anut ilon ipidinai dan, injanen maror ipidinai a.”

Sipsip titianek Jesus dile wo diau a

¹⁵ Saen ejel fidian mi dumul go kumaen panu na diau man, sipsip sad titianek tamol an sed nug durupei, “Betlehem na taup, mel e niŋen o Tubun en irupaiad en tile wa.”

¹⁶ Agog ririan diaug, Josef inj Maria da dil dugo, nanuk an dam makau sad anaŋ nuaeŋ kunup lo yen dugo dile ya.

¹⁷ Inj nanuk dile la gug, ru a nanuk an niŋen o ejel irupidai an diŋaneg panu susumeik an lo tamolpein durupidai se ya.

18 Ago dugo fidian a ru an dulon̄ man, durut saian go ilod weiwei se ya.

19 Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya.

20 Agog sipsip titianek tamol an dumul go sipsip sad na diau se yan, Anut yaŋan diabisa dugo per dupani a. Man dugo, nek eŋel irupidai ak ago, mel a fidian ilasa yan, agod ru a fidian dulon̄ an dam, itaot ilasa dugo dile ya.

Jesus yaŋan digane ya

21 Nanuk ilasag nal 8 yau dugo, nanuk tinin suŋulon dututeg, yaŋan Jesus dubol. Maria gamugo luan anda dugo yaŋak an eŋel ipalug Maria irupei ak fom dupate ya.

Simion iŋ Ana da Jesus tempel lo dile ya

22 Moses san kubiaeŋ ago ibol, pein enti nanuk igansip nal 40 yau dop iŋ fon ikok ilasa da wa. Aria, Maria malan iganeg nal 40 yau itout go, Josef Maria da Jesus diŋaneg Jerusalem na diau a. Ante iŋ Jesus diŋanep Tubun en dupani wo diau a.

23 Man dugo, Tubun en san kubiaeŋ lo ru igo digire ya, “Nanuk matu ak fidian man iŋaned tinad tamad dinjal diaup Tubun en dupani wa, an lo dop saen fidian Tubun en wagen lo gun dutor a.”

24 Kubiaeŋ an ibol, “muluk uraru, tia tap, anakanak nanun uraru muluk oŋ ak Anut yai gane pani wa.” Aria, Josef iŋ Maria da kubiaeŋ an dirig yai niganag naok an digane ya.

25 Aria, tamol ta Jerusalem na imado yan yaŋan Simion. Iŋ tamol itaot, agod Anut awan paen na imado ya. Anut Isrel tamolpein ibinawai san saen

ilasa wo, malan iganeg imado se ya. Inj lo dam Urgun imado ya.

²⁶ Gubak mi Awan Urgun irupeig ilonj ak, inj gamugo imat dop Anut anen Kristus ile wa.

²⁷ Aria, gamu Awan Urgun iduduwig an lo temple san ar lo iladu ya. Saen an lo Josef, Maria da Jesus diabig ru kagin a kubiaeñ irupidai an duri dupani wo dupalu ya.

²⁸ Agog Simion Jesus ileg siñiren na yaug ilatig Anut per ipanig igo ibol,

²⁹ “Tubun en, oñane promis ru gubak mi ubol paiaq an gamu nuñon gane ya.

Ago yak niñen o rupaiag pe ñai oñane urat tamol tan en ñibiseip, maror lo mi ñau a.

³⁰ Man dugo, ñaiseg malag nam oñane patun pasek tamol ñile ya.

³¹ Tamolpein fidian malad lo onj tamol en gane ilasa ya.

³² Inj sul onj ilasap imado dop gob adi ru inj niñen o dulonj pe ilod ilalan a,

agod inj lo oñane Isrel tamolpein yanjak tubun ak diñane wa.”

³³ Nanuk an tinan taman ru e Simion ibol en dulonj go durut saian a.

³⁴ Agog Simion bar ipidinaig Maria irupeig ibol, “Anut gubak mi ilon igo yen a, nanuk en Isrel tamolpein luluñadlo, wei mi dudu diau dop, aenta wei mi dam ibiaisa wa. Agod tamolpein wei mi nanuk an dile saian dop inj niñen o ru saian ak amad da wa.

³⁵ Inj tamolpein sad kankan imianuk an kuai te iganep fidian dile wa. Agod sabiri ta luon ak oñane ñutu isue wa.”

36 Aria, profet pein ta, yañan Ana, inj dam tempel lo imado ya. Inj Fanuel nanun pein, Asa san gugoi lo ilasa ya. Inj mel saiak geig a. Anañar 7 tamol ida dumado yau gug tamol imat a.

37 Agog pein suos imado yaug san anañar 84. Inj tempel san tumanek aben ta ibisei na da. Tidom ad Anut yañan yabiso dugo igudani da. Saen aenta anañ geg iganep gudanek mi igane da.

38 Aria, Simion pein tamol an ru irupidai dugo, saen nek an lo Ana ipalug, inj dam Anut yañan yabisag, nanuk an niñen o Jerusalem tamolpein ensauta a Anut ibinawai o malad diganeg dumado se yan irupidai a.

Josef Maria da Nasaret na dumul diau a

39 Jesus tinan taman mel fidian Anut san kubi-aen ibol ago mi digane itout go fon dumul, Galili provins lo injsiganed panu Nasaret na diau a.

40 Agog nanuk italbusig tubun go, tinin dam dabai dugo kankan milaen ak inj lo awan isa geig a. Ago dugo Anut ilon tubun mi ipani na ya.

Jesus inj pinein foun tempel lo yau a

41 Jesus tinan taman inj anañar fidian, saen Pasova san ad nanek ilasa dan lo, Jerusalem na tumanek tubun an lo diau na ya.

42 Aria, Jesus san anañar 12 dugo dijaneg Jerusalem na diaug injaned kagin yen ago mi duri a.

43 Murnag Pasova ad nanek itout go fon dumul injsiganed na diau se ya. Jesus inj Jerusalem na imado yan, injanen tinan taman ta dulon na ya.

44 Inj ilod lo Jesus tamolpein aenta luluñad lo dadi diau dak dubol. An niñen o adian kisaek

dutor se ya. Agog gurai idu yan, turad muroud lulunjad lo Jesus abaŋan diabi a.

⁴⁵ Gug kitek dile man tia tag Jerusalem na abaŋ diabi wo dumul a.

⁴⁶ Nal utol abaŋan diabi ak gug, inj ta dile na ya. Ago gug tempel lo diladug dile ya. Inj Juda sad girek maŋau lulunjad lo imasig, ru a dubol na yan ilon dugo, isumianai se ya.

⁴⁷ Ago dugo fidian injsan ŋiŋeŋ, maŋau, agod ru naon a irupidai an duloŋ go, durut saian geig a.

⁴⁸ Tinan taman abaŋ ago dile man dam durut saian go tinan irupeig ibol, “Bai, onj ata wo maŋ igo giniamma yak i? Nai onj tama da iloma muruan kasik dugo, onj abaŋa mabi se ya.”

⁴⁹ Ago tag Jesus ibol go isumianai, “Aŋ ata wo ŋai abaŋag abi se yak i? Nai tamag san ab lo ŋumado dak, an aŋ ta aloŋ na yak i?”

⁵⁰ Ak man ru e irupidai den fun mok ta duloŋ na ya.

⁵¹ Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya.

⁵² Agog Jesus injanen tinin, agod injanen kankan ilon san dam italbusig tubun a. Anut, agod tamolpein dam inj dipitiani na ya.

3

*Jon Suguek san inj dal ikubune ya
Mat 3:1-12; Mak 1:1-8; Jon 1:19-28*

¹ Taibirias Kaisa ananjar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, inj

tein Filip dam nek ago mi Iturea iŋ Trakonaitis ida kagin ipidinai dugo, Laisenias provins Abilene kagin ipani se ya.

² Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya.

³ Agog Jon you Jordan giraŋen na aben fidian san tamolpein Anut san ru irupidai dugo itor se ya. Iŋsan ru malan te man igo ibol, “Tamolpein ajanem aupasek patum apanip, ilom abileksap, apalup suguek ajanem wa. Ago tap Anut ajanem aupasek isuas panaŋ a. Suguek man ajanem ilom abilisa yan san kob.”

⁴ Nek imug profet Aisaia san buk lo girek ibol ago mi gamu ilasa ya. Girek ago ibol, “Tan kawan ak ate wagiŋ ta ilasag ibol, ‘Tubun en iŋanen dal akubunep itaot yen a.

⁵ Tan ilokan an fidian atutumip awan isa wa. Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

⁶ Ago dop tamolpein fidian iŋ patu pasek tamol a Anut idinip ipalu wan dile wa.’ ”

⁷ Agog tamolpein wei kasik Jon san na suguek dinjane wo dupalu dugo Jon naod ifuteg ipidai, “Aŋ mot nanun moroun! Enti Anut san tiŋae saian mitep ilasa wan niŋen o ru kagin ipanaŋ dugo asol dak i?

⁸ Aŋ ilom ibilisa dak iri panim, kagin an san nuŋon mok agane ilasa wa. Aŋ siŋanem ilom lo igo ta abol na wa, ‘Abraham man maŋ tamama ya, an

mañ o idaisuda ya.’ Man dugo, nai en ñjurupaiañ itaot da, Anut ilon ibol tap man, pat e dien den ka injal pe ibilisap Abraham nanun muroun mok onj dilasa wa.

⁹ Pilagis ai dabin lo yen la ya. Ai fidian a nuñod uyan uyan ta ifu na dan, Anut itarep yabi yaup inanai yau a.”

¹⁰ Tamolpein ru an dulon tag dusumiani, “Mañ dugo migane wak i?”

¹¹ Agog ru naon irupidaig ibol, “Ta inj kulos uraru tap, neinta kulos aman tia yan ipani wa. Nek ago mi, ta inj anaj anda tap, inj dam ago mi igane wa.”

¹² Agog takis njalañ tamol dam suguek diñane wo dupalug Jon dusumiani, “Girek mañau, mañ dam dugo migane wak i?”

¹³ Agog Jon irupidaig ibol, “Añ tamolpein arawai dop sad moni subuñan kawan ak da ta ajanane na wa. Gabman sen ibol ago mi itaot ajanane wa.”

¹⁴ Ago dugo yu tamol aenta dam dusumiani, “Mañ dam, en dugo migane wak i?”

Agog ru naon irupidaig ibol, “Añ tamolpein afu dan lo banid na moni ta ajanane na wa. Añ ru sewak lo dam injsad moni ta ajanane na wa. Ajanem urat naon dupanan dan mi añ o idaisuda wak ninjen ilom maror anda amado wa.”

¹⁵ Tamolpein fidian mala nouk lo Kristus dititiani se ya, an ninjen o bubed ilon lo Jon inj Kristus mok ago dubol dugo ilod weiwei se ya.

¹⁶ Ago tag Jon irupidai, “Nai you lo mi añ ñusuguañ da. Ak man tamol a nai patug fo ipalu dan injsan dabai ñaisag dabai irinjani geig a. Nai man tamol kawan a, amaiak niñen o injsan sendal san

kam ɳupasi san o yaŋag tia ya. Gug tamol en man Awan Urgun lo isuguŋ a, agod Urgun an san yai nam ifulanaŋ a.

¹⁷ Inj banin lo kon gilek lo idirai san bioŋ yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anaŋ ab lo itumani wa. Ak man metmet adi man yai lo yabi yau a. Agod tamol ta yai an igane imat san tia ya.”

¹⁸ Dal wei kasik lo Jon tamolpein bumed yabisan ru ibol dop lo Anut anen ru uyan ak ipidinai a.

¹⁹ Gug Jon gabman gurman Herod san naok naok saian an ifulale yaug, tein san pein iŋane an lo isuda tag, Herod tiŋaen saian go Jon subanek lo igane ya.

²⁰ Ago igane an lo iŋsiganen muruan a imug igane se yan muruan taidam ibate ya.

Jon Jesus isugui a

Mat 3:13-17; Mak 1:9-11

²¹ Aria, Jon subanek lo gamugo digane dugo mel en ilasa ya. Nal ta tamolpein fidian suguek diŋane dugo Jesus dam ipalug suguek iŋane ya. Suguek iŋaneg itout go Anut igudani se ya. Saen nek an lo kumaen panu san dalawan ipasig yen dugo,

²² Anut san Ur muluk oŋ idug, iŋ kabuŋan fufo imasi a. Agog kumaen panu lo wagiŋ ta idug, igo ibol “Oŋ ɳaineg Nanug, ɳaineg bubeg mok, oŋ niŋe wo ɳai ilog tubun mi uyanan da.”

Jesus anen tubun bagen

Mat 1:1-17

²³ Jesus san anaŋar 30 dugo, urat fun igane ya. Tamolpein ilod lo iŋ Josef nanun ago dubol se ya.

Aria, yanjak e irig ipalu den inj Josef san tubun bagen a.

²⁴⁻³⁸ Eli, Matat, Livai, Melki, Janai, Josef, Mata-tias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Joshua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Esron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel, Kainan, Enos, Set. Set man Adam nanun, agod Adam inj Anut nanun.

4

Satan Jesus ikubiani a Mat 4:4-11; Mak 1:12-13

¹ Jesus Urgun buben injanefuteg, you Jordan ibisei a. Agog Urgun iduduwig, tan kawan ak ate yau a.

² Nal 40 ananj tia imado dugo Satan Jesus naon ikubiani se ya. Saen an lo inj ananj ta yani na ya, an ninjen o saen an itout man imatigen saian.

³ Satan igo irupeig ibol, “Onj Anut Nanun tap, ubol dop pat en bret onj ibilisa wa.”

⁴ Jesus ru naon irupei, “Girek e buk lo yen den igo ibol, tamol bret lo mi ta kumaen imado na da.”

⁵ Agog afon Satan Jesus injaneg did lak na yak kabuñjan fufo igunig itur dugo tan en san aban fidian ikubiai pani kisaek onj a.

⁶ Agog irupeig ibol, “Injaned dabai a ule dan, agod mel a girager anda yak fidian ule dan dam ɻaisag.

Ak niñen o tamol enti ñupani wo ilog ibol tap, ka ñupani wa.

⁷ An niñen o oñ turu soluwip, ubou ag ule tap, ñai dabai ñupanop, mel fidian ule dan oñ kagin pani wa.”

⁸ Ak man Jesus ru naon irupeig ibol, “Girek ta buk lo igo ibol, ‘Oñ Tubun en oñjane Anut mi ubou an ule wa. Injen mi niñen o bigabeg urat gane wa.’”

⁹ Agog fon Satan iñaneg Jerusalem na diaug, lak na tempel san ñudun fufo igunig itur go irupei, “Oñ Anut nanun tap, sokalik pe, tan na udu.

¹⁰ Man dugo, girek ta buk lo igo ibol,
‘Inj iñanen eñel irupidai dop kagin dupano wa.

¹¹ Banid nam disawo wa, kabelan pat oñ ñie ifini banau.’”

¹² Ago tag Jesus ibol, “Girek ta buk lo dam igo ibol, oñ mel ta gane tap lo Tubun en oñjane Anut an bitinaek lo ta gane na wa.”

¹³ Satan Jesus kubianek funfun lo igane tia tag ibiseig yau. Nal ta dop fon ile wa.

Nasaret na Jesus dile saian a

Mat 4:12-17; 13:53-58; Mak 1:14-15; 6:1-6

¹⁴ Agog Jesus Urgun san dabai lo fon imul go Galili na yau. Agog yañan panu panu fidian lo yau se ya.

¹⁵ Inj panu panu sad ubou ab lo ipiteñjanai dugo tamolpein fidian yañan diabisa se ya.

¹⁶⁻¹⁷ Agog Jesus Nasaret na yau a. Wagam nanuk lo aben ante italbusi a. Insiganen kagin iri panig, Juda sad ubou leil nal Sabat dubol dan lo yaug Nasaret adi sad ubou ab lo iladu ya. Agog Anut

san ru isuti wo imasa yan, profet Aisaia san buk dupani a. Buk roun ifulaleg, ru en ileg isuti:

18 “Tubun en san Ur ɳai lo imado da.

Man dugo, ɳai tamolpein kawan filiad tia yan, ru uyanan ak ɳurupidaip dulon o ipilianag a.

Inj ɳai idinag go ɳupalu man, tamolpein ru igo ɳurupidai a:

a Satan isubanai an ɳai ka ɳupasaip kuai te dilasa wa,

a malad itapul idu yan fon abaŋ ka dile wa, a tamolpein sen ak banid lo muruan dile dan, ɳai iñsad muruan ɳigane itout a.

19 Agod ɳai malak malak igo ɳurupidaip dulon ak, anaŋar nek en Tubun ak iñjanen ilo panek ikubiai pidinai o da.”

20 Agog Jesus buk ifutanig, biabi ɳilanjal tamol ipani gug imasi a. Tamolpein fidian ubou ab lo dumado dan malad ti ibol go Jesus dile se ya.

21 Agog fun iganeg irupidai, “Ru nek e kududom ilon en gamu geig nuŋon ilasa ya.”

22 Agog inj fidian dupitian se ya, iñsan ru dulon go inj ɳinjeŋ lo tamol ikawil an ak ago dubol go, durut saian dugo nug dusumiani se ya, “Dugo, an Josef nanun i?”

23 Agog Jesus irupidai, “Nai mel en ninjen o ilo uraru amag tia ya, aŋ ru faŋan en ɳai arupaiag o da, ‘Dokta, onse ikubinio gup! Kulob girager funfun a on Kaperniam na gane yan san ru malon a, gamu kulob naon kisaek onsigane fun panu lo dam gane wa.’ ”

24 Agog fon ru igo irupidai, “Nai rumok ɳurupaiŋ da, profet man iñsiganen fun panu lo tamolpein inj dumoi da.

25 Mel en rumok a, profet Elaija san nal lo Isrel pein wei mi suos dumado ya. Saen an lo man daded tubun a. Anañjar utol kalam 6 ui tia ya. Ago dugo kadag tubun aben fidian yabig yen se ya.

26 Ak man Anut Elaija idinig Isrel pein suos ta san na yau man tia ya. Tia, inj idinig gob adi sad taun Saidon lubanek lo, panu Sarefat san pein suos ta san na yau a.

27 Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan lulunjad lo tamol kisaek yañan Neman, Elaija nek an mi ikubuneg uyan a.”

28 Tamolpein fidian ubou ab an lo ru en dulonj go tinjaed tubun mi saian a.

29 Ago tag dumasag, Jesus dijaneg, aen damon fo dibilip idu wo tan bubun fo disuda diau a.

30 Gug banid lo ikisaluk ilasag, tumanek malan an titiñae mi imul go ilon ibol ak lo yau a.

*Jesus tamol ta tinin lo ur saian ikudi a
Mak 1:21-28*

31 Jesus Galili Provins lo panu Kaperniam na yau a. Atna Sabat nal lo yaug tamolpein iñsad ubou ab lo mañau ipiteñanai se ya.

32 Iñjanen ru dulonj man, tamol tubun yañan anda yak onj ipiteñanai se yan niñen o durut saian a.

33 Aria, ubou ab an lo tamol ta ur saian anda yak awan tubun mi iwagiñ go ibol,

34 “Onj Jesus Nasaret tamol, mañ dugo giniamá wo palu yak i? Nag onj mañ daonj panama wo palu boi a? Nai onj ñalonj a. Onj Anut san tamol gun a!”

³⁵ Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

³⁶ Agog tamolpein fidian durut saian go, iñsed dininjen dugo dubol, “Enso ru ta dabai anda ibol dugo ur saian saian awan duloŋ dugo dilasa diau di?”

³⁷ An lo Jesus san yaŋan ifurak go panu panu yau.

*Jesus Pita raon ikubune ya
Mat 8:14-17; Mak 1:29-34*

³⁸ Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak nijen o, Jesus ibinawi wo dusumi-ania a.

³⁹ Ago tag giraŋen na yaug, iyep go ru dabai nam subam an ikudi a. Gamu nam subam an ibiseig, pein an imasa kisaek oŋ go anaŋ ikubune pidinai a.

⁴⁰ Gurai idu yan, tamolpein iñsad panu lo subam amad da yak diŋal go, Jesus san na dupalu se ya. Agog iŋ banin tinid fo iganeg, fidian uyadi isusa ya.

⁴¹ Ur saian saian dam tamolpein wei kasik dibisawai dugo duwagiŋ, “Oŋ Anut Nanun.” Ago tag Jesus nao futek ru nam ipidai dugo awad lo dininjen san ipadau a, man dugo, iŋ Kristus dulon a.

*Jesus panu panu lo ru ibol se ya
Mak 1:35-39*

⁴² Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus

nijen o abaŋ dile se ya. Saen iŋ dile man, kabelan ibisawaip yau banau dupurani wo digane se ya.

⁴³ Ak man iŋ irupidai, “Nai ru uyanan e Anut san kagin panek nijen o yan, panu aenta lo dam ŋufulale wa. Urat nek an nijen Anut idinag go ŋupalu ya.”

⁴⁴ Agog Judea ilon lo panu panu yaug iŋaned ubou ab lo Anut ru ifulale na ya.

5

*Jesus megeloum iŋal o fun iganeg igiai a
Mat 4:18-22; Mak 1:16-20*

¹ Nal ta Jesus Genesaret san you saltek aen te itur dugo tamolpein wei kasik Anut san ru dulon o dususag, nug tinin fo dutur se ya.

² Agog iŋ malan yau nag, wog urarum loŋ ate dien dugo yil a. Wog muroudi man loŋ na dob dufulanai se ya.

³ Agog Jesus idug, wog ta lo isuda ya. An Saimon san wog. Agog Jesus Saimon irupei, “Wog kitek usoup tilasa.” Jesus wog fo imasig imado dugo tamolpein Anut san ru ipitejanai se ya.

⁴ Ipitejanaig itout man Saimon irupei, “Wog ŋanep lasa waup, bet ak lo gup tura murou dadi dob arae.”

⁵ Ago tag Saimon ru naon irupei, “Tubun en, tidom milaen maŋ urat wagai mok migane se ya, ak gug iy ta kisaek minjane man tia ya. Ak man gamu onj ubol ak nijen o awa mabip dob ka mirae wa.”

⁶⁻⁷ Agog dob diraeg, iy wei kasik mok dob lo dusuda ya. Agog dob itout o igane tag, turad muroud wog neinta lo yan dibinawai o banid nam

toutou diganeg dupalu ya. Agog wog urarum iy didiri awad isag disarir o dutonj.

⁸ Saimon Pita abaj ago ile tag Jesus naon na turun isaluwig ibol, “O Tubun en, nai tamol saiag. On nai bisawag pe wau.”

⁹ Iy wei mok dijane an Pita turan dida dileg, durut saian ak nijen o Pita ru an ibol a.

¹⁰ Saimon turan muroun, Sebedi nanun urarum, Jems in Jon da dam durut saian a.

Agog Jesus Saimon irupei, “Urer umoi. On gamu agod nal murnai san fidian on tamolpein dideg diau dan ago mok ujal a.”

¹¹ Agog wog urarum durau isudag melmel fidian diabi idug yen dugo Jesus nien aban duri diau na ya.

Jesus tamol lepra aman da yak ikubune ya

Mat 8:2-4; Mak 1:40-45

¹² Jesus panu tubun ak ta lo imado dugo, tamol ta tinin lepra yafutani an ipalu ya. In Jesus ileg nien fo turun isaluwi idug, imosiaig ibol, “O Tubun en, on ilo ibol tap, nai binawag pe fon tinig uyan ilasa da wa.”

¹³ Jesus ru an ilon go banin iuateg isupuri dugo irupei, “Ubol agom nai ilog ago yen da, on uya lasa.” Agog tamol an tinin uyan ilasa kisaek on a.

¹⁴ Ago dugo Jesus ru dabai nam irupeig ibol, “Kulob ilasa yen nijen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaeñ lo ibol dan njanep Anut yai gane pani. An lo dop tamolpein dulonj ak onjane subam itout a.”

¹⁵ Jesus kulob igane yan san ru panu panu yaug, tamol wei kasik injsan ru dulonj o dususa se ya.

Subam amad da yak ikubuniai o dam dupalu se ya.

¹⁶ Ak man Jesus saen wei mi ibisawaig, aben yoitout ak ate yaug igudani se ya.

*Jesus tamol ta ḡien banin tubabun ak ikubune ya
Mat 9:1-8; Mak 2:1-12*

¹⁷ Jesus nal ta tamolpein ipitejanai dugo, Farisi in kubiaeñ san girek mañau Judea provins lo, Galili Provins lo panu kititik an fidian, agod Jerusalem na yan dam dida dumado ya. Anut san dabai Jesus san kubunek urat igane yan lo yen a.

¹⁸ Agog tamol ta ḡien banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein wei kasik, an lo man diladu san ta isuda na ya.

¹⁹ Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein luluñad lo imado dugo naon na idu ya.

²⁰ Jesus iñsad ilo rumok ile tag tamol an irupeí, “O turag, ḡai oñane aupasek fidian ḡupasi yau la ya.”

²¹ Ago tag kubiaeñ san girek mañau, in Farisi dadi kankan diñaneg ilod lo mi igo dusumiaeñ, “Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi in dabai anda ya.”

²² Gug Jesus iñsad ilo girek fidian ilon̄ pasi ak ninjen o ru naon igo ibol irupidai, “An̄ ata wo kankan ago agane dak i?

23 Ata mel pasauman ak i? Aria, ηai igo ηabol, ‘Onjane aupasek ηupasi yau wo?’ Tia, ‘Masap kapal wabisap utor o?’

24 Gug kulob e ηigane en lo ηai, Tamol Nanun, tan en lo Anut wagen lo aupasek ka ηupasi yau amaiak alor o ...” saen ago ibol man, tamol a ηien banin itubabun an irupei, “Oŋ masa utur pe onjane kapal ηanep οŋsigane na wau.”

25 Agog tamol an naod na imasa itur go, iŋsan kapal isinig, Anut yaŋan yabisa dugo, siganen ab lo yau a.

26 Tamolpein fidian durut saian geig go Anut yaŋan diabisa ya. Ilod irut dugo tinid iŋjanefuteg igo dubol, “Gamu maŋ kulob senamo geig mok mile ya.”

*Jesus Livai iwagi a
Mat 9:9-13; Mak 2:13-17*

27 Ago gug Jesus ab an ibiseig yaug, takis ηilanjal tamol, yaŋan Livai, urat ab lo imado dugo ile ya. Agog Jesus irupei, “Nieg aban uri.”

28 Ago tag Livai mel fidian yabidug dien dugo, Jesus ηien aban iri a.

29 Livai Jesus ninjen o soubul tubun ak iŋsan ab lo igane ya. Doup luluŋad lo takis ηilanjal tamol wei kasik agod tamol aenta dam dususag, dida anan diani se ya.

30 An ninjen o Farisi, in Farisi sad kubiaeŋ san girek maŋau dida Jesus san megeloum naod na duŋjurŋur go dusumianai, “En ata wo anjsam girek maŋau takis ηilanjal, agod aupasek tamolpein dida sisem anan diani dak i?”

31 Ago tag Jesus ru naon irupidaig ibol, “Tamlpein a uyadi ak dokta san na ta diau na wa, tia, tamolpein subam anda yak mi diau a.

32 Man dugo, ηai tamolpein a itaot adi dubol dak ηigiaip dupalu san ninjen o ta ηupalu na ya, tia, aupasek tamol adi mi ηigiai o ηupalu ya.”

*Kagin imug ak, foun ak da
Mat 9:14-17; Mak 2:18-22*

33 Tamolpein aenta Jesus igo dubol durupe, “Jon san urat pinein nal kadi anaŋ geg diganep, gudanek mi digane da. Farisi sad megeloum dam ago digane da. Gug oŋsa megeloum man diani duluk oŋ da.”

34 Ago tag Jesus ru fanjan en irupidai, “Ak dugo, tamol ta pein iŋjane dop, turan muroun aenta dupalup, dida dumado dop anaŋ o waliŋ igane wak i? Tia geig a. Inj youd isap, dida ilo uyan lo mi dumado wa.

35 Gug murnap saen idu gup, tamol an dupasi wa. Nal an lo, inj anaŋ waliŋ digane wa.”

36 Agog Jesus ru fanjan taidam irupidaig ibol, “Tamol ta inj yamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, inj yamel kilaken foun an daon ipani wa. Taida mi, yamel kilaken foun an inj kulos wagam an ida naod kisaek tia ya.

37 Agod tamol ta inj wain foun ak injanep, bilelek suŋulon wagam ak lo ta iwali na da. Inj ago igane tap, wain foun an bilelek suŋulon wagam an ika-fut yaup ipuk pe, ikulmaek, tan na idup, bilelek suŋulon dam daon ipani wa.

38 Wain foun ak tap, bilelek suŋulon foun ak lo iwali wa.

39 Agod tamol wain wagam ak iluk dan wain foun ak imoi da. Ago dop ibol a, ‘Wagam en mi uyan a.’ ”

6

Jesus man ubou nal yanjan Sabat dubol dan san muroun

Mat 12:1-8; Mak 2:23-28

1 Ubou nal ta lo Jesus kon san abi ilon lo itor se ya. Ago dugo injsan megeloum dimatigen, an nijen o inj kon nuŋon aenta dufunig banid nam dufufari yau dugo nuŋon diani se ya.

2 Ak man Farisi aenta dubol, “Enta wo aŋ urat a Sabat nal lo tigane san nijen o idsad kubiaeŋ ipadau amaiak agane dak i?”

3 Ago man Jesus ru naon irupidaig igo ibol, “Nag mel e Dawid igane yen ta asuti na ak i? Inj injanen turan muroun dida kadag san saen lo anaŋ o dumat go,

4 Dawid Anut san ab lo iladug, bret a Anut naon na didirig dien an isinig, injanen yu tamol adi dida diani a. Bret an tamolpein fidian lo geg a, nek Anut san pris mi diani wa.”

5 Agog irupidai, “Tamol Nanun man injsen Sabat nal an muroun.”

Jesus Sabat nal lo tamol banin saian ak ikubune ya

Mat 12:9-14; Mak 3:1-6

6 Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipitenjanai se ya. Tamol ta banin saian ak dam saen an lo imado ya. Banin won ak ikurŋak a.

7 Kubiaeŋ san girek maŋau iŋ Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal aban dilep lo Jesus ru dupani wo ilod ibol se ya.

8 Gug Jesus injsad ilodi an iloŋ tag, tamol banin saian an irupei, “Oŋ masap, titiŋae mi utur.” Ago tag imasaq yaug titiŋae mi malad lo itur se ya.

9 Agog Jesus girek maŋau iŋ Farisi dida isumianai, “Idsad kubiaeŋ dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibinawi wo? Tia, ta daoŋ tupani wak i?”

10 Agog Jesus tamol an fidian yil ilubanai ak gug ru naon tia tag, tamol an irupei, “Bani wate.” Tamol an ago iganeg, banin gamu nam uyan ilasa ya.

11 Ak man in tiŋaed tubun mi saian go, enso muruan ta Jesus dupani san niŋen nug lo diŋiŋen se ya.

Jesus aposel 12 ipilianai a

Mat 10:1-4; Mak 3:13-19

12 Murnag nal ta lo Jesus igudani wo did fo yau a. Tidom milaen igudani dugo yaug salso idu.

13 Tidom lom iŋanen megeloum igiaig dupalu ya, agog 12 ipilianaig yaŋad aposel* ibol a.

* **6:13:** Yaŋak an fun: Anut awan ŋanep wau.

¹⁴ Inj yañadi igo iri a: Saimon yañan neinta Pita ibol, inj tein Andru, Jems inj Jon da, Filip inj Bartolomiu da,

¹⁵ Matyu inj Tomas da, Jems, Alfias nanun, Saimon, yañan neinta “Rom sad ager tamol” dubol da,

¹⁶ Judas, Jems nanun, agod Judas Iskeriot. Mitep tamol an Jesus ager banid lo igane wa.

*Jesus inj tamolpein wei mi ikubuniaig uyadi a
Mat 4:23-25; Mak 3:7-12*

¹⁷ Murnag Jesus iñsan megeloum dida dudug, tan aten fo dutur se ya. Tamolpein wei mi dususag Jesus fun na dutur dulubani a. Agog tamolpein malan tubun, Judea provins lo, Jerusalem na, gob sad taun uraru Taia inj Saidon da sad loñ na yan dam dususag dutumani a.

¹⁸ Jesus san ru duloñ dop, subam ad da yak dam ikubuniai o dupalu ya. Tamolpein ur saian ad da yan ikubuniai se ya.

¹⁹ Dabai iñsan na ipalug tamolpein ikubuniaig uyadi an lo, tamolpein wei kasik tinin dusupurip uyad dilasa wo siñiren na dupalu se ya.

*Bar inj muruan da
Mat 5:1-12*

²⁰ Jesus iñjanen megeloum lo leil igane dugo ibol, “Añ a mel amam tiag amado dan, bar ajaneg amado da.

Man dugo, Anut san kagin panek man ajanem mok a.

²¹ Añ a gamu amatigen dan, bar ajaneg amado da.
Man dugo, murnap añ luam ipuk a.

Añ a gamu tinañ abi dan, bar ajaneg amado da.
Man dugo, murnap añ asel a.

22 Saen Tamol Nanun niñen o diliañ saian dop,
dukudan̄ dop, kukok am digane dop, ajanem
yañam saian ago dubol dan niñen o diabi-
anañ dan,
añ bar ajaneg amado da.”

23 “Saen an lo yousai lo asokalik dop ilo uyan
am da amado, man dugo, ajanem naon a Anut
ikubune lag kumaen panu na yen dan man tubun
geig a. Nek muruan naon kisaek mi iñaned tubud
baged profet adi a imug dumado yan dupidinai se
ya.”

24 “Gug añ filiam am da yan kagin agane wa.
Man dugo, tan en lo mi madok uyan ak ajané
ya, murnai san tia ya.

25 Añ gamu luam ipuk dan kagin agane wa.
Man dugo, añ murnap amatigen geig a.
Añ gamu asel dan kagin agane wa.
Man dugo, murnap añ ilom ipapao dop tinañ
aru agane wa.

26 Añ a tamolpein yañam diabisa dan kagin agane
wa.
Man dugo, in tubud baged wagam profet se-
wak adi niñedi wo ago mok digane na ya.”

Ager ilod tupidinai san kagin

Mat 5:38-48; 7:12

27 “Añ a ñaisag ru alon̄ dan ñai igo ñurupaiañ da.
Ajanem ager niñedi wo amat a. Ta iliañ saian tap,
añ in ale uyan dop kagin uyan ak mi in o agane wa.

28 Ta imisilanañ tap, bar uyan ak mi apani wa.
Ta naom ifute tap, in niñen o Anut agudani wa.

29 Ta kudajam igufute tap, abilisap aenta dam
ka igufute wa. Ta ajsam madid san kulos milaen
ak in Jane tap, alefuni dop siot dam ka in Jane wa.

30 Ta anjsam mel ta wo igod tap, apani. Go ta anjsam mel iñane tap, mel an ipanañ imul o ta agudani na wa.

31 Kagin uyan ak aŋ lo digane wo amat dan, ago mi iŋ lo agane wa.”

32 “Ak dugo, tamolpein a oŋ niŋe wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, aupasek tamol adi dam kagin nek ago mi digane na ya.

33 Tia dugo, tamolpein a oŋ dibinawo dak mi binawai tap, an lo dugo woŋ naon ule wak i? Tamol saiadi ak dam ago digane da.

34 Tia dugo, oŋ tamolpein a mel naon dupano wak aloŋ dan mi mel pidinai tap, an lo dugo woŋ naon ule wak i? Tamol saiadi ak dam nug mel dupani dop, naon dam ago mi diŋane da.

35 Gidad. Aŋanem ager ilom ipidinaip, kagin uyan ak mi iŋ lo agane wa. Ta mel apani tap, naon ipanañ o ta abol na wa. Ago agane tap, murnap naon tubun ak anjane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a iŋsed mi wo ilo sou digane dan dam, ilon ipidinai da.

36 Ago yak niŋen o nek ibol Bai Anut aŋ ilon imuŋjanai dak ago mi, aŋ dam tamolpein aenta ilom imuŋjanai a.”

Aenta abitiniae san kagin

Mat 7:1-6

37 “Oŋ tamolpein aenta bitinaek lo ta giniae na wa, an lo dop Anut dam oŋ bitinaek lo ta iginio na wa. Oŋ muruan niŋen o tamolpein aenta biai dudu umoi, an lo dop Anut dam ta ibio udu na wa.

Tia, iñsad aupasek ilo iñaoñ a, an lo dop Anut dam onjane aupasek ilon iñaoñ a.

³⁸ Tamolpein mel pidinai tap, Anut dam nek ago mi ipano wa. Tubun mi pidinai tap, Anut dam tubun mi ipanop, awan isa wa. Tou sapta a pidinai dan, tou naon kisaek mi ñjane wa.”

³⁹ Agog Jesus ru fañan en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa.

⁴⁰ Talpein a mañau iñjane dan, iñsan girek mañau ta iriñjani na da. Ak man saen mañau iñjane itout dop mañau iñ lo awan isa man, iñsan girek mañau igo ilasap imado wa.”

⁴¹ “Dugo woñ go metmet samun ta tei malan lo ule gug onsigane mala lo ai lapan yen an ta kubiani na yak i?

⁴² En dugo woñ tei rupeip ubol, ‘Gane dop metmet samun an mala lo yak ñupasi yau,’ dugo onsigane mala lo ai an nal fidian mi ago yen di? On bale uraru ama, imug mi sigane mala lo ai lapan an pasi gup, lo abañ ka ule uyanan dop, lo tei malan lo metmet samun an pasi yau a.”

Ai iñjanen nuñon da sad ru fañan

Mat 7:16-18; 12:33-35

⁴³ “Ai uyan ak iñ nuñon ta ifu saian na da. Nek ago mi ai saian ak dam nuñon ta ifu uyan na da.

⁴⁴ Ai fidian nuñod lo mi taloñ da. An ai uyan dugo an ai saian ak tabol da. Tamolpein ai gurab nuñon yuk dudurun anda yak fo ta diñane na da. Wain nuñon dam ai saian dudurun anda yak fo ta diñane na da.

⁴⁵ Tamol uyan ak inj mel uyan uyan ak tinin ilon lo itumanai an lo kagin uyan uyan ak mi injal dop an idirai dilasa wa. Ak man tamol saian ak inj mel saiak saiak tinin ilon lo itumanai an lo kagin saian saian ak mi injal dop an idirai dilasa wa. Man dugo, kagin saian ak boi, uyan ak boi, tamol ilon injanefute yan injanep awan lo ibol ilasa wa.”

Ab bek kankan milaen ak anda, agod ab bek kankan an tia ya

Mat 7:24-27

⁴⁶ “Aŋj ata wo ɿai niŋeg o ‘O Tubun en, O Tubun en’ abol dugug ɿai awag ta abi na di?

⁴⁷ Tamol enti ɿaisag na ipalug awag ilon go awag kagin ipani dan inj fun igo:

⁴⁸ inj nek ibol maŋau tamol ab yabi wo dugo bag san gib kuror mi yabig, pat nam bag fun isue sakar ak igo woŋ a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a.

⁴⁹ Ak man talpein ru e ɿabol den ilon gug awag kagin ta ipani na dan, inj man nek ibol ɿiŋeo tamol igo ya, injanen ab yabi wo dugo gib ta yabi nag, lul fufo mi yabi ak igo woŋ a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinjinek man saian geig a.”

7

Rom san yu gurman Jesus ilon lo rumok a

Mat 8:5-13

¹ Jesus ru en tamolpein irupidai itout go, imasag, Kaperniam na yau a.

² Atna Rom san yu gurman ta san urat pinein subam saiak ta iñaneg imat o sumeik a. Urat pinein an ninjen o tubun mi imat da.

³ Agog Rom san yu gurman Jesus imado dan iloñ tag, iñ Juda matu gurman aenta idinaig diau a. Jesus durupeip ipalup, iñanen urat pinein ikubunep uyan o ibol.

⁴ Ago tag iñ Jesus san na diaug, maeg nam dumosiaig durupei, “Onj mel en gane pani san iñ idaisuda ya.”

⁵ Man dugo, iñ idsad Juda dar ninjedi wo imat da, agod mañsama ubou ab dam isuse panama ya.”

⁶ Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, iñ awan aban Jesus durupei, “O Tubun en, tureñ ifuno umoi. Naisag ab lo ladu san ñai ta idaisuda na ya.”

⁷ Agod onṣa na ñupalu san o dam yanag tia ya. Ru mi ubol dop lo ñaisag urat pinein uyan isusa da wa.

⁸ Man dugo, nek onṣe onj ñai dam tamol aenta waged lo urat ñigane da, agod ñaisag yu tamol adi paeg na dumado da. Saen ñai yu tamol ta ‘wau’ ñabol tap, iñ yau a. Tia, tamol ta ‘palu’ ñabol dop, iñ ipalu wa. Tia, ñaisag biabi ñilañal ñurupeip ‘en gane’ ñabol dop, iñ igane wa.”

⁹ Jesus ru an iloñ man, irut saian geig a. Agog idañsag tamolpein a ñien aban diri se yan irupidai, “Rumok geig ñurupaiañ da, tamol ilo rumok naok igo yak ta Isrel ilon lo ñile man tia ya.”

¹⁰ Agog yu gurman iñanen turan dumul go ab lo diau man, urat pinein an uyan isusag imado dugo dile ya.

Jesus pinein imat ak ta ifufunig kumaen imasa ya

¹¹ Murnag Jesus panu ta yanjan Nein dubol dan te yau a. Injsan megeloum, agod tamolpein wei mi mok dam dadi diau a.

¹² Panu an san dalawan sumeik dupani dugo, tubabun ta disinig dupalu se ya. Tamol imat an inj pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya.

¹³ Saen Tubun en pein an ile man, ilon tubun mi imuñani tag irupei, “Tata umoi.”

¹⁴ Ago dugo Jesus yaug, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupei, “Pinein en, n̄ai n̄jurupaio da, onj masa!”

¹⁵ Agog tamol imat an fon kumaen imasag fun iganeg injinej se ya. Jesus pinein an injaneg tinan ipani a.

¹⁶ Agog tamolpein fidian tubun mi durut go, Anut yanjan diabisag, dubol, “Profet tubun ak ta id lulunjad lo ilasa ya.” Inj dubol, “Anut injanen tamolpein yil o ipalu ya.”

¹⁷ Kulob e Jesus igane yen san ru Judea ilon lo ifurak go, aben an sad panu panu lo yaug fidian dulonj a.

*Jon Siguek san Jesus niñen o ilon weiwei a
Mat 11:2-19*

¹⁸ Jon san megeloum kulob fidian Jesus igane se yan dile tag, Jon san na diaug durupeig ilonj a.

¹⁹ Ago man Jon megeloum nunjod urarum igiaig irupidai, “Aup, Tubun en igo asumiani wa. Tamol a ipalu san niñen o manj malama migane dan, onj

tamol nek amaiak i? Tia, maŋ tamol sen ta ipalu san niŋen o mala nouk mumado wak i?”

20 Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san niŋen o maŋ mala nouk mumado dan, onj tamol nek amaiak i? Tia, maŋ tamol sen ak ipalu san niŋen o mala nouk mumado wak i?”

21 Saen nek an lo, Jesus subam adi wei mi ikubuniai dugo, a ur saian ad da yak ur saian ikudai diau dugo, a malad itapul ak idiraig fon aban dile se ya. Ago dugo ru sinek tamol adi kulob an fidian dile se ya.

22 Agog Jesus ru naon irupidai, “Amul aup mel dugo ale dugo, ru alon na yan dam Jon arupeip ilon a: malad itau ak afon aban dile dugo, njed saian ak afon tureŋ diabi dugo, a tinid lepra amad da yan tinid siŋaokan dilasa ya. Kududod itau ak afon ru dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak ŋufulale pidinai dugo dulon da.

23 Agod talpein a ŋai o ilon ta saian na yan, inj Anut san bar injane wa.”

24 Jon san megeloum dumul diau dugug, Jesus Jon niŋen o tamolpein irupidai o fun iganeg igo ibol, “Saen aŋ aben kawan talpein tia yak ate au an, aŋ ata mel mok ale wo au ak i? Nag aŋ tim ifurep war iwi yau imul dop ale wo au boi ak i?

25 Tia tap, ata wo au ak i? Nag aŋ tamol ta tinin kulos naon lak na geig ak idiri amaiak ale wo au ak i? Tia, tamol a bioŋ naok ago yak didiri duman, inj kiŋ sad ab lo mi dumado da.

26 Ak niñen o ata mel mok ale wo au ak i? Nag profet ale wo boi i? Awo, ñai nek amaiak niñen o ñjurupaiañ da, profet en man rumok inj profet a, ak gug inj urat subaÑan taidam da imado da,

27 tamol nek emaiak niñen o girek e Anut san ru lo digire idug yen den, igo ibol,
 ‘Ule, ñaisag ru sinek tamol ñidinip, onj nao na imug pe yau a.

An lo oñsa dal ikubune wa.’

28 Nai rumok ñjurupaiañ da, tamol a pein tiñaed lo dilasa yan luluñad lo tamol ta kisaek Jon Suguek san iriñjani man tia ya. Ago bo man, tamol ta Anut san kagin panek aben ilon lo yañjan tiag, aenta fidian paed na imado dan, inj Jon Suguek san iriñjani geig a.”

29 (Saen tamolpein kawan ak fidian, agod takis ñilañjal tamol dam, ru a Jesus ibol an duloñ man, Anut san dal an mi dal rumok ak niñen o awok dupani a. Man dugo, tamolpein nek an Jon san suguek diñjane ya.

30 Gug Farisi inj kubiaeñ san girek mañau dadi, dal uyan a Anut ikubiai pidinai an diabiani a. An niñen o suguek an ta diñjane na ya.)

31 Agog Jesus fon ibol, “Saen en san tamolpein inj naok dugo woñ ak i?

32 Inj nek ibol nanuk kititik dadeñ aben na du-masig dumado dugo nanuk aenta igo dubol digiai da,

‘Mañ añ atari wo dum muwi se ya,
 ak man añ ta atari na ya.

Agod mateñ saen an san bar mabi se ya,
 gug añ ilom saian dugo atata man amoi a.’

33 Man dugo, Jon ipalug anaŋ tubun ak ta yani na dugo, you sakar ak dam ta iluk na ya, an niŋen o ago dubol, ‘inj ur saiak aman da ya.’

34 Ago dugo Tamol Nanun dam ipalug anaŋ tubun ak yani dugo you sakar ak dam iluk da, an niŋen o ago dubol, ‘Ale wo, tamol en tunalek tamol, agod lukluk san tamol. Ago dugo inj mi takis ŋilaŋjal, agod aupasek adi dam sad turadi!’

35 Ak man, kankan a milaen mok amaiak, injanen kagin naok naok an lo mi tamolpein malad lo man itaot geig an ikubiai pidinai a.”

Jesus Farisi tamol ta san ab lo yau a

36 Farisi ta yanjan Saimon dubol dan Jesus ida anaŋ diani wo iwagi tag injsan ab lo yaug, anaŋ diani wo dumasi a.

37 Panu an san aupasek pein ta Jesus Farisi dida dumado dan iloŋ tag gureŋ, butol ta pat siŋaokan ak nam digane yak, isinig san na ipalu ya.

38 Pein an ab lo iladug, Jesus patun fo itur go itata dugo, malan turon Jesus ŋien fo idu se yan, gurman roun nam ŋien isasi se ya. Nien dam musuk ipanig, gureŋ fo ikulmaek a.

39 Agog Farisi tamol an ile dugo, ilon lo mi ibol, “Tanol en profet ak tap man pein en fun iloŋ a. Pein en aupasek tinan.”

40 Ago dugo Jesus Farisi an irupeig ibol, “Saimon, ŋai ru ta ŋurupaio wo da.”

Ago tag Saimon awan yabig ibol, “Girek maŋau, ubol pe.”

41 Agog Jesus ibol, “Tanol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina.

42 Murnag moni tamol an iñsad gubun dupani wo irupidai a, gug uraru an sad gubun dusupasi san ta idaisuda na ya. An niñen o ilon imuñjanaig sad gubun an ikubuneg itout a. Oñ dugo ilo isou di? Tamol dugon, moni tamol an niñen o, nen tubun mi imat ak i?”

43 Saimon ru naon irupei, “Nai ñabol, enti a iñsan muruan nen tubun an, nek ama ya.”

Agog Jesus irupei, “Oñane kubianek an itaot a.”

44 Agog Jesus idañsag, naon pein an ipanig Saimon irupei, “Dugo, oñ kulob e pein en igane yen ule yak i? Nai oñsa ab lo ñiladu gug oñ you ta panag go lo ñieg ñufulan man tia ya. Gug iñ malan turon nam ñieg ifulani dugo, gurman roun nam isasi panag a.

45 Oñ musuk ta panag man tia ya, ak gug pein en saen nai ñiladu yan fun iganeg ipalug ñieg musuk ipani se ya.

46 Oñ nai gurmag fo gureñ ta kulmaek na ya. Gug pein en nai ñieg fo gureñ mumalun uyanan ak ikulmaek idu ya.

47 Ago yan niñen o nai ñurupaio da. Pein en san aupasek wei mi bo man, nai aupasek an fidian ñusuas pani la ya, man dugo, nai niñeg o tubun mi imat da. Ak man tamol ta iñsan aupasek wei an tia ñusuas pani tap, iñsan ilo uyan man nai o dam tusan mi a.”

48 Agog Jesus pein en irupei, “Oñane aupasek fidian ñusuas pano ya.”

49 Tamol aenta anañ diani wo dumasi an iñsed nug durupeig dubol, “En dugo, tamol en iñ mi ibol go, sen ilon nam aupasek ka ipare idu wak i?”

50 Gug Jesus pein an irupei, “Oñane ilo rumok patu ipasi a. Oñ maror lo mi wau.”

8

Pein malan ta Jesus ɳien aban duri se ya

1 Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Injsan megeloum 12 an dam dida tureñ diabi se ya.

2 Ago dugo pein aenta, inug subam ad da yak, ur saian tinid lo ipasi an dam ɳien fo dida diau se ya. Luluñad lo Magdala pein ta yañan Maria. (Inug tinin lo Jesus ur saian 7 ikudai a.)

3 Ta man Joana, Kusa iwon. Kusa man King Herod san ab titianek tamol. Ta man Susana. Inj pein aenta wei mi dam Jesus, injsan megeloum dida injsiganed melmel lo dibinawai dugo dutor se ya.

Anaŋ kubulan san ru fañan

Mat 13:1-9; Mak 4:1-9

4 Panu panu tamolpein Jesus san na dupalug, dutumani dugo Jesus ru fañan en irupidai,

5 “Saen ta lo tamol ta ai patun isinig abi lo ipae o yau a. Inj yaug sijanen abi lo man ai patun banin igane anuag tan fufo iratitaleg idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a.

6 Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya.

7 Ai patun aenta ud saiak luluñad lo dudu ya, agog sisem disa diau dugo ud saian an ai uyan ak yafutanai an lo dumat a.

8 Gug ai patun aenta tan uyan ak lo dudu yan disa uyan go tet mi nuñod ifu uyan a, sad sutek 100 igo ya.”

Agog Jesus ru an ibol itout man, iwagiñ go igo ibol, “Tamol oñ kududo ama da tap, ru an uloñ uyanan a.”

*Jesus ru fañan lo mi iñiñej san fun
Mat 13:10-17; Mak 4:10-12*

9 Saen Jesus san megeloum ru en fun niñen o dusumiani man,

10 igo ibol irupidai, “Anut iñsan kagin panek aben san melmel imianuk an san mañau ipanañ a. Ak man tamolpein aenta ru fañan fun tia yak mi dulonj da. An lo man,

‘Inj leil digane bo man, ilod ta itarpasi na da.

Agod kududod nam dulonj bo man, fun mok ta diñane na da.’”

*Jesus ru fañan an fun ifulale ya
Mat 13:18-23; Mak 4:13-20*

11 “Ru fañan en san fun igo ya: anañ kubulan man Anut san ru.

12 Anañ kubulan dal te idu yan man nek ibol tamol ru dulonj gug Satan ru burbed lo ipasi dak igo woñ a. Ago dop ñai o ilod lo ta rumok na dop lo Anut patud ipasi san tia ya.

13 Anañ kubulan tan sagargar anda yak fo idu yan man nek ibol tamol ru dulonj dugo yousai lo ru an diñaneg ilod lo rumok a. Ak man tamol amaiak nek ibol ai dabid dabai an tia yak igo woñ, saen

katukan mi ilod lo rumok a. Man dugo, kubianek ipalu san saen lo iñjaned ilo rumok dibisei kisaek onj a.

¹⁴ Anañ kubulan ud saian ak ilon lo dudu yan man nek ibol tamolpein ru rumok an dulonj pe ilod lo rumok kisaek onj dak igo ya. Ak man iñ tan en san madok niñen o ilo sou gidigidad mi digane da, agod iñ melmel wei mi amad da wo dumat da, an lo iñsad kagin uraru an Anut san ru iñ lo yan ituani da. Amaiak niñen o nuñod ta ifu na da.

¹⁵ Agod anañ kubulan tan uyan ak lo idu yan man nek ibol tamol ru dulonj dugo, iñ tamol mok san kagin lo ru an diabi dabaig, kagin dupani yaug, gidad saen muruan dile bo man sad kagin an nuñon ifu da.”

Lam san ru fajan

Mak 4:21-25

¹⁶ “Tamol ta iñ lam isulanip, bod boi, tia, sareg boi paen na ta igane na da. Tia, iñ pempem lak na isuñanip, tamolpein a diladu dan ka dile wa.

¹⁷ Nek ago mi en ata mel imianuk yen dan mur-nap kuai isi wa. Agod mel a tamolpein naod na dimianig yen dan, kuai te ilasap id fidian tile wa.

¹⁸ Ago yak niñen o ru e añ alonj den kagin apani wa. Ata wo? Talpein enti iñ mel ta da yan, Anut subuñan taidam ipani wa. Ak man, enti iñ tinin lo mel ta tia ya, ak gug gidad iñ mel anda yak ibol da, ago bo man Anut iñsan melmel an fidian banin lo ipasi yaup itout a.”

Jesus tinan iñ tein da Jesus dile wo diau a

Mat 12:46-50; Mak 3:31-35

19 Jesus tein muroun injin tinad da dile wo diau a. Ak man tamolpein wei kasik go dile san tia ya.

20 Ago dugo tamol ta ipalug Jesus irupei, “Onj tina injin tei murou dida dilio wo dupalu yak ab patun fo dutur da.”

21 Agog Jesus awan yabig ibol, “Tanolpein a Anut san ru dulon go kagin dupani dan, injin nai tinag di nai teig a.”

*Jesus tim tamun da ipidaig dutokubol a
Mat 8:23-27; Mak 4:35-41*

22 Nal ta Jesus iñsan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a.

23 Agog diyawai dugo dal na Jesus malan iyof go yen a. Agog tim tubun nunjon ifureg, wog ilon lo you idug, isarir idu wo sumeik dugo,

24 megeloum Jesus san na diaug dufufunig durupei, “Tubun en, id tadeg tau o sumeik da.”

Agog Jesus imasag, tim tamun da ipidai, “Atokabol.” Agog gamu nam malin ibalsi a.

25 Ago dugo Jesus megeloum ipidai, “Añanem ilo rumok dugo i?”

Inj direr dugo durut saian man sed nug durupei, “Enso tamol ta, tim tamun da awan dulon go dutokubol ak i?”

*Jesus tamol ur saian anda yak ikubune ya
Mat 8:28-34; Mak 5:1-20*

26 Murnag diyawai go you awan aen ate Gerasin sad tan lo diau a.

27 Jesus wog ibiseig idu yan, tamol ta panu an san ipalu ya, injin ur saian anda ya. Saen milaen mok tamol an kulos ta idiri na ya. Agog panu na dam ta

imado se na ya. Tia, in tamol disiriai ak sad mutou fom imado se ya.

²⁸ Saen in Jesus ile yan awan tubun mi isasaig Jesus nien fun na yau idug ibol, “Jesus, Anut lak na yak nanun, on mel ta nai lo i? Nai on o namosiai da, madai tubun ak panag umoi!”

²⁹ Jesus gubak mi ur saiak tinin lo ilasa wo ru dabai nam irupei a, an ninjen o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam nien banin dusubanig imado dugo, titianek tamol dam tawaŋ dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

³⁰ Aria, Jesus tamol an isumiani, “On yaŋa enti?”

Agog irupei, “Nai yaŋag Wei Kasik” Man dugo, gubak mi ur saiak wei mi tinin ilon lo diladug dumado se ya.

³¹ Agog ur saian adi saen wei mi Jesus dugudanig dubol, “On diramap gib kuror fun tia ak lo madu wo ago rupaiama umoi.”

³² Aria, ante man bor malan tubun ak wei mi bubun an girajen na dupaŋ di dutor se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a.

³³ Agog ur saian adi tamol an dibiseig, bor tinid lo diladu ya. Agog bor malan tubun an fidian mi ilod imasa saian go dumaspalu dudug, damab aen te dusokalik man, you awad lo yaug dumat a.

³⁴ Bor an sad titianek tamol aban ago dile tag disol go diaug panu tubun ak lo, panu kitiktik lo tamolpein an fidian durupidai se ya.

35 Tamolpein ru duloŋ go, injam abaj dile wo diau a. Dupalug, Jesus njien fun na tamol imug ur saian anda yan imasig, kulos idirig imado dugo dile ya. Inj itokubol go, kankan fidian uyan ak lo mi imado dugo dileg, durut saian a.

36 Aenta malad nam abaj dile yan, tamolpein naod na Jesus tamol an dugo woŋ ikubune yan dubol se ya.

37 Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

38 Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol,

39 “Umul waup, onsigane panu na, Anut ikubunio an niŋen o ru ubol dop duloŋ a.” Agog tamol an imul yaug, panu ilon lo Jesus injikubune yak san ru ibol dugo duloŋ se ya.

Kubakan ta imat ak injam pein ta subam anda yak da

Mat 9:18-26; Mak 5:21-43

40 Saen Jesus imul man, tamolpein malan tubun you aen ate malan digane yan duyuŋjani a.

41 Ago dugo tamol ta yaŋjan Jairas ipalu ya. Inj ubou ab san gurman ta. Inj nanun pein kisaek o lian, san anaŋjar 12 an imat o sumeik ak niŋen o, injam njien fun na yau idug, ida injsan ab lo diau wo isumiani a.

42 Jesus yau dugo tamolpein dupalug dubuluwi nuŋon.

43 Luluŋad lo pein ta anaŋjar 12 siganen dar tinin ilon lo yak ilasa se ya. Injsan moni samukan fidian dokta tinid lo ibisei gug ta kisaek pein en ikubuneg uyan man tia geig a.

44 Doup luluŋad lo mi Jesus patun fo ipalug san kulos bitiŋen te isupuri a. Agog gamu nam dar an igos a.

45 Ago tag Jesus isumianaig ibol, “Enti ŋai isupurag ak i?”

Fidian tia dubol go Pita ibol, “Tubun en, tamolpein wei kasik dubuluwo dugo tinid nam oŋ dupuno da!”

46 Ak man Jesus ibol, “Talpein ta isupurag a, man dugo, ŋaineg dabai aenta ibisawag dugo ŋai tinig lo ŋukubiani a.”

47 Pein an kuai tem iloŋ go, imunamuk pe imado san tia ya. Agog tubun mi isuruwor dugo, ipalug Jesus ŋien fun na isaluwi idug, tamolpein malad lo fun dugog Jesus isupurig, iŋsan subam an itout an ibol a.

48 Agog Jesus irupei, “O nanug pein, oŋsigane ilo rumok ŋai lo yan ikubunio ya. Maror lo wau.”

49 Jesus ago ibol dugo, tamol ta Jairas san ab lo yak ipalug, Jairas igo irupei, “Oŋ nanu pein imat la ya. Gidad oŋ girek maŋau muruan taidam ta pani na wa. Ak ninjen o ulefuni dop yau a.”

50 Jesus ago iloŋ tag Jairas irupei, “Urut umoi. Ilo lo rumok dop, nanu pein fon kumaen ilasa da wa.”

51 Saen ab lo ilasa yan Jesus tamolpein aenta ab lo diladu man imoi. In Pita, Jon, Jems agod nanuk tinan taman mi dida diladu ya.

52 Tamolpein fidian ab lo yan nanuk niŋen o ilod saian dugo tinaŋ aru digane se ya. Agog Jesus irupidai, “Atata amoi. Nanuk en ta imat pasi na ya. In ŋiong yabi da.”

53 Ago ibol dugo disel go awan kukokan digane se ya. Man dugo, in dulon, nanuk an imat mok a.

54 Gug Jesus nanuk banin te yabig ibol, “O nanug, masa!”

55 Agog nanuk anen kumaen san ur imul ipalug fon kumaen imasa kisaek oŋ a. Agog Jesus ibol dugo anan̄ dupani a.

56 Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

9

*Jesus megeloum 12 idinaig bilaluŋ diau a
Mat 10:1-15; Mak 6:7-13*

1 Jesus iŋsan megeloum 12 an itumanaig, ur saian dukudai dop subam dukubiniai san dabai ipidinai a.

2 Agog idinaig diaup, Anut san kagin panek ninjen o dubol ilasa dop subam adi dukubiniai o ibol a.

3 Ago dugo Jesus irupidai, “Aŋ tureŋ an lo, makud, badam, ŋjioŋ san biouŋ, anan̄, agod moni ta mok asini na wa. Siot subuŋan dam ta asini na wa.

4 Ab dugon lo digiaŋ tap, nek ante mi amado nap panu an abisei a.

5 Panu ta lo tamolpein aŋ o ta dumat na tap, panu an abisei wo dop, ŋiem san gufgaf apilti pidinai a. Agop lo dulon̄ ak, inj Anut san kagin panek dumoi a.”

6 Agog megeloum diaug, panu panu bilaluŋ uyan ak dubol ilasa dugo, subam adi dam dukubiniai se ya.

Herod isumiaeñ, Jesus ij enti mok?

Mat 14:1-2; Mak 6:14-16

⁷ Herod Galili provins san gurman tubun an melmel fidian ilasa na yan iloñ go ilon weiwei geig a. Man dugo, tamolpein aenta dubol, “Jon suguek san ij fon kumaen imasa da ya.”

⁸ Aenta dubol, “Elaija boi, tia, profet wagam san ta fon kumaen imasa boi.”

⁹ Ago gug Herod ibol, “Nai Jon buron njitarti a. Ak gug tamol e melmel emaiak iganeg ru an ñalon den, ij enti?” Ago dugo ij Jesus ile wo yaes tubun mi ifuni se ya.

Jesus tamolpein 5,000 ifutuwai a

2Kiñ 4:42-44; Mat 14:13-21; Mak 6:30-44; Jon 6:1-13

¹⁰ Iñanen megeloum dumul dupalug Jesus naon na melmel fidian digane yan dubol idu ya. Agog megeloum an injal go pasak nam panu ta yanjan Betsaida dubol dan ate diau a.

¹¹ Ak man tamolpein malan tubun mi Jesus dugo yau wo igane ñan dulon tag, njien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubuniai se ya.

¹² Gurai idu dugo megeloum ¹² Jesus san na diaug, durupeí, “Oñ tamolpein dinaip, panu susumeik an lo, gidigidad diaup, sed ninjedi wo anañ o, ñioñ aben o abañ dile wa. Man dugo, aben en yoitout a.”

¹³ Ak man Jesus ru naon irupidai, “Añsem ka afutuwai a.”

Ago tag durupei, “Maŋ anaŋ tia ya. En iy uraru, agod bret kafen mi dien da. Dugo, maŋ maup, doup tubun en nijedi wo anaŋ taida madad o?”

¹⁴ (Doup tubun dumado yan tamol kitek faiv tausen igo woŋ a.)

Agog Jesus megeloum irupidai, “Tamlolpein arupidaip, nuŋod fifti malan kisaek kisaek lo mi dumado wa.”

¹⁵ Agog megeloum adi Jesus ibol ago diganeg, tamolpein durupidai dugo dumasi a.

¹⁶ Agog Jesus iy uraru, bret kafen an iŋaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya.

¹⁷ Tamolpein fidian bret iy da dianig, luad ipuk go megeloum anaŋ wadan dutumanig sareg 12 digane anuai a.

Pita, Jesus iŋ Kristus an kuai te ibol a

Mat 16:13-20; Mak 8:27-30

¹⁸ Nal ta Jesus sen kisaek igudanig imado dugo, iŋanen megeloum dam susumeik dumado dugo isumianai, “Tamlolpein ŋai o enti dubol dak i?”

¹⁹ Agog ru naon durupeig dubol, “Aenta onj suguek tamol Jon dubol da. Aenta dubol, onj Elaija boi, tia, profet aenta wagam mi dumat na yan ta fon kumaen imasa ago dubol da.”

²⁰ Ago dugo megeloum isumianai, “Gug anjsem mi ŋai enti mok abol di?” Agog Pita ru naon igo irupei, “Onj Anut anen Kristus.”

*Jesus murnap imat gup imasa da wak nijen o
ibola*

Mat 16:21-28; Mak 8:31—9:1

21 Agog Jesus megeloum kududod yabig, ru dabai nam irupidaig ibol, “Tanolpein gidigidad naod na ru an ta abol na wa.”

22 Ru awan ibateg ibol, “Tanol Nanun muruan tubun ak wei mi ile wa. Pris gurman adi, Isrel matu gurman dida, agod kubiaeñ san girek mañau dam patud dupanip dile saian a. Agop dufuni imat a. Nal utol gib lo yen gup, fon kumaen imasa da wa.”

23 Agog fidian irupidai, “Ta inq nai iganurag o tap, inqiganen ilo ibol patun ipanip, dal fidian lo siganen aigim isinip, nieg aban iri wa.

24 Ta inqinan tinin mi kagin ipani dan, ideg yau a. Gug ta nai niñeg o siganen madok tan en lo yan ibisei dan, patu pasek inqane wa.

25 Talpein ta tan en san madok lo malan imug dop, an lo tan en san filian fidian an san muroun ilasa wak gug, nütun ideg yau, tia, daonq inqane tap, an dugo woñ, sen niñen o nunjon uyan ak igane ilasa wak i? Man tia geig a.

26 Tamol Nanun inqsan lilaman lo, Bai san lilaman lo, enjel gun adi sad lilaman lo ipalu wa. Ta inq naisag ru yanag da o miai ifuni tap, saen Tamol Nanun imul dop, inq dam tamol an niñen o miai ifuni wa.

27 Nai rumok njurupaianq da. Gamu añ aenta e atur den gamugo amat dop, Anut san kagin panek ale wa.”

Jesus naon tinin ibilisa ya

Mat 17:1-8; Mak 9:2-8

28 Jesus ru an ibol go nal 8 yau dugo Pita, Jon, Jems ago injal go did fo igudani wo dusuda ya.

29 Jesus igudani dugo naon ibilisag, inqsan kulos dam ibilisag milkouk kasik.

30-31 Ago dugo tamol uraru girager amad da dilasa ya. Tamol uraru an man Moses in Elaija da ya. Jesus mitep matej a Anut ilon yen dan lo Jerusalem na ile wan niñen o, Moses in Elaija da Jesus dida diñijen se ya.

32 Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a.

33 Moses in Elaija da fun diganeg diau dugo, Pita kankan an tia igo ibol, “Tubun en, uyanan geig a. Mañ lalai utol mabi wa. Oñane kisaek. Elaija an kisaek. Agod Moses an kisaek.”

34 Ago ibol dugo timtaen ipalug, yafutanai dugo megeloum utol an direr saian mok a.

35 Agog awan ta timtaen lo iwagin go ibol, “En ñajineg nanug, ñajineg Pilianek Tamol. Awan alon a.”

36 Saen awan itau man Jesus sen kisaek itur dugo dile ya. Saen an megeloum aban ago dile yan tamolpein naod na ta dubol na ya. Tia, inseg ilod lo mi dutueg yen a.

*Jesus pinein ta tinin lo ur saian ikudig yau a
Mat 17:14-20; Mak 9:14-29*

37 Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya.

38 Doup an lulujad lo tamol ta iwagin go ibol, “Girek mañau, ñajineg nanug e ule den niñen o ilo isou. Nai nanug en igo kisaek o lian a.

39 Ur saian ta pempem yabi dop isasai da. Iganep bururau ifuni dop subulbal awan lo ilasa

da. Nek ago mi pempem madai ipani dugo, daonj dam ipani da.

40 Oñsa megeloum ur saian an dukudi wo ñusumianai gug inj digane san tia ya.”

41 Jesus ru naon irupeig ibol, “O aŋ saen en san tamolpein, aŋ ilo rumok amam tia ya, agod aŋ ilom gidigidad amado da. Nal sapta ñai aŋ da tumado wak i? Nal sapta muruan a apanag oñ dan ñisini wak i? Nanuk an igo aŋjane apalu.”

42 Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an injaneg taman ipani a.

43 Tamolpein fidian Anut san dabai an dileg, durut saian a.

Jesus afon injanen mateŋ niŋen o ibol a

Mat 17:22-23; Mak 9:30-32

Saen tamolpein an Jesus kulob fidian e igane yen niŋen o ilod weiwei man, Jesus injsan megeloum igo irupidai,

44 “Ru en alonj dop ilom isou uyanan. Tamol Nanun ager adi banid lo digane wa.”

45 Ak man megeloum ru an fun ta dulonj na ya. Anut ru an fun mok imiani a, agod dulonj san tia ya. Taida mi, megeloum adi Jesus ñiŋeŋ en isafulale pidinai o dusumiani san man direr a.

Enti inj tubun a

Mat 18:1-5; Mak 9:33-40

46 Megeloum injsad mi nug dupeig dubol, “Id lulunjad lo enti malan te yak i?”

47 Jesus injsad kankan ilonj go nanuk nanun ta injaneg girajen na igunig

48 megeloum irupidai, “Talpein enti ɳai yanag lo nanuk igo yan ijane wo iyuŋani tap, ɳai dam ijiliag o iyuŋanag da. Agod talpein a ɳai ijiliag dan, Enti a ɳai idinag go ɳupalu yan dam ijane da. Man dugo, talpein a aŋ lulunjam lo sen yabi idup murna geig an, in mi malan te ya.”

49 Jon Jesus irupei, “Tubun en, maŋ tamol ta oŋ yanja lo ur saian ikudai dugo mile ya. Tamol an maŋsama tia ya, an ninjen o imoi o murupei a.”

50 Agog Jesus irupei, “Ago igane dop apadau amo. Man dugo, ta aŋsam ager tia yan in idsad urat kisaek a.”

Sameria aenta Jesus dumoi a

51 Jesus Anut san panu lo yau san saen sumeik dugo, in naon Jerusalem na ipanig turen yabi se ya. In ru sinek tamol aenta idinaig dumug go

52 Sameria na panu ta lo dumado san aben dukubune dop ipalu wo diau a.

53 Panu ta lo diladu yak gug, tamolpein panu an san diŋiliai o dumoi. Man dugo, tamolpein dulon ak, Jesus Jerusalem na yau da.

54 Saen Jems in Jon da aban ago dile tag Jesus durupei, “Tubun en, ubol tap, mabol dop keit lo yai idup, panu en imarip inani yau a.”

55 Ak man Jesus idaŋsag ru dabai nam ipidai a.

56 Ago tag panu sen ta lo diau a.

Jesus ɳien aban diri san muruan

Mat 8:19-22

57 Dal na diau dugo, tamol ta Jesus irupei, “Oŋ dugo wau dan ɳai dam ante tau a.”

58 Ago tag Jesus ru naon irupei, “Goun kasik in gib ad da ya. Anakanak inj wur ad da ya. Gug

Tamol Nanun man, in kabuñan igansip yaes ibal san aben tia ya.”

⁵⁹ Agog Jesus tamol sen ak ta irupei, “Nieg aban uri.”

Gug tamol an ibol, “Tubun en, umoi dop ɳaup, tamag ɳisare gup.”

⁶⁰ Ago tag Jesus ru naon irupeig ibol, “Tamlpein a inseg ɳutudi lo dumat la yan bisawai dop, inseganet tubabun an ka disiriai idu wa. On waup, Anut san kagin panek niñen tamolpein naod na ubol ilasa dop dulon a.”

⁶¹ Agog tamol taidam irupei, “Tubun en, ɳai dam ɳie aban ɳiri wa. Ak man umoi dop, ɳaup, tinag tamag teig taog banid ɳabi gup.”

⁶² Ago tag Jesus tamol an irupei, “Tamol ta urat igane dugo pempem patun na idaŋsa idaŋla woŋ dan, in Anut san kagin panek san urat igane san ta idaisuda na ya.”

10

Jesus urat tamol 72 ipilianaig diau a

¹ Murnag Jesus urat tamol 72, panu panu lo diau o nuŋod uraru uraru ipilianaig, dumug diau se ya.

² In gamugo tureŋ diabi dugo, ru kagin igo ibol irupidai, “Anaŋ nuŋon tubun mok ifu a. Gug urat tamol wei an tia ya. Ak niñen o abi taman aguduani dop urat tamol taidam idinaip aŋ da aup, anaŋ nuŋon atumani wa.

³ Ago yak niñen o au. Gamu ɳidinaŋ den man nek ibol sipsip nanudi goun kasik ak luluŋad lo diau dak igo woŋ a.

⁴ Moni, badam, sendal ta asini na wa. Saen dal ari dan lo, enti ta naom na ilasa dop aŋ pasak ta agane na wa.”

⁵ “Ab ta ilon lo aladu wo dop, abol, ‘Maror am da amado.’

⁶ Tamol maror san ak imado tap, aŋanem maror iŋ lo yen a. Tia tap, aŋanem maror imul pe muroum sam na ipalu wa.

⁷ Ab dugon lo aladu dan, nek ante mi amado wa. Anan you dupanaŋ dop ani aluk a. Man ata wo, urat tamol man ijaned naon dijane san idaisuda ya. Ab sensen lo ta au na wa.

⁸ “Agod panu ta ilo uyan lo mi diŋiliaŋ tap, anan digane panaŋ dan ani wa.

⁹ Iŋsad subam adi akubuniai dop, panu an san tamolpein dam arupidai, ‘Anut san kagin panek sumeik ipanaŋ la ya.’

¹⁰ Gug panu ta ate alasap, iŋ aŋ lo uyan tia tap, panu titinjaem mi alasap, abol,

¹¹ ‘Aŋanem panu san gufgaf ŋiema fo isuda yen, gamu muroum sam na mipitili idu da. Aloŋ ak, Anut san kagin panek sumeik ipanaŋ la yak man aŋ amoia da.’

¹² Nai ŋurupaiaŋ da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an iriŋani geig a.”

Jesus panu aenta sad tamolpein ilod lo ta rumok na yan ru lo ibiai dudu ya

Mat 11:20-24

¹³ “O Korasin san tamolpein, muruan tubun geig ale wa; O Betsaida san tamolpein, aŋ dam muruan

tubun geig ale wa. Man dugo, kulob girager a nai an luluŋjam lo ŋigane dan, wagam Tair inj Saidon da luluŋjad lo ŋigane tap, taun an san tamolpein wagam mi ilod ibilisa wa. Ago dop muguŋ san kulos didirip, yai san utut fo dumasip dumado wa.

¹⁴ Ago man saen Anut san bitinaek san nal ipalu wan lo, anjsam aupasek naon Anut ipanaŋ an senamo geig a. Muruan an Tair inj Saidon da sad muruan an iriŋjani geig a.

¹⁵ Agod anj Kaperniam tamolpein, sem yaŋam abisap keit lo isuda wak i? Tia mok, Anut iŋsen injiliaŋ pe au adup tan ilon lo aben yaŋan Ades dubol dan lo idiraj pe amado wa.”

¹⁶ Agog Jesus iŋsan urat tamol 72 fon irupidai, “Ta anj awam ilon dan, nai dam awag ilon da. Go ta anj imoi dan, nai dam imoi a. Go ta nai imoi dan, Enti a nai idinag go ŋupalu yan dam imoi a.” Agog diau a.

Anut iŋjanen mel imianuk fidian tamol yaŋad tia yan ikubiai pidinai a

¹⁷ Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak oŋ yaŋa mupate dan lo awama paen na dumado dugo awama diabi da!”

¹⁸ Agog Jesus ru naon irupidai, “Nai gubak mi Satan ŋile dugo, nek ibol lak na weil irafule yak igo woŋ, keit ibiseig idu ya.

¹⁹ Alonj, nai an dabai ŋupanaŋ la ya. Ak ninjen o anj mot, lualiu da ka aparfufarai a. Aŋjanem ager Satan san dabai fidian anj ka abi idu wa, agod mel ta malam isue san tia ya.

²⁰ Gug aŋ ur saian saian awam diabi dan niŋen o ta uyam isusa na wa. Tia. Anut aŋanem yaŋam kumaen panu na igireg yen dan mi niŋen o uyam isusa wa.”

*Jesus youn isag Anut per ipani a
Mat 11:25-27; 13:16-17*

²¹ Saen an lo Jesus Urgun lo ilon imasag yousai tubun geig ak lo Anut irupei, “O Bai, tan keit da sad Tubun a, ɳai ilo uyan ru ɳupano da. Man dugo, mel en fidian tamolpein a kankan ad milaen an, agod a dulon dubol dan dam, minami pidinai a. Ak man onj mel an fidian tamol a yaŋad tia yan kubiai pidinai a. O Bai, awo, ago gane san an onjane ilo, an niŋen o ɳai youg isa dugo ilo uyan ɳupano da.”

²² “ɳai Tamag iginiag go mel fidian sad tamad ɳilasag ɳumado da. Tamol ta inj Anut Nanun ta ilon na ya, nek Taman injsen mi a. Agod tamol ta inj ɳai Tamag ta ilon na ya, nek ɳaiseg mi, agod tamol nek amaiak Nanun injsinan ilobol lo mi Taman ikubiai pani wa.”

²³ Agog Jesus idaŋsag, megeloum pasak nam irupidaig ibol, “Mel gamu ale dan niŋen o ilom uyan.

²⁴ Man dugo, profet adi agod kiŋ adi wei kasik, mel e gamu aŋ ale den dile wo mok dumat se ya, ak man inj ta dile na ya. Agod ru e gamu aŋ alon den dulon o mok dumat se ya, ak man ta dulon na ya.”

*Sameria tamol injanen ager ibinawi a
Luk 18:18-30*

25 Kubiaeñ san girek mañau ta imasag Jesus ibitinae wo isumiani, “Girek mañau, nai dugo ḥiganep kumaen ḥijnane wak i?”

26 Ago tag Jesus isumianig ibol, “Moses san kubiaeñ lo dugo digire yak i? Ata ru suti ak i?”

27 Inj ru naon igo irupei, “Onj gidad Tubun en oñane Anut niñen o umat a, onj bube fidian lo, ḥutu fidian lo, oñane ilo sou fidian lo, agod oñane dabai fidian lo ago gane wa. Agod, nek oñse niñe wo umat dak ago mi tamolpein aenta dam niñedi wo umat a.”

28 Agog Jesus tamol an irupei, “Oñane ru naon itaot a. Nek ago mi gane tap, kumaen pempem san ḥane wa.”

29 Ak man kubiaeñ san girek mañau an, tamolpein aenta malad lo iñanen nao lalek an uyanan ilasa wo ilon ibol a. Ago yan niñen o inj Jesus igo isumiani, “Tamol niñen ubol an enti mok i?”

30 Ago tag Jesus ru naon igo irupeig ibol, “Tamol ta in Jerusalem ibiseig Jeriko na yau dugo dal na gumagam tamol adi diabi a. Agog biounj tinin fo yan dirasireg digam go, dufunig imat go tubabun yen dugo diau a.

31 Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gigin irig iriñanig yau a.

32 Livai san gugoi lo tamol taidam ipalug tamol an dal na yen dugo ile man, inj dam dal senamo iñaneg yau a.

33 Agog Sameria tamol ta dal an iñaneg yau nag tamol an ile, ago man ilon tubun mi imuñani a.

34 Ago tag wain ij gurenj da marasin oñ iñjaneg nam tinin baob ifulanig ifou. Agog tamol an iñsiganen doñki fo igane isudag, iñjaneg lou ab ta lo diaug kaginan igane ya.

35 Tidom lom mig kina uraru ab an san titianek tamol ipani dugo irupei, ‘Kaginan gane. Murnap ñamul dop, melmel sapita ij tinin lo bisei an naon ñai oñ ñupano wa.’ ”

36 “Oñ dugo ubol di? Tamol utol an luluñad lo enti iñjanen turan o imat ak i?”

37 Ago tag kubiaeñ san girek mañau an ibol, “Tamol a ilon imuñani ama ya.”

Ago dugo Jesus irupeig ibol, “Oñ dam waup, nek ago mi gane wa.”

Jesus Marta ij Maria da sad na yau a

38 Jesus iñjanen megeloum dida diaug panu ta ate dilasa ya. Atna pein ta yañan Marta dubol dan Jesus iwagig iñsan ab lo diau a.

39 Marta tein ta yañan Maria, ij Tubun en ñien fun na imasig imado dugo, iñsan ru ibol dugo ilon se ya.

40 Ago dugo Marta mi sen kisaek anañ biabi an iganeg yaug, ilon saian tag ipalug Jesus irupeig ibol, “Tubun en. Nai teig en ibisawag go seg mi urat en fidian ñigane dan niñen dugo kankan gane dak i? Peip, ibunawag.”

41 Ago man Tubun en ru naon irupei, “O Marta! Oñ mel wei mi niñedi wo ilo weiwei dugo ilo muruan da.

42 Gug oñ mel kisaek malan te yak niñen o kankan ta gane na da. Maria mel an ipilianig iñjane ya. Talpein ta mel an banin lo ipasi san tia ya.”

11

*Jesus megeloum gadiŋ digane wo ipiteŋanai a
Mat 6:9-13; 7:7-11*

¹ Saen ta Jesus aben ta lo iguduanig itout an megeloum ta ipalug isumiani, “Tubun en, Jon iŋsan megeloum gudanek ipiteŋanai ak ago mi maŋ dam piteŋanama.”

² Ago tag Jesus irupidaig ibol, “Aŋ agudani wo tap, igo agod a:

‘Maŋanema Bai, oŋane yaŋa gun.

Oŋane kagin panek ipalu.

³ Nal anek anek san anaŋ panama.

⁴ Maŋanema aupasek ilo iŋaoŋ.

Man dugo, aupasek a aenta maŋ lo digane dan iloma iŋaoŋ da.

Bitinaek lo naoma ta urae na wa.’”

⁵ Agog Jesus gudanek ipiteŋanai yaug, ru mitilaen en irupidai, “Gamu tura ta san ab lo waup, tidom lak dalawan tutip, anaŋ ta ipano wo gudanip ubol.

⁶ ‘Turag ta gamu nam ŋaisag na ipalu yak man ŋai anaŋ amag tia ya.’

⁷ “Ago dop tura ab ilon lo ru naon irupaio, ‘Nioŋ saen go maen dak niŋen o lein panama umoi. Dalawan itau a, pein nanuk fidian dien la ya. Nai ŋumasap mel ta ŋupano san tia ya.’

⁸ Gug ŋai ŋurupaiaŋ da, gidad, oŋsa tura bo man anaŋ ta ipano na wa. Gug oŋ gidad miasi ifuno bo man maeg ganep sumiani oŋ tap, melmel fidian niŋen o ilo ibol dan ipano wa.”

9 “Ago yak niñen ñai ñurupaiañ da: Agudani dop, ipanañ a. Abañ abi dop, ale wa. Dalawan atuti dop, ipasi panañ a.

10 Fidian dugudani dan diñane wa. Ta abañ yabi dan ile wa. Ta dalawan ituti dan Anut ipasi pani wa.”

11 “Dugo, añ nanuk tamadi, nanum ta iy o igod dop, aben lo mot apani di?

12 Tia. Kurek patun o ibol dop lualiu apani di? An dam tia ya.

13 Añ bo saiammi a, ak gug nanum melmel niñedi wo dugod tap, mel uyan ak apidinai da. Nek ago mi Bai Anut dam tamol enti Urgun iñane wo igod tap ipani wa.”

*Tamolpein Jesus Belsebul san dabai lo urat
igane dak ago dubol a*

Mat 12:22-30; Mak 3:22-27

14 Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go injiñen a. Ago man tamolpein wei mi ate dutur dan fidian durut saian a.

15 Ak man aenta dubol, “Ur sisaiak sad gurman yanjan Belsebul tabol damaiak san dabai lo mi inj ur sisaiak ikudai diau da.”

16 Ago dugo aenta Jesus naon dukubiani wo kulob girager ta igane dop, dile wo dusumiani. An lo dop dulon ak, Anut sen idinig ipalu ya.

17 Gug Jesus injsad ilod iloñ la yak niñen o irupidai, “Panu ta nug ditarpalep malan uraru dilasap, injesd ilod lo mi nug dufuni tap, inj saen milaen ta dumado na wa. Gugoi ta ditarpalep sensen dutur o digane tap, injsad gugoi an yau idu wa.

18 Ago yak niñen o Satan iñsen lo tarpalek igane dop, dugo woñ pe iñsan kagin panek aben an dabai yau ak i? Nai an ñabol dan man fun, nai Belsebul dabai ipanag ak lo ur sisaiak ñukudai diau dak abol da.

19 Gug an rumok tap, añsiganem megeloum adi, enti san dabai nam ur saiak dukudai diau dak i? Fun amaiak niñen o añsiganem megeloum iñsed mi, saen Anut san bitinaek nal ilasa dop, kubianek tamol on dilasap bitinaek lo didiran a.

20 Ak man nai Anut banin nam ur sisaiak ñukudai diau dak ago tap, aŋ gidad alon uyanan a, Anut san kagin panek an siñirem na ipalu la ya.”

21 “Tamol ta dabai ak ager san biouñ tinin fo idirip ate iñjanen ab melmel da kagin ipidinai tap, iñjanen melmel an fidian itaot mi dien a.

22 Gug tamol ta nen dabai ak ipalup, yu in lo iganep itout tap, iñsan ager san biouñ biouñ a ate iñjanen tini ganei igane se yan fidian igam pe isini yau a, agop iñsan furan fidian dam iñjanep iwae yau a.

23 “Talpein enti in nai ta iganurag na dan, in patun ipanag da. Agod talpein a nai da sisem anañ mutumani san urat ta migane na dan, naisag urat iratitale da.”

*Ur saiak dukudig yau an imul ipalu ya
Mat 12:43-45*

24 “Saen ur saiak ta tamol tinin lo yak dukudip yau tap, aben igosan ak ate gidigidad ila iso wa. Ante aben ta yaes ibal san ile wo abañ yabi wa, ak man aben an ta ile na wa. Ago dop ilon lo ibol, ‘Nai gidad ñamul pe ab gubak mi ate ñumado amaiak lo ñau a.’

25 Inj imasap yau ak man, ab an kawan di ilon dam diriani dugo mel fidian dukubuneg itaot dien dan ile wa.

26 Amaiak niñen o inj imul yaup, ur saiadi geig ak 7 taidam injal a. Ur an kulob sisaiak digane san man inj dirinjani geig a. Inj sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

27 Jesus ru ago ibol dugo, pein ta tamolpein lulujad lo imasag iwagiñ go ibol, “Pein a iginiosig su ipano yan bar iñaneg imado da.”

28 Gug Jesus awan yabig ibol, “Tia. Enti Anut san ru iloñ dugo kagin ipani dan mi bar iñaneg imado da.”

*Tamolpein kulob girager dile wo dusumiani a
Mat 12:38-42*

29 Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. Inj kulob girager ta kob igo wonj dile wo dusumianag da. Ak man Anut kulob girager ta tamolpein an ta ipidinai na wa, nek kob kisaek an mi ka dile wa, kob an man profet Jona san a.

30 Man dugo, nek ibol Ninive adi malad lo Jona kob onj ilasag imado yak igo wonj, ñaiseg tamolpein saen en san iñanen malan lo kob naon nek ago ñilasap ñumado wa.

31 Kwin a saut lo ilasa yan man, anj gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an anj niñemi wo ru ibol ilasa dop boum ipanañ a. Man ata wo? Kwin an inj tan asau mok imado bo man, Solomon san kankan milaen amaiak ibol ilasa dop iloñ o

ipalu ya. Ago yak gug tamol ta dam inj ente imado da, tamol an man Solomon irinjani geig a.

32 Ninive san tamolpein man anj gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi anj nijemi wo ru dubol ilasa dop boum dupanaŋ a. Man ata wo? Ninive adi Jona san ru ibol ilasa yan dulon̄ go an lo ilod ibilisa ya; ak man tamol ta inj Jona irinjani geig an gamu imado da.

*Tinid san lilaman
Mat 5:14-16; 6:22-23*

33 Tamol ta inj lam ibanip ta imianip yen na da. Agod sareg paen na ta iganep yen na da. Tia, inj kuai te isuŋjanip iyuk yen da. Ago dop tamolpein a ab lo diladu dan lilaman dile wa.

34 Oŋjane mala man tini san lilaman. Saen oŋjane mala uyan tap, tini fidian geig an ilalaŋ da awan isa wa. Ak man saen oŋjane mala saian tap, tini fidian geig an tidom tubun da awan isa wa.

35 Ago yak niŋen o kagin agane. Kabelan lilaman a oŋjane lo yan tidom tubun oŋjane banau.

36 Amaiak niŋen o aŋjanem tinim fidian an ilalaŋ dugo gigin ta lo tidom tubun ta yen na tap, aria, lilaman a anj lo yen dan awan isa wa, nek ibol lam ided dan oŋjane tini fidian ilalaŋ da.”

*Misilanek ru siks
Mat 23:1-36; Mak 12:38-40*

37 Saen Jesus injineŋ go itout an Farisi ta iwagig injsan ab lo anaŋ diani wo diau a.

38 Jesus Juda kagin irinjanig, banin ta ifulani na dugo anaŋ diani wo dumasi a. Farisi an Jesus ago ileg, irut saian.

39 Ago tag Tubun en Farisi an irupei, “Aŋ Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya.

40 Aŋ Farisi ŋinjeo tinami. Anut tinim igane dugo ilom dam igane ya. An lo ata wo ilom ta akubune na dak i?

41 Melmel a aŋsam gab daeg lo yan bigabeg adi apidinaip lo sed ibunawai tap, aŋ tinim fidian Anut malan lo ikokan imado wa.”

42 “O Farisi, muruan tubun geig ak ale wa! Man dugo, aŋanem abi san anaŋ melmel kitiktit an fidian atumanip, malan 10 ilasa gup malan kisaek atarpalep Anut apani da. Gug aŋ Anut san kubiaeŋ malan te yak arinjani da. Aŋ tamolpein kot lo ta atarpasai uyanan na dak, agod Anut ninen o dam ta amat na da. Kagin malan te yak agane wa, agod kubiaeŋ san ru kagin kititik dam ta abisei na wa.”

43 “O Farisi, muruan tubun geig ak ale wa! Man dugo, aŋ ubou ab lo tamolpein malad lo kapal malan te yak fo amado wo agane da. Agod aŋ tamolpein malak malak yanjam diabisa wo agane da.”

44 “Aŋ kagin agane! Aŋ man ibol tubabun gib lo imianuk yen dugo tamolpein ta dulon na dugo fufo diau dumul dugo sed nun ipidinai dak igo woŋ a, ago man in aŋ siŋirem na dupalu yan lo Anut malan lo nun anda dilasag dumado da.”

45 Agog kubiaeŋ san girek maŋau ta Jesus irupei, “Girek maŋau, oŋ ago ubol dan maŋ dam paiamada.”

46 Agog Jesus ru naon irupei, “O kubiaeŋ san girek maŋau, aŋ dam muruan tubun geig ak ale

wa! Man dugo, aŋ tamolpein kubiaeŋ fidian kagin dupani wo abol da. An lo tamolpein muruan tubun kasik apidinai da. Gug iŋsad muruan lo aŋ banim ilap kitek ta abinawai na da.”

47 “Rumok aŋ muruan tubun geig ak aŋane wa! Aŋ profet adi dumat la yan sad mutou damag sinjaokan apani da, ak gug profet nek an aŋanem tubum bagem dufu dumat a.

48 Kagin e agane den lo aŋsem kot ipanaŋ da, man dugo, kagin a gubak mi digane na yan niŋen o awok apidinai da. In profet adi dufu dumat se ya, agod aŋ sad mutou akubune da.

49 Amaiak niŋen o In a tinin ilon lo Anut anen kankan milaen ak yen dan, igo ibol go irupaiaŋ, n̄ai profet adi agod aposel adi ŋidinaip dupalu dop aŋsam na dilasa wa. Ago bo man aŋ aenta afu dumat a, aenkadi muruan funfun dupidinai se ya.

50 Fun an niŋen o, profet fidian ager adi banid lo mateŋ dile yan, kagin amaiak san ai wadan Anut aŋsem mi ipanaŋ a. An man aŋsiganem muruan mi a.

51 An lo Abel imat ak san saen log ipalug kinj Joas san saen lo, Sakaraia in Berekaia nanun tempel san galuŋ gun ak, alta da titiŋae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

52 “O kubiaeŋ san girek maŋau, muruan tubun geig ale wa! Aŋ tamolpein maŋau diŋane san ki an banid lo apasi yau a. Aŋ tamolpein a maŋau san ab lo diladu wo ilod ibol dan sad dal afutani da, agod aŋsem ta aladu na ya.”

53 Jesus aben an ibisei dugo Farisi in kubiaeŋ san

girek manjau dida tijaed tubun mi saian se ya. Ago man Jesus yau dugo Farisi adi sumiaeck funfun lo dusue se ya, ago dugo aten dusue dop melmel wei mi niñedi wo injieren dop dulon o digane se ya.

⁵⁴ Jesus ifurfi dop lo ru dupani wo malad digane se ya.

12

Kagin sewak ak niñen o kagin agane wa

Mat 10:26-27; 16:6; Mak 8:15

¹ Tamolpein wei kasik dutumanig, aben tia dugo nug tinin fo dutur se ya. Ago dugo Jesus imug megeloum ru kagin igo irupidai, “Farisi sad kagin sewak an niñen kagin agane wa. Inj bale uraru tinadi, awad ru ibol dugup nuñon ta digane na da.

² Kagin fidian imianuk yen dan kuai isi wa. Kisaek ta imianuk yen san tia ya.

³ Ago yak niñen o ru ta tidom tubun lo an injieren dan ad lo tamolpein dulon a. Ru dugon nug kududon lo kisikisik ab san galuñ imianuk an lo abol dan, malak malak lo dam dulon a.

Anut mi niñen o tarer a

Mat 10:28-31

⁴ “Turag murooug, ru ñurupaiañ da. Anj tamolpein tinim dufuni imat an niñen o arut amoi. Tinim mi ka dufuni imat a, ago gup nen dufuni san tia ya.

⁵ Nai tamol niñen o arer san ñurupaiañ da. Anut mi niñen o arer a. Inj tamol tinin ifuni imat pe ñutun dam ka ibal yai lo yau a. Awo, rumok ñurupaiañ da, inj mi niñen o arer a!”

⁶ “Toea uraru nam kuseñ 5 didad da. Gug Anut kuseñ an kisaek ta ilon injaon san tia ya.

7 Ago yak niñen o arer amoi. Man dugo, Anut aŋ o ilon isou da. Anut malan lo talpein san naon lak na geig, an kuseŋ wei kasik sad dadeŋ naon irinjani geig a. Rumok, nek ajanem gurmam roun sapita yan isutig iloŋ da.”

Jesus yaŋan malak malak apate wo ta arer na wa

8 “Nai aŋ ɻurupaiaŋ da. Talpein ta tamol naod na iŋ ɻaisag ago ibol tap, ɻai dam Anut san eŋel naod na ɻatur pe ɻabol ak iŋ ɻaisag a.

9 Ak man talpein ta tamol naod na iŋ ɻaisag tia yak ago ibol tap, ɻai dam Anut san eŋel naod na iŋ ɻaisag tia yak ago ɻabol a.

10 Agod talpein ta iŋ Tamol Nanun niñen o ru saiak ibol dan, Anut aupasek an ka isuas yau a. Ak gug talpein ta iŋ Awan Urgun niñen o ru saiak ibol dan, Anut talpein an san muruan ta isuas yau na wa.”

11 “Saen diŋiliarŋ pe Juda sad tumanek ab lo tamol tutubun naod na atur o, tia gabman gurman naod na atur dop, dugo woŋ sem ibalgiranaŋ pe aŋiŋen an niñen ilom ta weiwei na wa.

12 Saen nek an lo man Urgun iŋ ru abol ilasa san an ikubiai panaŋ a.”

Niñeŋ tamol a filian anda yan san ru fajan

13 Tamol ta tamolpein luluŋad lo Jesus irupeig ibol, “Girek maŋau, ɻai teig matu an rupeip, bai san filian an yabitip, anen anen atem misini wa.”

14 Ago tag Jesus ru naon irupeig ibol, “O turag, enti ɻai aŋ filiam ɻitarpale wo ipilianag i?”

15 Agog Jesus irupidai, “Kagin agane. Aŋ tamol sen ak san filian niñen o malam ta isi na wa, kagin naok ago yan fidian niñen o sen alasa wa. Man

dugo, tamol san madok uyan man tan san filian lo ta yen na da.”

¹⁶ Ago tag Jesus ru mitilaen en irupidaig ibol, “Filian tamol ta inj tan munan uyanan ak lo anaŋ ipaeg isa uyan a.

¹⁷ Agog iŋsen kankan ago igane, ‘Nai darem* fidian lo anaŋ ŋidiri san ta idaisuda na ya. Ak niŋen o dugo ŋigane wak i?’

¹⁸ Agog ibol, ‘Nai darem ŋusubaraip, foun tutubun ak ŋususe idu wa. Ante anaŋ, melmel aenta ŋidiri wa.

¹⁹ Agop ŋai melmel uyan ak wei mi amag da wa. Anaŋjar wei mi yen da, an yaes ŋabal san idaisuda ya. Ago yak niŋen o ŋani ŋaluk dop, seg malag ŋupare woj dop ŋumado wa.’”

²⁰ “Gug Anut ibol, ‘Oŋ ŋiŋeo! Gamu tidom dop onj umat a. Ago dop enti onſa filia an iŋane wak i?’”

²¹ “Tanolpein ensauta a tan en lo ijaned filian bageu san tubun mi dutumani wo dumat da, ago gug Anut malan lo man inj filiad tia ya, kagin nek ago mi inj lo ilasa wa.”

*Ilom weiwei amoi
Mat 6:25-34*

²² Agog Jesus megeloum irupidai, “Ak niŋen o aŋsam madok niŋen o ilom ta muruan na wa. Mel ani wan niŋen o, mel aluk san agod biouŋ tinim san an ninedi wo ilom ta muruan na wa.

²³ Man dugo, anaŋ an mel tusan dugo ŋutumi an mel tubun a. Taida mi, biouŋ tinim san an mel tusan dugo tinimi mok an mel tubun a.

²⁴ Anakanak niŋen kankan agane, inj anaŋ ta du-pae na da, inj anaŋ disinip anaŋ ab lo ta dutumani

* **12:17:** Badbad

na da, ak man Anut ijaned anaŋ ipidinai da. Ak dugo, Anut malan lo anakanak mel tusan dugo aŋ mel tubun geig ak i?

²⁵ Agod enti ta aŋ lulunjam lo, ilo wei lo iganep iŋsan tan san madok san saen kitek an isupasi wak i?

²⁶ Ago yak niŋen o mel nanun an agane san tia tap, ata wo melmel an aenta fidian niŋedi wo ilom weiwei dak i?

²⁷ “Garaŋ san kakak dugo woŋ disa dak ilom isou a. Kakak an urat ta digane na dak, agod ijaned biouŋ dam ta diwei na da. Ak man ŋai ŋurupaiŋ da, gidad Solomon damag siŋaokan ak dupani bo man, iŋsan leil man kakak an san leil igo tia ya.

²⁸ Aria, Anut garaŋ san kakak san leil iganep siŋaokan ago dilasa dop, gidad gamu kumaedi dumado gup gabulop yai lo diabiau o tap, o aŋ tamol ilo rumok amam tusan a, ak dugo, aŋ dam biouŋ tinim fo ta idiri na wak i?

²⁹ Amaiak niŋen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi.

³⁰ Man dugo, tan en san tamolpein fidian mel an fidian abaŋan diabi dutor da. Agod ajanem Tamami mel fidian a niŋen o aŋ katukami dan ilon fufei da.

³¹ Gug imug mi man, Anut san kagin panek an ajanem madok lo malan te mok agane tap, melmel en fidian dam aŋane wa.”

*Anut san panu lo mel uyan ak ule san dal
Mat 6:19-21*

32 “O ḥaisag sipsip malan wei tia yan, arer amoi. Ajanem Tamam ijanen ilo uyan lo ijanen kagin panek ipanaŋ a.

33 Ago yak niŋen o ajanem filiami an adad yaup, moni ajanep, tamolpein a melmel ad tia yan abinawai. Dal an lo Anut urat naon iŋsiganen panu lo idirip, pempem yen a. Darir, gumagam tamol adi dida dusubari san tia ya.

34 Aben dugon lo aŋsam urat naon yen dan aŋsam ilo girek fidian dam nek atna mi yen a.”

Kagin aganep amado

Mat 24:45-51; Mak 13:32-37

35 “Malam kumaen amado wa. Tinim akubunep, lam asulanip ided dop, tawanŋ aganep amado wa.

36 Urat pinein ijaned tirnek tamol soubul lo yau ak imul o malan digane wa. Ago tap, ijaned tirnek tamol imul ipalup, dalawan ititi dop ka dupasi kisaek on a. Tamol nek ago alasap amado wa.

37 Pinein malad kumaen dumado dan iŋ o ru tia ya. Pinein an irupidaip, dumasi dop, iŋsen ananŋ ipidinai a.

38 Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa.

39 Gug aŋ mel en niŋen o ilo sou agane. Ab taman iŋ saen dugon lo gumagam tamol tidom lo ab igilep ilon lo iladu wan ilon tap, iŋ ta yen na wa. Tia, tawanŋ igane uyanan pe gumagam isadu san dal ifou wa.

40 Ago yak niŋen o aŋ dam malam ipuk pe abanŋ ale wa. Man dugo, saen aŋ Tamol Nanun ipalu san

an ta akubiani na dop, saen nek en lo iŋ imul ipalu wa.”

Urat tamol uyan ak, iŋ saian ak da

41 Jesus ru ibol itout an Pita isumiani, “Tubun en. Oŋ ru en maŋ mi rupaiama di? Tia, tamolpein fidian rupidai di?”

42 Ago tag Tubun en ru naon igo irupei, “Ab taman ta iŋsan urat pinein a maŋau amad da, agod awan diri dupani dan, kob ipidinaig an lo iŋ iŋanen urat pinein aenta itirnai a, agod anaŋ diani san saen ante mi anaŋ ipidinai da. Ak dugo, aŋ luluŋjam lo, enti iŋ urat pinein naok igo yak i?

43 Saen ab muroun ipalup urat pinein an iŋsan urat igane uyanan dan ile tap, iŋ lo uyan a.

44 Nai rumok ŋjurupaiaŋ da. Tamol tubun en iŋanen urat pinein emaiak kob ipanip, an lo iŋanen biouŋ fidian kaginad igane wa.

45 Ak man urat pinein an tamol saian tap, ilon lo igo ibol, ‘Naisag tamol tubun en ta ipalu kisaek oŋ na da.’ An niŋen o fun iganep urat pinein aenta, tamol iŋ pein da, ifu isusap, lukluk tamol dida anaŋ diani dop, you sakar ak duluk o kagin naok ago igane wa.

46 Urat pinein an san gurman nal agod auwa dam ta iloŋ na dop ipalu wa. An lo dop tamol tubun en ipalu saltik oŋ pe urat pinein an ibaltiti idu wa. Ago dop awa parsisalek tamol adi luluŋjad lo iganep dida dumado wa.”

47 “Urat pinein iŋanen tubun ak ilon iloŋ gug ta iri ipani na tap, muruan tubun mi ile wa.

48 Gug ta iŋanen tubun ak ilon ta ilon na dugo igane saian tap, tamol an bu kabelan mi iŋane

wa. Enti a Anut maŋau tubun mi ipani dan, Anut isumiani dak, iŋanen urat lo nuŋon tubun mi dam igane wa. Agod enti a Anut binawek nen tubun mi ipani dan, nuŋon dam nen tubun mi igane wo tinin igane pani da.”

*Jesus niŋen o tamolpein tarpalek malan uraru
Mat 10:34-36*

⁴⁹ Agog Jesus ibol, “Nai tan na yai ŋigane wo ŋupalu ya. An niŋen o ŋaisag ilog man yai an gubak mi ided la yak man uyanan a.

⁵⁰ Gug muruan tubun ŋisini wak naog na yen da. An niŋen o ŋaisag ilo muruan an yen dop yaup, muruan an itout a.

⁵¹ Ak dugo, nai maror tan en lo ŋigane ilasa san ŋupalu yak ago ilom isou dak i? Tia geig a, nai ŋurupaiaŋ da, maror tia, tia, biatitek mi a.

⁵² Saen gamu en go yau dan, nai o ab aenta lo tarpalek yen a. Nujod kafenda tap, utol nai aneg dudu wa, ago dop uraru nai o ru sen dubol a.

⁵³ Nanuk tamadi dumasap, nanud lo siai digane wa. Nanuk dam tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida siai digane wa. Ago dop nanuk tinad dam raod lo siai digane wa.”

*Jesus san ager adi aban dugo dile dan dulon uyan
san ta idaisuda na ya
Mat 16:2-3*

⁵⁴ Agog Jesus tamolpein malan tubun an fon irupidai, “Saen ad idu yau dak ate timtaen bilkas ale dop abol da, ‘Ui idu wa.’ Ago dop ui idu da.

⁵⁵ Saen tim tubun mi ifure dop, aŋ alonj, ad idu wa. Agop ad idu da.

⁵⁶ Aŋ sewak tamol. Aŋ abaŋ lak na yak ale dop fun alonj da. Tan na dam abaŋ ale dop, fun alonj da. Ak man ata wo melmel gamu ilasa dan fun ta alonj na dak i?”

*Ririan ru akubune wa
Mat 5:25-26*

⁵⁷ “Aŋ ata wo kagin itaot agane san dal ta akubiani fufei na di?

⁵⁸ Tamol ta inj onj injilio kot lo au dop dal na onj inj da ririan ru akubune wa. Kabelan injiliop, bitinaek tamol naon na alasap ai katuk banid lo iginiop dusubano banau.

⁵⁹ Nai ηurupaio da. Dusubano dan lasa san tia geig. Mado nap ojane muruan naon an niñen o, moni samukan fidian udad itout gup, lasa wa.”

13

Tamol ilon ta ibilisa na dan, inj ideg yau a

¹ Saen an lo tamolpein dupalug Jesus durupei, “Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, injsad dar tinid lo ilasa se yan mudan a yai digane dan da ikubuli a.”

² Ago tag Jesus isumianai, “Ak dugo, inj dal an lo dumat an niñen o aŋ ilom lo abol, injsad kagin saiak Galili tamolpein aenta sad kagin saiak iriñjani ak ago abol di?

³ Tia geig. Gug nai ηurupaian da. Aŋanem saian an fidian patum ta apani na wak an rumok tap, aŋ dam nek ago mi adeg au a.

⁴ Dugo, tamolpein 18 Siloam na ab lak na geig an yau idug ifu dumat an, ilom lo iñsad kagin saiak an Jerusalem tamolpein aenta sad kagin saiak an iriñani abol di?

⁵ Tia geig a. Gug nai ñurupaiañ da. Añanem kagin saiak patum apani. Tia tap, anj ago mi adeg au a.”

Gurab nuñon tia yak san ru fañan

⁶ Agog Jesus ru fañan en irupidai, “Tamol ta iñsan abi lo ai gurab ta ipae ya. Nal ta yaug, gurab patun abañ ile tia tag,

⁷ iñsan abi titianek tamol irupei, ‘Nai anañar utol gurab an patun ta ñile man tia ya. Ak niñen o tare. Etna itur dop, tan bulbal iñjanep itout banau.’

⁸ Ak man abi titianek tamol irupei, ‘Tubun en. Gidad, umoi dop, anañar kisaek taida itur dop tile gup. Nai dabin tan ñupanip afon tile wa.

⁹ Agop, anañar naod na yan nuñon ifu uyan tap, itur a. Gug tia tap, titare wa.’ ”

Jesus pein ta Sabat nal lo iganeg uyan a

¹⁰ Sabat nal ta Jesus Juda ubou ab ta lo ru ip-iteñanai se ya.

¹¹ Saen an lo pein ta itaror oñ itor dak an dam imado ya. Iñ gubak mi ur saian tinin lo iladug yen dugo subam an iñaneg anañar 18 yau la ya. Saen fidian ifotsa san ta idaisuda na ya.

¹² Jesus pein an ile tag iwagig, ipalug irupei, “Oñane subam gamu ñigane itout a.”

¹³ Ago dugo banin tinin fo iganeg, gamu nam ifotsag, Anut yañan yabisa ya.

¹⁴ Jesus Sabat nal lo pein an iganeg uyan ak niñen o, ubou ab an san titianek tamol tijaen saian. Ago tag iñ tamolpein ipidaig ibol, “Nal 6 an

urat san. Ago yak niñen oñ enti saia tap nal 6 an ilon lo palup, ikubunio. Gug Sabat nal lo man tia ya.”

15 Ago tag Tubun en tamolpein fidian ubou ab an lo yan ru naon igo irupidaig ibol, “Anj balem uraru tinami a! Anj Sabat nal lo, ajanem makau boi, tia, donki kam burod lo yan apasip, anjal pe da aup you ta apidinai da. An ta rumok na i?”

16 Nek ago mi, gamu pein en, Abraham malan kubulan, ij anaajar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

17 Iñsan ru naon an iganeg, tamol a fidian sumi-anek dupani an miai ifu ya. Gug tamolpein aenta man Jesus kulob funfun igane na yan niñen o ilod tubun mi uyan se ya.

*Ai patun kitikikan san ru fajan
Mat 13:31-32; Mak 4:30-32*

18 Agog Jesus fon irupidai, “Anut san kagin panek man dugo woñ ak i? Nai ata mel lo tou ñigane wak i?”

19 Iñ ibol ai patun kitikikan yañan masted dubol dak oñ a. An tamol ta iñanep, iñanen abi lo ipaep, ipuk pe, isap, ai tubun ak oñ ilasa wa. Ago dop anakanak raen fo wur dufuni wa.”

*Yis san ru fajan
Mat 13:33*

20 Agog Jesus afon isumianai, “En ata mel nai Anut san kagin panek da tou ñigane wak i?”

21 Iñ ibol yis oñ. Pein ta yis iñanep, plaua daeg tubun ak lo yan ida ikubulip, yen dop plaua ikafut yaup tubun a.”

*Dalawan ipipiani an
Mat 7:13-14,21-23*

²² Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipiteñanai dugo yau se ya.

²³ Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

²⁴ Ago tag Jesus irupidaig ibol, “Dalawan man ipipiani an. Aŋ dalawan ipipiani an lo aladu wo maeg agane wa. Man ata wo? Nai ɣurupaiaŋ da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya.

²⁵ Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awagiŋ a, ‘Tubun en, oŋ dalawan pasi panama.’

“Gup iŋ ru naon igo irupaiaŋ a, ‘Aŋ dugon te alasa yan ɣai ta ɣaloŋ na ya.’

²⁶ “Ago dop arupeip abol a, ‘Oŋ maŋ da sisem tani taluk na ya. Maŋsama panu lo dam piteñanama na ya.’

²⁷ “Ago gup irupaiaŋ, ‘Nai fon ɣurupaiaŋ da, aŋ dugon te alasa yan ɣai ta ɣaloŋ na ya. Aŋ aupasek tinami, sen alasa.’

²⁸ “Aben an ate aŋ atata dop luomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabianaŋ pe patun fo alasap amado wa.

²⁹ Tamolpein wei kasik ad isuda dak lo, ad idiau dak lo, not lo, saut lo dam an fidian dususap, Anut

san kagin panek aben lo diladup anaŋ diani wo
dumasip dumado wa.

³⁰ Aloŋ uyan, aenta gamu murna yan murnap
dumug a, ago dop aenta gamu malan te yan mur-
nap murna geig dumado wa.”

Jesus Jerusalem niŋen o itata ya
Mat 23:37-39

³¹ Saen an lo mi Farisi aenta dupalug, Jesus
durupei, “On gidad, gamu aben en biseip sen lasa.
Man dugo, Herod on ifuno umat o ilon yen da.”

³² Ago tag Jesus ru naon irupidai, “Aup, goun
kasik an arupei, ‘Nai saen gamu, gabulo an man
ur saiak saiak ɻukudai diau dop, tamolpein subam
ad da yan ɻukubuniai a. Salsop ɻaisag urat wadan
ɻufutani wa.

³³ Ago yak niŋen ɻai gamu, gabulo, salso man
tureŋ mi ɻabi wa. Man dugo, aben a ate profet ta
dufuni imat an man Jerusalem mi a, an niŋen o
panu sen ta lo dufuni imat banau.”

³⁴ “O Jerusalem. On profet adi ufu dumat na ya.
Anut tamol onsa na iginiai dupalu dan dam pat
nam ufu da. Nal wei kasik ibol kurek ta nanun
subarin paen na kagin ipidinai dak ago mi ɻai
kagin ɻupanan o ɻigane gug aŋ ɻai amoi a!

³⁵ Ago yak niŋen o Anut aŋsam tempel ibiseig
kawan yen da. Agod ɻai ɻurupaian da, aŋ ɻai fon ta
aliag na dop yaup aŋ saen igo abol, ‘Tamol e Anut
yanjan lo ipalu den Anut anen bar tinin lo yen da.’ ”

14

Jesus tamol ta tinin ikafut ak ikubune ya

¹ Sabat nal ta lo Jesus Farisi gurman ta san ab lo anaŋ yani wo yau a. In fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya.

² Agog tamol ta ḥjen banin ikafut ak Jesus siñiren na ipalu ya.

³ Jesus tamol an ile tag kubiaeŋ san girek maŋau, in Farisi dida isumianai, “Idsad kubiaeŋ dugo ibol ak i? Sabat nal lo subam adi ka tukubuniai ak i? Tia yak i?”

⁴ Ak man in fidian ru ta dubol man tia ya. Ago tag Jesus tamol an injaneg ikubuneg itout go idinig yau a.

⁵ Agog Jesus fon isumianai, “An luluŋjam lo tamol ta nanun boi, tia, injsan makau boi, you san gib lo idu yau tap, mel en Sabat nal lo ilasa yan niŋen o, ririan yaup irae isudap injane wak i?”

⁶ Ak man ta kisaek ru naon ipei man tia ya.

⁷ Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru faŋan en ibol,

⁸ “Tamol ta nug ḥjanek san soubul lo igiop wau tap, imug mi kapal malan te yak fo masi umoi. Kabelan tamol ta onj irinjano yak dam iwagip ipalu banau.

⁹ Agop soubul taman an ipalup irupaio, ‘Onj gidad masa dop, inj aben en lo imasi wa.’ Agop onj miai tubun mi ifuno dop, masap waup, kapal wadan na yan fo masi wa.

¹⁰ Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman onjsa na ipalup, irupaiop igo ibol, ‘Turag, onj masap palup aben uyan en lo masi

wa.' Ago tap oñ tamolpein dumado dan malad lo oñ yaña ama da wa.

¹¹ Man dugo, tamol ta iñsen yabisa dan, Anut iñ yabi idup tamol yañan tia yak imado wa. Agod ta iñsen yabi idu dan Anut iñ yabisap yañan anda imado wa."

¹² Agog Jesus soubul taman irupei, "Saen soubul gane tap, oñjane tura, murou, ab susumeik, filiad anda yak mi gai umoi. Man dugo, in murna dop soubul naon digane panop, an lo iñjaned gubun dupano wa.

¹³ Tia, saen oñ anañ ta wabi wo tap, bigabeg adi, dutor san tia yan, a ñiedi tubabunan, agod malad tia an dam, gidad soubul lo giaeip dupalu wa.

¹⁴ Ago tap oñ bar uyan ama da wa. Man dugo, iñ naon fon oñ dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa."

Soubul tubun ak san ru fajan

Mat 22:1-10

¹⁵ Agog tamol ta iñ dam ante anañ diani ak ru an iloñ tag Jesus irupeig ibol, "Talpein iñ mitep Anut san kagin panek aben lo soubul tubun an lo dumado yan bar iñjaneg imado da."

¹⁶ Ago tag Jesus tamol an irupeig ibol, "Tamol ta iñ soubul tubun ak iganeg, tamolpein wei mok dupalu wo igai a.

¹⁷ Murnag biabi fidian itout dugo iñjanen urat pinein idinig yaug, tamolpein igai an irupidai, 'Apalu, biabi fidian itout la ya.'

¹⁸ Agog anen anen fun diganeg soubul lo ta diau na wan niñen o urat pinein an durupei a. Tamol

malan malan an ibol, ‘Nai tan kilaken ta ɳedad ak ɳaup ɳile wa. An nijen o gidad, ɳai ilo isou umoi.’

¹⁹ Tinin te yan ibol, ‘Nai urat san makau 10 ɳedad a. An lo ɳaup ɳibitiniai o da. Ulon de? Gidad, ɳai ilo isou umoi.’

²⁰ Ago dugo neinta dam ibol, ‘Nai nor na geig pein ɳiŋane ya. Ago yan lo ɳai gamu ɳau san tia ya.’”

²¹ “Ago tag urat pinein an fon imul yaug ru fidian iŋanen tubun an naon na ibol. Iŋsan tubun en ru an ilon go tiŋaen saian tag, urat tamol an fon idini dugo igo irupeig ibol, ‘Ririan waup, panu ilon lo saiak saiak adi, bigabeg adi, ɳied banid imat, malad tia yak, an uŋal pe dadi apalu.’”

²² “Agog urat pinein an imul ipalug ibol, ‘Oŋane ru ubol an ago mi ɳigane ya. Tamol ɳaŋal ak gug aben aenta wei mi kawan dien da.’”

²³ “Ago tag tamol tubun an urat pinein afon idini dugo irupeig ibol, ‘Waup, dal garan lo, abi dal lo tamolpein man sodudunaip uŋal pe dida apalu wa. Agop ɳaisag ab awan isa wa.’”

²⁴ Nai ɳurupaio da, tamol a malmalan ɳigiai ak gug in dumoi an, ɳaisag anaŋ en awad kitek isue ile san tia ya.”

Jesus ganuri san muruan

Mat 10:37-38

²⁵ Tamolpein wei kasik Jesus ɳien fo diau dugo idaŋsag irupidai,

²⁶ “Talpein ta ɳai iganurag o da, ak gug in tinan, taman, iwon nanun, tein muroun, lun muroun fidian ta patun ipidinai na dop, iŋsen o kankan igane tap, talpein naok an ɳaisag megeloum ilasa san tia ya.

27 Ta iñsinanen aigim isinip, ñieg aban ta iri na tap, inj ñaisag megeloum on ilasa san ta idaisuda na ya.

28 “Tamol ta inj ab lak na nuñon yabi wo imat tap, inj imasip, ilon igire wa. Bor sapita isue wak, agod moni sapita ibiseip ab an yabi itout an ilon isou uyan gup, ab an yabi wa.

29 Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep

30 dubol a, ‘Tamol en urat fun igane gug igane itout san ta idaisuda na ya.’

31 “Nek ago mi kinj ta yaup, tan sen ak ta san kinj da nug dufuni wo tap, inj imasap ilon igire uyanan a, man dugo, iñsan yu tamol 10 tausen mi, gug neinta san man 20 tausen. Ak dugo, iñsan 10 tausen neinta san 20 tausen dirijanai san idaisuda yak i? Ilon ago igire wa.

32 Aria, inj ta idaisuda na tap, tamol idinaip diaup, kinj neinta an dal na mi ida ru dukubunep, ilod kisaek, agop nug ta dufuni na wa.

33 Nek ago mi, talpein ta inj ñai iganurag o imat tap, tan en san filian fidian patun ipani gup, inj ñai iganurag a. Tia tap, ñaisag megeloum ilasa san tia ya.

*Beig san ru farjan
Mat 5:13; Mak 9:50*

34 “Beig man mel uyan a. Gug saen iñsan bulbal an itout dan dal ta lo fon tiganep, bulbal san tia ya. Iñsan urat dam fidian itout a.

35 Ago dop tibiliau da. Tamol on kududo ama da tap, ru an uloñ uyanan a.”

15

*Sipsip ideg yau ak san ru fajan
Mat 18:12-14*

¹ Nal ta takis ɳilaŋal adi iŋ aupasek tamol adi dida Jesus san ru dulon o dususa ya.

² Agog Farisi adi, iŋ kubiaeŋ san girek maŋau dida Jesus patun fo disidag dubol, “Tamol an aupasek adi dida nug turan diganeg dida anaŋ kisaek mi diani da.”

³ Ago tag Jesus ru fajan en ibol irupidai,

⁴ “Tamol ta iŋsan sipsip 100 gug luluŋad lo kisaek ideg yau tap, an niŋen o dugo igane wak i? In sipsip 99 an itumanaip dumado dop yaup, kisaek an abaŋan yabip itor nap ile mok a.

⁵ Saen sipsip an ile dan ilon uyanan pe, iŋjanep paon fo ibili isudap, isinip, panu na yau a.

⁶ Agop iŋjanen turan muroun, ab susumeik an igiaip dupalup, agop irupidai, ‘Nai ilog tubun mi uyan da. Man dugo, ɳaisag sipsip kisaek ideg yau gug fon ɳile ya. Ak niŋen o apalup yousai tigane.’

⁷ Nek ago mi lak na Anut san eŋel adi dam tamol ta Anut san kagin imoi ak fon ibileksa dop, iŋ o ilod tubun mi uyan da. Ak man 99 a itaot la yak dubol go dumado dan in o eŋel adi uyasusai ta digane na da.

Moni patun ideg yau ak san ru fajan

⁸ “Nek ago mi pein ta in moni patun 10 gug kisaek ideg yau dop niŋen o dugo igane wak i? In lam ibanip, ab ilon irianip, abaŋ yabip yau na gup ile wa.

⁹ Saen ile dan turan muroun, agod ab susumeik an igiaip, dutumanip, irupidai, ‘Moni patun a ideg

yau an fon ŋile ak niŋen o ilog tubun mi uyanan a.
Ago yak niŋen aŋ ŋai da sisem ilod uyanan a.'

¹⁰ Nai aŋ ŋurupaiaŋ da, nek ago mi Bai Anut san
enjel adi aupasek tamol ta kisaek ilon ibilisa tap, an
niŋen o ago mi uyad tubun mi isusa wa."

Taman ta nanun idegyau ak san ru farjan

¹¹ Jesus ru awan ibateg ibol, "Tamol ta nanun
uraru a.

¹² Nanun bakan an taman irupeig ibol, 'Bai,
oŋane filia ŋai teig da wabitip ŋaineg ŋutug gamu
en panag.' Ago tag taman iŋanen filian an yabitig
nanun uraru mi anen anen ipidinai a.

¹³ "Murnag nanuk bakan ak iŋanen filian an idad
yaug, san moni an isinig panu ta asau ak lo yau.
Atna uyasusai kagin lo moni isini an isuwari yau.

¹⁴ Iŋ melmel fidian isini an igane itout a, ago gug
kadag tubun ak tan an lo idu ya. Ak man tinin lo
melmel an fidian itout go muruan tubun mi isini
se ya.

¹⁵ Ago tag yaug, panu an san tamol ta san na urat
igane wo isumiani. Tamol an yabig idinig yaug
bor sad ar lo iŋanen bor kaginad igane dugo imado
se ya.

¹⁶ Ago dop bor sad anar samsamun ta yani wo
yaes isofutani gug talpein ta mel yani san ta ipani
man tia ya.

¹⁷ "Saen tinin imadan man, ilon ipastig ilon lo
igo ibol, 'Nai tamag san urat pinein bo iŋ anar
idaisuda mi diani dugo dumado da. Ak man ŋai
ente kadag ibiag dugo mateŋ ŋile wo sumeik da!'

¹⁸ Nai ŋumasap bai san na ŋaup ŋabol a: O bai, ŋai
oŋ Anut da naom na ŋigane saian a.

19 Ago yan lo ηai oŋ nanu ubol san niŋen o ηai ta idaisuda na ya. An niŋen o ηai oŋsa urat pinein lulunŋad lo oŋsa urat pinein kisaek ago giniag pe ηilasa wa.'

20 Agog imasag, imul go taman san na yau a.

"Asau mi ipalu dugo taman malan yaug ile ya. Agog iŋanen nanun ilon imuŋani saian geig tag, imaspalug yaug, nanun yabig musuk ipanig ida ditata se ya.

21 Agog nanun irupeig ibol, 'O bai, ηai oŋ Anut da naom na ηigane saian a. Ago yan lo ηai oŋ nanu ubol san niŋen o ta idaisuda na ya.'

22 "Gug iŋanen taman urat pinein idinaig ibol, 'Ririan aup, kulos milaen siŋaokan an aŋjanep asini apalup, agane pani. Ariy dam tuon lo agane. Sendal dam adiri pani.

23 Agod aup, makau nanun tinin italbusi uyan an afuni. Agop id anaŋ tabip tani dop, ilod uyan dop muguruŋ tigane wa.

24 Man dugo, ηai nanug en imat ηabol ak gug gamu afon kumaen imado da. Gubak mi ideg yau ηabol ak gug gamu afon ηileg ηiŋane ya.' Agog muguruŋ tubun ak fun digane ya.

25 "Agog nanuk matu an abi lo itor nag imul ipalug, ab sumeik ipani dugo iŋ sad uyasusai an liliŋan iloŋ a.

26 Ago tag urat pinein ta iwagig isumiani, 'An ata digane dak i?'

27 Agog urat pinein an ru naon irupei, 'Oŋ tei itor ak gamu ipalu ya. Muruan ta ile man tia yak niŋen o aŋ tamam makau nanun tinin italbusi uyan an ifuni a.'

28 “Nanuk matu an ago ilon̄ go tinjaen saian tag ab ilon̄ lo iladu san imoi a. Ago tag taman ilasag injanen nanun matu ak ab lo iladu wo ilon̄ injane wo igane se ya.

29 Ak man nanun an taman irupei, ‘Anaŋar wei kasik ɻai oŋsa urat pinein igo won urat ɻigane na ya. Agod ɻai oŋ awa kitek ɻiparsisali man tia ya. Ak gug oŋ sipsip nanun ta, ɻaineg turag murooug dida uyama isusa wo panag man tia ya.

30 Gug oŋ nanu an oŋsa filia pani an jeit pein adi tinid lo ibidani dugo itor nag, gamu imul̄ an, oŋ makau nanun tinin italbusig uyan an inj niŋen o funi a.’

31 “Ago tag taman ibol, ‘Nanug, oŋ ɻai da nal pempem tumado da. Agod ɻaisag mel fidian man oŋsa.

32 Ak man gidad gamu ilod uyan dop muguruŋ tigane wa. Man dugo, oŋ tei en imat ɻabol gug, gamu fon imado da. In ideg yau gug fon imul ipalu ya.’”

16

Titianek tamol kankan anda yak san ru fajan

1 Jesus injanen megeloum irupidai, “Filian tamol ta inj urat titianek tamol aman da ya. Agog tamol aenta dupalug, filian tamol an durupei, ‘Oŋsa titianek tamol an oŋane filia ibidani da.’

2 Ago tag iwagig isumiani, ‘ɻai oŋ niŋe wo ru tim ɻaloŋ a. Oŋ dugo gane dak i? Oŋ masip, urat gane yan girep panag dop urat bisei. Oŋ afon urat titianek tamol mado san tia ya.’

3 “Agog titianek tamol ilon̄ igireg ibol, ‘ɻaisag tubun en gamu ɻaisag urat lo ikudag o da. Dugo

ŋigane wak i? Nai tan ŋitare san dabai amag tia.
Agod ŋai ŋagod o dam miai ifunag da.

⁴ Ak man dugo ŋigane wan gamu ŋalon a. Ago tap mitep urat lo ikudag dop, turag murooug wei mi duyujanag dop iŋsad ab lo digiag pe ŋau a.'

⁵ "Ago tag in tamolpein fidian a iŋsan gurman san na gubun digane yan kisaek kisaek mi igiai a. Tamol malmalan an isumiani, 'On ŋaisag gurman an tinin lo gubun sapita gane yak i?'

⁶ "Agog ru naon irupei, 'Wan handet dram oliv gureŋ.'

"Ago tag titianek tamol an ibol, 'Ririan masip, wan handet suas pe fifti mi gire.'

⁷ "Agog neinta isumiani, 'On gubun sapita gane yak i?'

"Agog ibol, 'Wan tausen bek wit.'

"Ago ibol tag irupei, 'Masip, girek an suas pe 8 handet gire.'

⁸ "Aria, iŋsan gurman kulob a igane yan san ru iloŋ go ipitian i a, man dugo, urat titianek tamol an kankan anda ya. Tan en san tamolpein siganed madok an kagin dupani uyanan san ninjen o kankan ad da ya, agod iŋsad kankan an, tamolpein a ilalaŋ san an sad kankan irinjani da.

⁹ Nai ŋjurupaiaŋ da. Aŋsam moni nam tamolpein abinawai. Agop an lo in aŋ turam dilasa wa. An lo dop saen aŋsam moni biabi aman tia man, kumaen panu lo aladup ante tamolpein an duyujanaŋ pe malam dupare wa.

¹⁰ "Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago mi, talpein enti mel kititik lo iraek tap, mel tutubun ak lo dam ago mi igane wa.

11 Ago yak niñen o, onj tan en san filian o raek kagin gane yak ago tap, saen kumaen panu san filian mok a diwae dan, onj niñe wo ilod isou wak i? Tia geig, onj bani kawan mado wa.

12 Agod tan en lo onj tamol sen ak san filian kagin pani wo bani lo digane yak gug, onj kaginan ta gane uyan na yak ago tap, onjane filia kumaen panu lo yan bani lo diganep kagin pani wak i? Tia geig a.

13 “Tamol ta inj gurman uraru an mi nal kisaek lo mi awad yabi san tia ya. Inj ago igane wo igane tap, inj kisaek o lian niñen o imat dop, turan ile saian a. Tia dop, kisaek o lian ilon ipani dop, turan patun ipani wa. Nek ago mi onj Anut moni da sisem uri san tia ya.”

14 Farisi adi ru an fidian dulon go Jesus kukok an digane dugo nao futek ru tinin lo digane se ya. Man dugo, moni niñen o tubun mi dumat a.

15 Agog Jesus irupidaig ibol, “Anej tamolpein malad lo sem itulan da, ak gug Anut ajanem ilom ilon uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da.”

Piteñanek subuñan taida

Mat 11:12-13; Mat 5:31-32; Mak 10:11-12

16 “Moses san kubiaeñ inj profet adi sad ru da yen go ipalug Jon san lo ya. Saen an log ipalug gamu saen en lo man, Anut san kagin panek aben san ru dufulale da. Ago dugo tamolpein wei kasik Anut san kagin panek aben ilon lo diladu wo wagai digane da.

17 Keit tan da ditout diau san man pasauman geig a, ak gug girek kitekan san boi ta Moses san kubiaeñ lo yan ideg yau san ta pasauman na ya. Rumok, ideg yau san tia geig a.

18 “Tanol ta inj iwon ikudip pein foun ak injane tap, jeit igane da. Ago dop tamol sen ta pein a iwon ikudi an injane tap, inj dam jeit igane da.

Filian tamol inj Lasarus da

19 “Tanol ta inj filian anda yak pempem biouŋ sisiñaok ak mi idirip imado se ya. Anan̄ dam uyan uyan ak mi yani se ya Inj mel ta lo katukan man tia ya.

20 Ago dugo bigabeg tamol ta yañan Lasarus dam imado. Inj tinin baob yafutani a.

21 Pempem disini diaug, filian tamol an san ab naon na dibilisig, imado dugo anan̄ samsamuk filian tamol san badim fo yan idu dan yani wo ilon tubun mi ibol se ya. Ago dugo goun dupalug, injsan baob an dipile se ya.

22 “Tanol uraru an ago digane yau nag, bigabeg tamol an imat go, Anut san eñel diñaneg diaug, Abraham girañen na digane ya. Agog filian tamol an dam imat go disare ya.

23 Inj Ades lo imado dugo, madai tubun mok ifuni se ya. Agog malan isudag, asau mi Lasarus Abraham girañen na imado dugo ile ya.

24 Ago tag filian tamol Abraham iwagig go ibol, ‘Bai Abraham, ilo imuñanag. Lasarus dinip, banin kikoun you lo isaminip, isini ipalup baleg fo iganep ibubarum. Man dugo, ñai yai en lo madai tubun mi ñisini dugo ñisagai da.’

25 “Ago tag Abraham ru naon irupei, ‘Nanug, ilo isou. Saen onj tan na kumae mado dugo, onj onjsa mel uyan uyan ak njane na ya, ago dugo Lasarus mel saian saian ak mi injane na ya. Gug gamu inj ilon pasa ibol dugo onj madai tubun geig ak sini da.

26 An mi tia, Anut onj nai da titirjaem dog kuror ak iganeg yen da. An lo tamolpein etna dumado dan dog an dupilalip onjsa na diau san tia ya, nek ago mi tamolpein a onj dida amado dan dog an dupilalip naisag na dupalu san dam tia ya.’

27 “Ago tag filian tamol an ru naon irupeig ibol, ‘Mago tap, Lasarus dinip, nai tamag san ab lo yaup,

28 teig 5 ante dumado dan ru kagin irupidai a. Kabelan inj dam aben ente tamolpein madai tubun geig dile wan ate dupalu banau.’

29 “Ak man Abraham ru naon irupeig igo ibol, ‘Tia. Onj tei murou man inj Moses san kubiaeñ, agod profet adi sad ru ka dusuti wa, an inj o idaisuda ya. Ru an ka dulonj dop kagin digane wa.’

30 “Agog filian tamol an ibol, ‘Tia. Bai Abraham, an man ta idaisuda na ya. Ulonj, tamol ta imat ak fon kumaen imasap yaup, nai teig muroug an irupidai tap, an lo ilod ibilisa wa.’

31 “Ak man Abraham irupeig ibol, ‘Inj Moses profet dida sad awad ta diabi na yak tap, gidad tamol ta mateñ lo yak fon imasa dap, ilod injanep ilod ibilisa wo ru kagin irupidai bo man, inj awan ta diabi na wa.’ ”

17

Aupasek kagin, ilo rumok kagin, agod awabek kagin

Mat 18:6-7,21-22; Mak 9:42

¹ Agog Jesus ijanen megeloum irupidaig ibol, “Kubianek funfun ilasa wa, dilasa san dal tufutani san tia ya. Gug tamol enti iŋ turan ta naon iraep, kagin saian lo idu tap, iŋ muruan tubun mi ile wa.

² Gidad, iŋ pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa.

³ Ago yak niŋen o kagin agane, sem tinim atirni uyanan a!

“Onj tei ta onj lo aupasek igane tap, kududon wabi. Agop ibileksa tap, ijanen aupasek an pare idu pani.

⁴ Gidad, ad kisaek ilon lo saen 7 onj lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi ijanen muruan an pare idu wa.”

⁵ Agog aposel adi Tubun en durupei, “Maŋsama ilo rumok an ganep dabai.”

⁶ Ago tag ru naon irupidaig ibol, “Masted patun man kitiktit an gug isap ai tubun ak ilasa da. Ago yak niŋen o aŋsam ilo rumok masted patun igo woŋ tap, gidad ai e leil apani den tubun a, ago bo man ka arupei, ‘Onj se ibilanop, waup, beig lo udup utur,’ ago dop awam yabi wa.

⁷ “Aŋ lulunjam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, iŋ imug o mi anaŋ yani wo ta irupei na wa.

⁸ Tia, ijanen tubun ak san anaŋ imug ikubunep ipanip, yani gup, murna dop iŋsinanen anaŋ yani wa.

⁹ Urat pinein ago igane dop, iŋsan tubun an ilo uyan ru ta irupei na wa. Tia. Man dugo, urat

pinein an ijanen tubun ak idini ak fom igane da.

¹⁰ Aŋ dam nek ago mi a. Saen aŋ urat fidian ŋai aŋ ŋupanaŋ an aganep itout dop abol, ‘Maŋ urat pinein kawan a. Maŋanema tamol tubun ak mi awan mabi da, mel ta per panek miŋane san ta miŋane na da.’”

Jesus lepra tamol 10 ikubuniai a

¹¹ Jesus Jerusalem na yau dugo dal a iri dan Sameria ij Galili da dien dugo titiŋaem yau a.

¹² Panu ta ate iladu dugo, tamol 10 lepra amad da yak dal na dile ya. In kitek asau mi dutur dugo,

¹³ duwaginj, “Jesus, Tubun ak, ilo imuŋanama.”

¹⁴ Jesus yil tag irupidai, “Aup, tinim Juda sad pris adi akubiaip dile.” Agog dal na diau dugo tinidi afon ilasa uyanan da ya.

¹⁵ In luluŋad lo tamol ta kisaek ij tinin ago ile tag, idaŋsag imul Jesus san na yau dugo, awan tubun mi Anut yaŋan yabisa se ya.

¹⁶ Agog yaug Jesus naon na turun isaluwig, ilo uyan ipani a. Tamol an Sameria tamol.

¹⁷ Jesus ago ile tag ibol, “Tamol 10 ŋukubuniaig uyadi an, kisaek imul a, ago dugo, 9 an dugon te diau ak i?

¹⁸ Ata wo tamol ŋukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?”

¹⁹ Agog Jesus tamol an irupei, “Masap wau. Onane ilo rumok ikubunio ya.”

Dal dugon lo Anut san kagin panek ipalu wa

Mat 24:23-28,37-41; Mak 13:14-23

²⁰ Farisi aenta Jesus dusumiani, “Saŋeptap Anut san kagin panek ipalu wak i?” Ago tag Jesus ru

naon irupidai, “Anut san kagin panek ipalu dan, an talpein ta ile iloñ na wa, man dugo, kob ta iñsan kagin panek sumeik ipalu dan san an imug ta ilasap ale na wa.

²¹ Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek anj lulunjam lo yen da.”

²² Agog Jesus megeloum irupidai, “Murnap anj Tamol Nanun kitek ale wo ilom ibol ak gup ale san tia wa.

²³ Aenta durupaiañ, ‘Tamol Nanun obo ya.’ Tia, ‘Inj ebe ya.’ Gug iñsad ru an ilom lo rumok pe abañañ abi amoi.

²⁴ Saen Tamol Nanun imul dan, iñsan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo woñ a.

²⁵ Gug malmalan muruan wei mi isinip saen e lo tumado den san tamolpein patud dupani gup.

²⁶ “Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a.

²⁷ Saen lom tubun ak ta ilasa na dugo, inj anañ diani dugo, you dam duluk dugo, nug dinjane dugo, pein njedi dupidinai dugo, yaug saen Noa wog tubun ak lo iladu ya. Agog lom tubun ak ilasag tamolpein an fidian daonj ipidinai a.

²⁸ “Lot san saen lo dam ago mi digane se ya. Tamolpein diani duluk onj dugo, didad dinjane onj, ab diabi onj, anañ dupae onj dugo dumado se ya.

²⁹ Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian

ifu dumat a.

³⁰ “Tamol Nanun kuai isi wo dop nek ago mi digane wa.

³¹ Saen an lo dop tamol ta ab patun fo itor ak imul ab ilon lo iladup, iñanen bioun isini wo ta igane na wa. Nek ago mi, tamol ta abi lo yak fon imul pe, ab lo yaup mel ta iñane wo ta igane na wa.

³² Lot iwon igane yak ilom isou.

³³ Talpein ta iñsen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa.

³⁴ Nai njurupaian da. Nal an lo, tidom pe talpein uraru galuñ kisaek lo dien a, gug kisaek Tubun en iñane dop, kisaek yen a.

³⁵ Nek ago mi pein uraru sisem urat digane wa. Gamu nam kisaek iñane dop, kisaek imado wa.

³⁶ Nek ago mi tamol uraru abi lo dutor a. Kisaek iñane dop, kisaek imado wa.”

³⁷ Ru an dulon go Jesus san megeloum dusumiani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

18

Gudanek san ru fañan

¹ Jesus megeloum dugudani oñ dop dumado wa, ago dop ilod ta isali na wo ru fañan ta irupidai a.

² Inj ibol, “Panu ta lo tulek tamol ta imado dugo Anut niñen o ta irer na da. Tamol dam niñedi wo ta irut na da.

³ Aria, pein suos ak ta panu an lo imado ya. Inj pempem tulek tamol an san na yaup, inj ibinawip,

injanen ager kot lo digane wo iduduwig, ibol: ‘Tamlol ta n̄ai iginiag saian. Agog kot lo n̄igane wo dak niñen o onj n̄ai binawag.’

⁴ “Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, n̄ai Anut, in tamolpein dam niñedi wo ta n̄arut na da.

⁵ Gug suos en n̄ai aeg itog onj dak niñen o gidad injanen kot lo n̄ubinawi wa. Tia tap, igo igane onj dop, n̄ai tuog imad a.’”

⁶ Agog Jesus ru awan ibateg ibol, “Ru a tulek tamol saian ak ibol an aloj pe apupi ale wa.

⁷ Añ ilom dugo isou dak i? Ak dugo, Anut san pilianek tamolpein a tidom ad duwagin dugo ibinawai o dusumiani dan, ibinawai o saen milaen imoi ak i?

⁸ N̄ai n̄urupaiañ da. Inj ririan ibinawaip injaned muruan ikubune wa. An lo inj talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?”

Farisi in takis n̄ilañal tamol da sad ru fajan

⁹ Jesus afon ru fajan ta, tamolpein ensauta a injes mi itaot dubol, sed yanad diabisa dugo tamolpein aenta metmet warou dubol dan igo ibol go irupidai,

¹⁰ “Tamlol uraru dugudani wo Juda sad ubou ab tubun ak lo diau a. Kisaek man Farisi. Neinta man takis n̄ilañal tamol.

¹¹ Farisi an imasag injen niñen o mi ilon lo igo igudani se ya, ‘O Anut, ilog uyan da. Man dugo, n̄ai tamol aenta digane saian dan ago tia ya. N̄ai takis n̄ilañal tamol igo tia ya. N̄ai ilosek ag tia. N̄ai ta

ŋiraek na da. Nai jeit ta ŋabi na da. Nai tamol nuŋog mi a.

¹² Ubou kisaek ilon lo nal uraru anaŋ geg ŋiganep ŋugudani da. Filiag an fidian ŋutumanip, malan 10 gup, malan kisaek ŋupano da.’ ”

¹³ “Gug takis ŋilanjal tamol man, sen iparyanig, itakok go naon yabisag lak na abaŋ ile man irer. Injanen aupasek niŋen o ilon muruan go sen titiren ifunig ibol, ‘O Anut, nai aupasek tamol. Ak niŋen o ilo imuŋanag.’ ”

¹⁴ “Nai ŋurupaiaŋ da. Anut malan lo man takis ŋilanjal tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta iŋsen yanjan yabisatap, Anut iŋ yabi idu wa. Gug talpein a iŋsen yabi idu dan, Anut iŋ yabiswa.”

*Jesus nanuk kitiktit igiaig iŋsan na dupalu ya
Mat 19:13-15; Mak 10:13-16*

¹⁵ Tamolpein aenta nanuk kitiktit dinjal go Jesus banin lo didirai o dupalu se ya. Agog megeloum adi dil tag ru dabai nam dupudai a.

¹⁶ Ak man Jesus nanuk kitiktit igiaig, iŋsan na dupalug ibol, “Nanuk kitiktit akudai amoi. Abisawaip, ŋaisag na dupalu. Man dugo, Anut san kagin panek man tamolpein ilod nanuk igo yak sadia.

¹⁷ Nai rumok ŋurupaiaŋ da. Talpein gidad Anut san kagin panek nanuk nanun igo woŋ iŋane wa. Tia dop, iŋsan kagin panek lo iladu san tia geig a.”

*Filian tamol ta
Mat 19:16-30; Mak 10:17-31*

18 Juda tamol gurman ta Jesus isumiani, “Girek maŋau uyanan en. Nai dugo ɻiganep kumaen pem-pem san ɻijane wak i?”

19 Ago tag Jesus ru naon irupeig igo isumiani, “Ata wo nai uyag ubol dak i? Talpein ta uyan man tia ya, nek Anut mi injsen kisaek uyan a.

20 Oŋ kubiaeŋ fidian uloŋ: tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa.”

21 Agog tamol an ibol, “Nai nanuk log ipalug gamu en, kubiaeŋ an fidian ɻuri ɻupani na ya.”

22 Jesus ru an iloŋ tag irupei, “Oŋ mel kisaek lo mi katuk ama ya. Onsa filia fidian udad yau dop, moni an ɻanep, bigabeg adi pidinai a. Ago tap onj Anut san kumaen panu lo filia ama da wa. Ago gane gup, nai ɻieg abag uri wa.”

23 Tamol ru an iloŋ man ilon tubun mi muruan. Man dugo, inj filian tamol tubun geig a.

24 Jesus tamol an leil ipani dugo ibol, “Tamol filian anda man Anut san kagin panek lo iladu san man muruan geig a.

25 Aloŋ ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a.”

26 Tamolpein a Jesus ru ibol dugo dulon dan dusumiani, “Mago tap, ensauta mok mi Anut patud ipasip, kumaen pem-pem yen dan diŋane wak i?”

27 Ago tag Jesus ibol, “Mel a tamol digane san tia yan, Anut igane san iloŋ a.”

28 Agog Pita ibol, “Man̄ oŋ nje aban muri wo maŋanema ab, panu agod mel fidian mubusei a.”

29 Ago tag Jesus igo ibol go irupidai, “Nai rumok ŋurupaiaŋ da. Talpein ta Anut san kagin panek niŋen o injanen ab, iwon nanun, tein taon, agod tinan taman ibisawai tap,

30 saen e gamu yen dan lo Anut naon uyan a ipani wan tubun kasik a. Agod saen foun ak a murnap ilasa wan lo kumaen pempem yen dan injane wa.”

*Jesus injanen mateŋ niŋen o ibol utol a
Mat 20:17-19; Mak 10:32-34*

31 Jesus megeloum 12 an injal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun niŋen o digire yan nuŋon ilasa wa.

32 In̄ gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a.

33 Ago digane wak man, nal utol itout gup, Anut ifufunip afon kumaen imasa da wa.”

34 Gug injanen megeloum ru a ibol an fun ta dulon na ya. Ru an fun mok mianuk lo yen. Ago dugo Jesus ata niŋen o ibol an fun mok diŋaoŋ a.

*Jesus tamol malan itau ak ikubune ya
Mat 20:29-34; Mak 10:46-52*

35 Jesus Jeriko sumeik ipani dugo, tamol ta malan itau ak dal gigin te igod dugo imado.

36 Saen tamolpein dirinjani dugo sad liliŋan ilon man, isumianai, “An ata mel ilasa dak i?”

37 Ago dugo durupei, “Jesus, Nasaret tamol, amaiak yau da.”

38 Ago tag tamol an iwagiñ, “O Jesus, Dawid Nanun, ilo imuñjanag!”

39 Agog tamolpein a Jesus naon na imug diau dan dububuñjanig durupei, “Awa itaup tokubol pe mado!” Ago tag tamol an nen maeg nam iwagiñ dugo isasai, “O Dawid Nanun, ilo imuñjanag!”

40 Ago tag Jesus ipartuanig mala itau an diñane dupalu wo irupidai. Saen tamol an siñiren na ipalu man, Jesus isumiani,

41 “Dugo ñiginio wo ilo ibol di?”

“O Tubun en, ñai aban ñile wo ilog ibol da.”

42 Ago tag Jesus ibol, “Aban ule. Oñane ilo rumok ikubunio ya.”

43 Ago ibol dugo tamol an aban ile kisaek oñ a. Agog Jesus ñien aban iri dugo Anut yañan yabisag yau a. Saen tamolpein an fidian ago dile man, inj dam Anut yañan diabisa ya.

19

Jesus inj Sakias da

1 Jesus Jeriko taun ilon lo iladug yau dugo,

2 takis ñilanjal tamol gurman ta filian anda yak ante imado. Inj yañan Sakias.

3 Tamol an Jesus naon tinin ile wo yaes tubun mi ifuni. Inj tamol katukan, agod tamolpein wei kasik an lo inj Jesus ile san tia ya.

4 Ago tag imaspalug, inug yaug ai gurab ta yañan sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

5 Saen Jesus ai an fun na ilasa man, malan isudag Sakias ile tag irupei, “Sakias, ririan udu. Nai gamu onj da ojsa ab lo tumado wa.”

6 Ago tag Sakias ririan idug ilon uyan isag Jesus malan ipareg, ijaneg ijsan ab lo diau.

7 Tamolpein ago dile yan fidian ilod saian go fun diganeg duñurñjur go dubol, “Inj aupasek tamol san ab lo ida diau a.”

8 Ak man ab log Sakias imasag Tubun en irupei, “Tubun en, ulonj. Naisag filiag ɻitarpalep, wadan tamolpein mel ad tia yak ɻupidinai a. Taida mi, tamol ɻirawai dugo sad na ɻagam na yan, ijaned melmel ɻagam na yan naon ago mi ɻutumanip, malan iwoiwo ɻupidinai a.”

9 Ago tag Jesus ibol, “Gamu ab en san muroun Anut san patu pasek ijaney ya. Man dugo, tamol en dam Abraham malan kubulan ta.

10 Tamol Nanun tamolpein dideg diau la yan abajad ilep patud ipasip ijäl o ipalu ya.”

Moni san ru fañan

Mat 25:14-30

11 Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus ijsad kinj ilasa wo dak ilod isou se ya, ak man inj kinj ilasa wak san saen gamugo an niñen o ru fañan en ibol irupidai,

12 “Tamol ta yañan anda yak kinj ilasa wo panu asau ak lo yau. Onte inj kinj digane gup fon imul pe sen naon na ipalu wa.

13 Yau o dugo ijanen urat pinein 10 igiaig dupalug, 20 kina anen anen ipidinai dugo irupidai, ‘Moni en añañep urat apani yau dop ɻai ɻamul a.’

14 “Gug tamolpein a murnap iñsan kagin panek paen na dumado wan, iñ dile saian go dumado ya. Ago yak niñen o tamol an yau dugo patun fo ru digane yaug dubol, ‘Mañ tamol en manjsama kiñ ilasa wo man mamoi a.’

15 “Ago bo man tamol an kiñ ilasa ya, agog fon imul iñsinanen na yau. Gamu nam urat pinein a moni ipidinai an igiaig naon na dupalu ya. Moni subuñan taidam sapita diñane yan iloñ o isumi-anai.

16 “Urat pinein a malmalan ipalu yan ibol, ‘Tubun en, oñ ñai 20 kina panag an lo didaeñ urat ñiganeg, oñjane 200 kina subuñan taidam ñiñane ya.’

17 “Kiñ an irupeig ibol, ‘Oñ urat tamol uyanan mok a, oñjane urat kagin pani uyanan a. Oñ biabi kitik e bani lo ñigane emaiak kagin pani uyanan a, amaiak niñen o taun 10 bani lo ñidiri da, gamu iñsad tirnek tamol lasa wa.’

18 “Agog urat pinein neinta ipalug ibol, ‘Tubun en, oñ ñai 20 kina panag an lo didaeñ urat ñiganeg, oñjane 100 kina subuñan taidam ñiñane ya.’

19 “Agog iñanen tamol tubun en pinein an irupeig ibol, ‘Oñ taun 5 bani lo ñidiri da, gamu iñsad tirnek tamol lasa wa.’

20 “Agog pinein tinin te ipalug ibol, ‘Tubun en, oñjane 20 kina ebo ya. Ñai yamel kilaken lo ñuminamig yen a.

21 Nai oñ o ñarer. Man dugo, oñ tamol silei a. Oñ abi san urat tamol sad silali naon ñane da.’

22 “Ago tag ru naon irupeig ibol, ‘Oñ urat pinein saia geig a. Ñai oñsigane ru ubol an nam ñukubianop ñile wa. Oñ uloñ ak, ñai abi san urat tamol sad silali naon ñiñane da.

23 Fun an niñen o ñaineg moni an moni ab san urat tamol pani ak man, inj ka urat ipani wa, an lo saen ñai ñamul dop moni an san tim an da ñiñane wa. Ata wo onj ago ta gane na yak i?’

24 “Agog kiñ an idañsag tamol a siñiren na dutur dan irupidai, ‘Tamol en san na 20 kina añañep urat pinein a 200 kina aman da yan apani.’

25 “Agog tamol a ru an duloñ an durupeí, ‘Tubun en, tamol an moni idaisuda mi yabi da, 200 kina aman da la ya!’

26 “Ak gug kiñ an ru naon igo ibol go irupidai, ‘Talpein enti inj da yan, ñai suguan taidam ñupanip an lo inj idaisuda wa. Ak man, enti inj tinin lo tia agod, gidad inj kitek da bo man, injsan melmel an banin lo dupasi itout a.

27 Aria, ñaisag ager adi ensauta a ñai injsad kiñ ñilasa san o dumoi an, añañ dida apalup, ñai naog na afup dumat a.’ ”

*Jesus kiñ igo woñ Jerusalem na iladu ya
Mat 21:1-11; Mak 11:1-11; Jon 12:12-19*

28 Jesus ru an ibol itout go imug Jerusalem na yau.

29 Did Oliv fo itor go panu uraru yañadi Betfage inj Betani da sumeik dugo, injanen megeloum nuñod urarum idinaig naon na dumug diau a. Ago dugo ru kagin igo irupidai,

30 “Añ nuñom urarum panu o tile dan ante au a. Aup doñki nanun ta dususeg itur dak ante ale wa, talpein ta gubak mi fufo imasi man tia ya. Doñki nanun an kam apasip añañep ñaisag na apalu.

31 Tamol ta ru aman da dop, añ igo arupeí, ‘Tubun ak urat ipani wo da.’ ”

Luk 19:32

civ

Luk 19:40

32 Agog diaug melmel fidian Jesus ibol ago mi dile ya.

33 Saen donki nanun an san kam dusupasi dugo, muroun ipalug isumianai, “Ata wo donki nanun en apasi dak i?”

34 Ago dugo ru naon durupei, “Tubun ak urat ipani wo da.”

35 Agog donki nanun an dijaneg, Jesus san na dupalu ya. Agog donki nanun an patun fufo kulos duruwarig, Jesus dubunawig fo isudag imasig diau a.

36 Jesus dal na yau dugo tamolpein malan tubun geig an iñsiganed kulos milae milae ak dupasi dugo dal te duruwari se ya.

37 Saen Jesus Jerusalem sumeik ipani dugo Did Oliv fo dal nok idu an lo iñanen megeloum malan tubun, fun diganeg yousai lo Anut yañan diabisa dugo muguruñ dupani se ya. Man dugo, iñ kulob girager wei kasik a Jesus gubak mi igane se yan dile ya.

38 Iñ igo dubol,
“Kiñ e Anut yañan lo ipalu den bar iñane ya!
Kumaen panu na maror yen. O Anut per lak na
geig ak per mupano da!”

39 Agog tamolpein an luluñad lo Farisi aenta dutor dan ru an dulon dugo dumasa saian go Jesus dupei, “Girek manjau, oñsa megeloum pidaip awad itau!”

40 Gug Jesus ru naon igo irupidai, “Nai ñurupaian da. Iñ dutokubol san tia ya. Iñ awad itau tap, pat e dien dan naod dijanep per dupanag a!”

Jesus Jerusalem niñen o itata ya

41 Saen Jesus Jerusalem sumeik ipanig ile man, ilon tubun mi muruan go malan turon idug,

42 igo ibol, “Oŋ saen en lo mi maror san dal uloŋ ak man, muruan a oŋsa na ipalu dan ta ilasa na wa. Ak man gamu dal an imianuk go oŋ ule san tia ya.

43 Oŋsa saen ipalu wa. Ager adi dubuluwop oŋ giranje ananae mi lo dupalup, tan dufutip oŋsa sep girajen na dutumanip lo diladu san dal digane wa. Gigin fidian lo dupalup dubuluwop dupino wa.

44 Inj dufunop daoŋ dupano wa, agod tamolpein a oŋsa sep ilon lo dumado dan dufu yaup fidian dumat a. Oŋsa pat ta kisaek o lian pat sen ak tinin fufo na ta yen na wa, tia, oŋsa pat fidian dugufututep diabibol tan na dudu wa. Fun dugo, oŋ saen a ate Anut ɿai tinig lo oŋsa na ipalu yan ta ule uloŋ na ya.”

*Jesus tempel lo daden tamol irubai a
Mat 21:12-17; Mak 11:15-19; Jon 2:13-22*

45 Jesus tempel san ar ilon lo iladug, aben ante didaen̄ tamol fidian ikudaig patun fo dilasa ya.

46 Inj igo ipidai, “Anut san buk lo ru en digire ya, ‘Naineg ab man gudanek san ago dubol a,’ ak man aŋ agane ilasag ‘gumagam adi sad mianuk ab’ igo agane da.”

47 Nal fidian Jesus tempel san ar lo iladug tamolpein maŋau ipiteŋjanai se ya. Ago dugo pris gurman adi, kubiaeŋ san girek maŋau, agod tamolpein sad gurman dufuni imat o dal aban̄ diabi wo digane se ya.

48 Ak man inj dufuni imat san dal ta dile man tia ya. Man dugo, tamolpein fidian iŋsan ru dulon o

tubun mi dumat. Injsan ru samukan ta iriñjanai san man dumoi.

20

Jesus san urat niñen o dusumiani a

Mat 21:23-27; Mak 11:27-33

¹ Nal ta Jesus tempel lo tamolpein naod na Anut san ru ifulale dugo mañau ipiteñjanai se ya. Agog pris gurman adi, kubiaeñ san girek mañau, agod matu gurman aenta dida dupalug Jesus dusumianig dubol,

² “Oñ rupaiama. Oñ enti san dabai lo melmel en gane dak i? Enti mok dabai en ipanog ate urat en gane dak i?”

³ Inj ru naon igo irupidai, “Nai dam mel ta niñen o ñusumianañ o da. Arupaiag,

⁴ Jon san suguek man, dugon te kagin an iñane yak i? An kumaen panu san mel, tia, tamol sad mi ak i?”

⁵ Agog injesd nug lo igo diñiñej se ya. “En kumaen panu san mel, ago tabol tap, inj igo ibol isumianad a, ‘En ata wo añ inj niñen o ilom ta rumok na yak i?’

⁶ Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, injsad ilo sou lo man Jon mi inj profet, ago dubol da.”

⁷ Ago yak niñen o Jesus ru naon durupeig dubol, “Enti mok dabai an ipani an manj ta maloñ na ya.”

⁸ Ago tag Jesus ibol, “Ago yak niñen o ñai dam enti mok dabai en ipanag go ate melmel e ñigane den, ta ñjurupaiañ na wa.”

Abi san kagin panek adi sad ru fañan

Mat 21:33-46; Mak 12:1-12

⁹ Agog Jesus awan ibateg tamolpein ru fañan en irupidai, “Tamol ta abi yabig lo ai wain patun ipae. Agog tamol an iñsan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yaug saen mīlaen mok itor na ya.

¹⁰ Agog saen wain nunjon disini wo dugo, abi taman iñsan urat pinein ta iñsinanen panu fun lo idinig yaug, iñjanen ɣutun dupanip isini ipalu wo ibol. Ak man abi titianek adi iñsan urat pinein dufunig banin kawan didinig imul yau.

¹¹ Ago tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau.

¹² Ago tag afon urat pinein ta idinig yau, gug urat pinein an dam madai dupanig dubal abi patun fo ilasa ya.

¹³ “Ago tag abi taman igo ibol, ‘Dugo ɣigane wak i? Gidad ɣaisiganeg nanug mok niñen o tubun mi ɣamat dan ɣidinip yau a. Nap inj awan diabi ak boi.’

¹⁴ “Ak man saen abi titianek adi iñjanen nanun dile tag dubol, ‘An abi taman amaiak nanun ak niñen tufuni imat dop, iñsan furan id tiñane wa!’

¹⁵ Ago tag diabig, ar patun fo dubal ilasag, dufunig imat a.

“Ago yan lo abi taman an, titianek tamol adi an dugo mok iginiai ak i?

¹⁶ Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an dulon an dubol, “Ago tia!”

17 Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo woŋ ak i?

‘Pat nek a ab bek tamol adi dumoi dan,
nek amaiak ab tinin fidian yabi sakar da.’

18 Talpein ta inj pat en fo na yau idu dop man, sen ifuni ititale wa. Ak gug talpein ta pat en kabuŋan fufo idu tap, ifufari idu wa.”

19 Saen pris tutubu agod Farisi adi, Jesus ru faŋan a ibol se yan dulon̄ man, Jesus ririan diabi wo maeg diganeg dal aban̄ dile se ya. Man dugo, inj dulon̄ uyanan ak Jesus injanen ru lo inj isiai se ya. Ak man tamolpein malan tubun ak niŋedi wo direr a, an lo ta diabi na ya.

Kaisa san takis ɳilaŋal
Mat 22:15-22; Mak 12:13-17

20 Ago tag inj nal fidian Jesus leil dupani uyanan se ya. Inj leil tamol ta didinaig Jesus san na dupalu. Inj tamol nuŋon manon̄, ak gug Jesus san ru lo diabi wo malad digane se ya. Inj ɳudun dusuep sumianek dupanip, ru ta ibol saian dop gabman banin lo digane wo dal an digane.

21 Agog leil tamol an Jesus dusumiani, “Girek maŋau, maŋ malon̄, onsa ru ubol dugo piteŋanama dan fidian rumok a. On tamol yaŋad anda yak niŋedi wo ta urut na da. Tia, on Anut san dal mi tamolpein fidian maŋau piteŋanai da. Gidad yaŋad da yak, agod yaŋad tia yak dam mi a.

22 Ak dugo, Kaisa takis moni tupani wan uyan ak i? Tia, saian ak i? On dugo ilo isou dak i?”

23 Gug Jesus inj dirawi wo digane dan ilon̄ tag irupidai,

24 “Moni patun ta akubiaip njile gup. Mitilaen agod yanjak e fufo digire yan enti san ak i?”

25 Agog ij dubol, “Kaisa san.”

An nijen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

26 Ij malak malak mel ta lo dirawi dop diabi san tia ya. Insan ru naon ago dulonj go durut saian tag awad itau.

*Sadyusi Jesus diabi wo bitinaek lo digane ya
Mat 22:23-33; Mak 12:18-27*

27 Sadyusi aenta Jesus san na dupalu. (Inсад ilo rumok lo ago dubol da: Tamolpein dumat dop, fon njutud kumaen dumasa san tia ya.)

28 Ij Jesus ago dusumiani, “Girek manjau, Moses wagam mi kubiaeñ igo igire panad a, ‘Tamol ta ij iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an ijane, tein matu an injsan nanuk idirsi wa.’”

29 Aria, id lulunjad lo tamol ta ij nanun 7. Matu ak pein ijane gug nanuk ad tia dumado dugo tamol an imat.

30 Ago tag tein bakan an fon tein san pein an ijane gug tamol an dam imat.

31 Tein a tinin te yan dam nek ago mi a. Agog tamol 7 an tet mi nanuk tiag, dumat pasik.

32 Murnag pein an dam imat. Tamol 7 an ago mi tet mi pein kisaek an mi dijane ya.

33 Ak nijen o, dugo, mitep saen tamolpein fidian dumat an kumaed dumasa dop, pein an tamol dugon mi ida dumado wak i?”

34 Ago tag Jesus ru naon irupidai, “Pein tamol saen en san nug dijane da, agod tamol adi njedi dupidinai da.

35 Ak gug tamolpein ensauta a Anut malan lo saen murna san ak lo diladu san, agod mateñ lo fon kumaen dumasa san, in idaisuda yan, aben ante nug ta dijane na wa, ago dop tamol adi pein njedi ta dupidinai na wa.

36 Inj ibol eñel adi oñ, an lo fon dumat san tia ya. Inj Anut nanun muroun. Man dugo, inj mateñ log fon kumaen dumasag dumado da.

37 Moses dam kuai tem ikubiai panañ, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut niñen o igo ibol, ‘Abraham, Aisak, Jakob sad Anut.’

38 Anut man inj tamol a mateñ lo dumado dan sad Anut tia ya. Tia, inj man tamol kumaed dumado dak sad a. Man ata wo? Inj malan lo tamolpein fidian kumaed dumado da.”

39 Ago dugo kubiaeñ san girek mañau aenta Jesus ibol ago dulon go durupeig dubol, “Ru naon uyanan mok, girek mañau!”

40 An lo gug Jesus sumiaeñ subuñan taidam dusumiani wan niñen o direr se ya.

Kristus inj enti nanun ak i?

Mat 22:41-46; Mak 12:35-37

41 Agog Jesus isumianai, “En dugo woñ go tamolpein Kristus inj Dawid nanun dubol dak i?”

42 Dawid inñen Isrel bar san buk lo igo ibol, ‘Tubun en ñaisag Tubun ak igo irupeí,
“Oñ ñai tuog won ak ate masip yaup,

⁴³ murna gup ηai oñsa ager adi ηidiraip,
on ηie pae na dumado dop ηie nam partuanai
a.”
⁴⁴ Dawid iñsen mi iñ Tubun ak ago ibol tap, en dugo
woñ pe iñ Dawid nanun ak i?”

Kubiaen san girek manjau sad aupasek
Mat 23:1-36; Mak 12:38-40; Luk 11:37-54

⁴⁵ Tamolpein fidian dulon dugo, Jesus iñsan
megeloum ru kagin igo irupidaig ibol,
⁴⁶ “Kubiaen san girek manjau niñedi wo kagin
agane. Iñ kulos milmilae ak didiri duman, tamol
dil o digane da. Didaen aben lo tamolpein ‘adian’
dupidinai ak niñen o tubun mi dumat da. Iñ ubou
ab lo kalik malan te yak niñen o dumat da, agod
soubul lo dam nek ago mi a.
⁴⁷ Iñ pein suos sad ab digam da, agod gudanek
milaen kasik, tamolpein diliai o digane da. Ama-
iak niñen o tamol naok ago yan naon a diñane wan
nen tubun mi ilasa wa.”

21

Pein suos san lou panek tusan
Mak 12:41-44

¹ Jesus tempel lo imado dugo malan yaug, tamol
filiad anda yak tempel ilon lo kolekta san kunup
lo moni digane dugo yil a.

² Agog pein suos bioun tia yak iñ dam ipalug pat
bras uraru mi kunup lo ibal a. Moni an naon man
tusan mok.

³ Ago tag Jesus ibol, “Nai rumok ηurupaiañ da.
Pein suos an moni kolekta igane yan kolekta a
tamol filiad anda yak digane yan fidian iriñanai a.

4 Man dugo, fidian inj filiad anda yak gug kabelan mi kolekta digane dugo injaned fidian mi yenda. Gug pein suos an sen aben ipitig fidian kolekta lo igane ya.”

Saen e lo tumado den itout san kob

Mat 24:1-14; Mak 13:1-13

5 Injanen megeloum aenta tempel san pat uyan uyan ak, agod melmel Anut lou dupani na yan nam damag dupani an niñen o dinjinej tag Jesus ibol,

6 “Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa.”

7 Ago tag dusumiani, “Girek mañau, saen dugon lo dop mel an ilasa wak i? Mitep ata kob mile dop ate maloñ ak saen an ipalu wo sumeik di?”

8 Inj ru naon irupidaig ibol, “Añ kagin agane. Inj an dirawañ banau. Man dugo, mitep tamol wei mok ñai yañag lo dupalup dubol, ‘Ñai tamol nek ama ya,’ ago dop dam dubol, ‘Saen a ate ipalu wan sumeik ipanad da.’ Ago dop injsad sewak an ta ari na wa.

9 Añ yu ager alonj ak, agod ru tim yu ager sensen yau oñ an dam alonj a. Añ arer amoi. Man dugo, mel naok an imug ilasa wa, ak gug nal wadan san saen man gamugo da.”

10 Go inj afon ru ibateg ibol, “Tamol malan ta yu diabisa dop, tamol malan ta yu naon injsad na digane imul a. Ago dop kinj ta injsan tamolpein dida yu diabisap, kinj sen ak ta injanen tamolpein dida nug dufuni wa.

11 Aben sensen lo man, kanaurig tutubu yak wei mi ilasa dop, kadag tubun mi idu wa. Subam

tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

¹² “Ak man melmel an fidian gamugo ilasa dop, nai niŋeg o aŋ dibiaŋ pe, madai iŋ muruan da dupanaŋ a. Nai yaŋag o Juda sad ubou ab lo Juda gurman adi naod na dinjiliŋ aup, kot dupanaŋ dop subanek ab lo diginiaŋ a. Kiŋ iŋ gabman gurman aenta naod na dam kot lo atur a.

¹³ Saen an lo dop iŋaned naod na ajanem ilo rumok nai lo abol ilasa wa.

¹⁴ Saen gamugo naod na alasa dop, ata ru arupidaip an lo sem ipiranaŋ san ninjen o ilom ta wei-wei na wa.

¹⁵ Man dugo, nai aŋ ru abol san kankan milaen ak nupanaŋ a. An lo dop aŋsam ager adi iŋ ru abol an iŋ naon dubol san tia wa, ago dop iŋ dam aŋ awam lo dupirgini san tia wa.

¹⁶ Tinam tamam, teim taom, ajanem dar, agod turam muroum dam ager adi banid lo diginiaŋ pe, aŋ aenta dufunan amat a.

¹⁷ Tamolpein fidian nai yaŋag o aŋ diliaŋ saian dop aŋ lo siai digane wa.

¹⁸ Ak gug gurmam roun ta kisaek ideg yau san tia ya.

¹⁹ Tia, aŋ atur dabai dop muruan fidian asini dan lo mi, kumaen pempem yen yau san ajanen wa.”

*Mitep Jerusalem daoŋ dupani wa
Mat 24:15-21; Mak 13:14-19*

²⁰ “Mitep yu tamol adi dutumanip Jerusalem ditiliani dop eil a. Ago ale dop aloŋ ak, Jerusalem daoŋ dupani san saen sumeik da.

21 Saen an lo dop, tamolpein Judea na dumado dan disol pe, diaup, did luluŋad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan iŋ afon ilon lo ta mok diladu na wa.

22 Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nuŋon ilasa wa.

23 O kabel, nal en san pein luam anda yak, agod aŋ pein aŋanem nanuk su apidinai dan dam, ŋai ilog tubun mi imuŋanaŋ da! Muruan tubun geig tan en lo ilasa dop, tamolpein ente dumado den Anut san tiŋae mumarek dile wa.

24 Aenta ager adi sabiri nam dufu dumat a. Aenta iŋsad ager adi diŋal pe, subanek tamol dilasap tan asau mi sensen lo diaup ante dumado wa. Agop gob adi Jerusalem diŋanep dipartitale dop yaup nal a lo gob adi sad saen itout san nal an idaisuda wa.

Jesus imul san nal

Mat 24:29-31; Mak 13:24-27

25 “Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini dop tamun dam san lilijan tubun kasik a.

26 Tamolpein fidian ata mel mok tan en lo ilasa wo sumeik dan niŋen o yaes tubun mi ifu dop, tinid irer dop, rirek lo malad itilianip dudu wa. Man dugo, Anut mel fidian keit lo yak imiriranai a.

27 Saen an lo dop, ij fidian Tamol Nanun keit lo timtaen titinjaem kuai te ilasa dop, dabai agod girager tubun geig ak da ipalu dan, dile wa.

28 Saen melmel an ago fun diganep dilasa dop, amasap mala nouk lo malam lak na isuda wa. Man dugo, Anut injilian san saen sumeik mok ipalu da.”

Gurab san ru fajan

Mat 24:32-35; Mak 13:28-31

29 Agog Jesus ru fajan en irupidai,

30 “Ai gurab ij ai aenta dam ilom isou. Saen ai roud wagam ak idu dop, foun ak ifurjani dan ale dop, alon ak, ui san saen sumeik a.

31 Nek ago mi melmel an dilasap eil dop alon ak, Anut san kagin panek ipalu o da.

32 “Nai rumok ηjurupaiañ da, warou gamu en san tamolpein gamugo itout yau dop melmel en fidian dilasa wa.

33 Rumok geig, keit ij tan da murnap itout a, ak gug ηaisag ru man ta itout na wa.

34 “Ago yak nijen o kagin agane! Tamol Nanun ipalu wak san nal ta alon na ya. Ak nijen o soubul san kankan tubun mi agane amoi. You sakar ak tubun mi aluk amoi. Agod tan en san mala bulbal lo mi amado amoi. Kabelan aŋaoñ dop nal an idu kisaek oñ banau.

35 Nal an tamolpein a fidian tan tilianek aten fo dumado dan lo ilasa wa, ij diŋaoñ dop nal an idu wa, ago dop nal an san muruan nijen o disol diau san tia ya.

36 Ago yak nijen o aŋ pem pem nal an atitian dop aban ale wo uyanan a. Ago dop aŋ pem pem

Anut agudani dop lo, muruan a fidian dilasa wan ninjen o ka asol aup, Tamol Nanun naon na atur a."

³⁷ Nal anen anen atem Jesus tempel san ar ilon lo tamolpein maļau ipiteňanai se ya, agog gurai idug bubun a Did Oliv dubol dan fo yaug ante ńioŋ yabi se ya.

³⁸ Tamolpein fidian tidom lom mok iňsan ru dulon o tempel lo diau na ya.

22

Judas Jesus ager banid lo igane ya

Mat 26:1-5,14-16; Mak 14:1-2,10-11; Jon 11:45-53

¹ Bret yis an tia yak san soubul, yaļan Pasova, san saen sumeik.

² Saen an lo pris gurman adi iň kubiaeň san girek maļau dida tamolpein niňedi wo direr ak niňen o pasak nam Jesus dufunip imat o palaň an dumari a.

³ Agog Judas yaļan neinta Iskeriot dubol dan, Satan ilon lo idu ya. Iň dam Jesus san megeloum 12 amaiak sad kisaek ta.

⁴ Agog Judas yaug, pris gurman adi iň tempel san titianek tamol sad gurman adi dida diňiňen go dal dugon lo Jesus banid lo igane wan ibol dulon.

⁵ Agog pris gurman adi ilod tubun mi uyan go Judas moni dupani wak dubol.

⁶ Judas awad yabi tag tamolpein malad patun fo Jesus ager banid lo igane san dal abaň yabi se ya.

Jesus iňjanen megeloum dida Pasova san anaŋ diani a

Mat 26:17-25; Mak 14:12-21; Jon 13:21-30

⁷ Bret yis an tia yak diani san saen idu dugo, sipsip nanun Pasova san saen lo diani san dufu idu.

⁸ Agog Jesus Pita ij Jon da idinaig, ru kagin en irupidai, “Aup, idsad Pasova san anaŋ akubune.”

⁹ Ago tag dusumiani, “Dugot na mok anaŋ mukubune wo ubol di?”

¹⁰ Agog ij irupidai, “Saen aŋ Jerusalem ilon lo aladu dop, tamol ta you isiri ak isini yau dan ale wa. Nien aban arip, ab dugon lo isuda tap,

¹¹ ab an taman asumianip arupej: ‘Girek manau igo ibol, galuŋ dugon lo ijaneg megeloum dida maŋsama Pasova anaŋ an mani wak i?’

¹² Ago dop galuŋ tubun ak ta lak na yak ikubiae panaŋ a. Aŋ atna melmel fidian akubune.”

¹³ Tamol uraru an diaug, mel fidian Jesus ibol ago mi dile ya. Ago tag galuŋ ante Pasova san anaŋ dukubune se ya.

Jesus ij bret wain da ijaneg megeloum ipidinai a Mat 26:26-30; Mak 14:22-26; 1Kor 11:23-25

¹⁴ Anaŋ diani san saen idu dugo Jesus tebol sinjiren na ijanen megeloum dida dumasi.

¹⁵ Agog irupidai, “Nai gamugo muruan ŋisini dop aŋ da Pasova san anaŋ en tani wo ilog tubun mi yen da.

¹⁶ Man dugo, nai ŋurupaiaŋ da, nai fon aŋ da Pasova ta tani na dop yaup, Anut san kagin panek aben lo, mel a Pasova naon ijanewan san nuŋon ilasa wa.”

¹⁷ Agog Jesus gab wain anda yan ijaneg, Anut ilo uyan ipanig ibol, “En aŋanep aŋsem nug lo awae.

18 Man dugo ɳai ɳurupaiaŋ da, ɳai fon ai wain nuŋon san you man ta ɳaluk na dop yaup, Anut san kagin panek ipalu gup, fon ɳaluk da wa.”

19 Ago ibol itout go bret iŋaneg, Anut ilo uyan ipanig yafuteg, ipidinai dugo ibol, “Bret en ɳaineq tinig, ɳai aŋ niŋemi wo ɳiganeg idu ya. Aŋ ago agane dop ɳai ilom isou.”

20 Nek ago mi anaŋ diani itout go, gab iŋane yabig igo ibol, “Gab en man kontrak foun ɳaisag dar lo ya. Dar en aŋ niŋemi wo ɳaineq tinig lo yak ilasa wa.

21 Gug aloŋ. Aŋ luluŋam lo tamol ta ɳai ager banid lo iginiag an banin, ɳai banig da tebol en fo dien da.

22 Tamol Nanun imat a, nek ibol Anut mi iŋ niŋen o ibol ak ago mi iŋ lo ilasa wa. Ak gug tamol enti a Tamol Nanun iganep iŋanen ager adi sad tuod lo ilasa wan, rumok iŋ muruan tubun kasik ak ile wa!”

23 Agog iŋsed nug dusumiani, “Enti mok ago Jesus lo igane wak i?”

Enti iŋ malan te ya

Mat 20:25-27; Mak 10:42-44

24 Agog megeloum iŋsed iŋsed mi enti mitep iŋ yanjan malan te yen ak niŋen o nug diabi didiri se ya.

25 Jesus ago iloŋ tag irupidai, “Gob adi luluŋad lo iŋaned kiŋ adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, iŋsed tamolpein sad binawek tamol ago dubol da.

26 Gug aŋ man dal ago tia ya. ɳai ɳurupaiaŋ da, luluŋam lo ta iŋ tubun imado wak tap, sen irae

imul pe murna imado wa. Ago dugo ta inj gurman imado tap, inj ibol urat pinein oñ ilasa wa.

²⁷ Ago yak niñen o enti inj tubun ak i? Tamol a tebol siñiren na imasig anañ yani dan, agod biabi ñilanjal tamol enti tamol an anañ ipani dan, luluñad lo enti malan te imado di? Anj alonj ak, tamol a tebol siñiren na imasig anañ yani dan malan te ya. Aria, ñai añ luluñam lo ñupalug biabi ñilanjal tamol igo woñ ñilasag ñumado da. Nai mi ajanem tutuñanek tamol ñumado da.

²⁸ Añ ñai ta abisawag na ya, tia, muruan a fidian ñisini se yan lo añ ñai da sisem tatur kisaek a.

²⁹ Ago tag nek ibol ñaineg Tamag injsan tamolpein ñitirnai san dabai ipanag ak igo, ñai dam dabai ñupanañ a, an lo dop ñaisag tamolpein atirnai a.

³⁰ Ago dop ñaineg kagin panek aben lo, añ ñai da ñaineg badim fo tumasip tani taluk a. Ago dop añ anen anen tulek tamol alasap, kiñ san kalik fo amasip, Isrel sad gugoi 12 an akubianaip eil a.”

*Jesus Pita inj niñen o itot ak o ibol a
Mat 26:31-35; Mak 14:27-31; Jon 13:36-38*

³¹ Agog Jesus Pita irupei, “O Saimon, Satan añ fidian ikibianañ ile wo Anut isumiani la ya, agod Anut awok ipani a. Satan ilon man nek ibol wit dufufarig lo dukubiani uyanan dak igo añ fidian naom ikubiani ile wo ibol.

³² Gug Saimon, ñaisag gadiñ lo oñane ilo rumok ta idu geig na wak ago Bai ñusumiani a. Saen ñaisag na umul dop, oñane tei injaned ilo rumok an dabai pani wa.”

³³ Agog Pita ibol, “Tubun en, ηai ta ηasuk ηamul na wa, tia, ηai onj da sisem subanek ab lo taup, sisem tamat a.”

³⁴ Ago tag Jesus ru naon igo irupei, “O Pita, ηai rumok ηurupaio da, gamu tidom nek en lo kurek ta ibob na dop, saen utol onj ηai ta uloŋ na yak ubol a.”

³⁵ Agog Jesus isumianai, “Saen ηai ηidinaŋ go, moni san badam, kitouk, sendal tia au dugo, mel ta lo katuk ami ak i?”

Iŋ ru naon durupei, “Man tia ya.”

³⁶ Agog Jesus irupidaig ibol, “Ak gug gamu man, aŋ moni san badam am da tap, asini wa. Kitouk dam nek ago mi. Agod aŋ sabiri am tia tap, aŋanem kulos didaeŋ lo adirip moni aŋanep ate sabiri adad a.”

³⁷ Man dugo, ru e profet ta ηai niŋeg o ago igire yen nuŋon ilasa wa,

‘Tamlpein tamol an diŋaneg tamol a digane saian
dan luluŋad lo digane ya. Nek ago mi tile ya.’
Rumok nuŋon, ru a ηai niŋeg o profet adi digire yan fidian gamu nuŋon ilasa wo da.”

³⁸ Agog megeloum durupeig dubol, “Ule, Tubun en, sabiri uraru ebo ya.”

Iŋ ru naon irupidai, “An nek idaisuda mi a.”

*Jesus Did Oliv fo igudani a
Mat 26:36-46; Mak 14:32-42*

³⁹ Agog Jesus Jerusalem ibiseig, Did Oliv fo yau na yak ago mi fon yau dugo iŋjanen megeloum ηien fo diau a.

⁴⁰ Saen aben ante dilasa man, Jesus megeloum irupidai, “Aŋ Anut agudani dop, kubianek lo ta adu na wak o asumiani.”

41 Agog Jesus ibisawaig kitek asau mi yau gug turun isaluwig igudani,

42 “O ɳainege Bai, ilo ibol tap, gab en ɳai banig lo pasi wa. Ak gug on ɳai ilog ta uri na wa, tia, onsigane ilo mi uri wa.”

43 Agog ejel ta lak na idug Jesus dabai ipani.

44 Ilon muruan an lo tubun mok igudani dugo iñsan silali an dar on naon tinin fo ilasag tan na idu se ya.

45 Igudanig itout man imasag, imul yaug iñsan megeloum dien dugo yil. Megeloum an ilod tubun kasik muruan an lo tinid tuon tia ya.

46 Ago tag irupidaig isumianai, “Anj ata wo aen di? Amasap, agudani dop, kubianek lo ta adu na wak niñen o Anut asumiani.”

Jesus diabi a

Mat 26:47-56; Mak 14:43-50; Jon 18:3-11

47 Jesus ago ibol se man, tamol malan tubun ak dupalug naon na dilasa. Megeloum 12 an luluñad lo ta yanjan Judas, in malan an imug go ipalu ya. In ilon yen dak Jesus musuk ipani wa. Ago tag yaug,

48 Jesus san na ilasa yak gug Jesus irupei, “Judas, onj musuk lo Tamol Nanun ager banid lo gane wo di?”

49 Agog megeloum a Jesus dida diau an, kagin dugo ilasa wo ago dile tag Jesus dusumiani, “Tubun en, ilo dugo ibol da, mañsama sabiri nam mafu wak i?”

50 Agog luluñad lo tamol kisaek sabiri ifug pris gurman san biabi ɳilañjal pinein kududon won ak isubari.

51 Ak man Jesus ibol, “Kagin an fon ta gane na wa.” Agog inj tamol an kududon isupurig, kududon uyan isusa da ya.

52 Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo anj sabiri inj ai tok da asinig aliag pe abiag o apalu yak i? Ak dugo, n̄ai wagai adi dida gabman mabi idu san gurman igo wonj anj ago ilom isou di?

53 Nal fidian n̄ai tempel aben lo n̄umasi dugo tamolpein n̄ipitejanai se ya, ak gug n̄ai ta abiag na ya. Gug gamu en tidom tubun ak lo man anjsam saen a, man dugo, tidom tubun san tuon man Satan.”

Pita Jesus iloŋ gug nijen o itot a
Mat 26:57-58,69-75; Mak 14:53-54,66-72; Jon 18:12-18,25-27

54 Agog Jesus diabig, pris malan te yak san ab lo diŋane diau dugo Pita n̄ied fo ipare murna dugo yau.

55 Yai ab naon na dutunig, tamol tinid isue dugo Pita dam yaug dida dumado se ya.

56 Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, “Tamol an dam Jesus da dutor na ya.”

57 Agog Pita itot go ibol, “O pein, n̄ai inj ta n̄alon na ya.”

58 Kitek taidag tamol ta Pita ile tag ibol, “Oŋ dam injsad kisaek a.”

Gug Pita irupeig ibol, “O tamol, n̄ai man tia mok a!”

59 Murnag auwa kisaek igo dumado gug tamol taidam imasag ibol, “Rumok, tamol en inj da dutor na ya. Inj dam Galili tamol a.”

60 Ago dugo Pita ru naon irupei, “O tamol, nai oŋ ata niŋen o ubol dan ta naloŋ na ya!” Ago ibol dugo awan fo kurek ibob.

61 Jesus idaŋsag, malan ti ibol go Pita ile. Agog Pita gamu nam Jesus san ru imug ibol an ilon isou, “Gamu kurek gamugo ibob dop, oŋ saen utol nai ninjeg o utot a.”

62 Agog Pita ilon itaug, kuai te ilasag tinaŋ tubun mi igane se ya.

*Jesus kukok an digane dugo dufuni a
Mat 26:67-68; Mak 14:65*

63 Tamol a Jesus diabi an kukok an digane dugo dufuni se ya.

64 Malan yamel nam dufoug, dufuni dugo dusumiani, “Oŋ gamu profet ru ubol a, tamol e ifuno den enti ak i?”

65 Ago dugo nao futek ru aenta wei mi nam dupei se ya.

*Jesus diŋaneg Juda kaunsil naod na kot dupani a
Mat 26:59-66; Mak 14:55-64; Jon 18:19-24*

66 Salso idug Juda sad gurman adi, kubiaeŋ san girek maŋau adi, agod pris gurman adi dida dutumanig Jesus dititianig dumado se ya. Agog Jesus diŋaneg kaunsil an naod na dugunig itur a.

67 Ago dugo durupeig dubol, “Ubol! Oŋ Kristus i? Rupaiamap maloŋ a.”

Jesus ru naon irupidai, “Nai njurupaian tap, aŋ ilom lo ta rumok na wa.

68 Agod sumianek ɳupanaŋ tap, aŋ ru naon ta arupaiag na wa.

69 Gug saen gamu yau den, Tamol Nanun Anut a dabai fidian anda yan banin won ak lo imado wa.”

70 Ago tag dusumiani, “Ak dugo, oŋ Anut nanun ak ubol di?”

Inj ru naon irupidaig ibol, “Awo, nek aŋsem abol la ya.”

71 Agog dubol, “Gidad, tamol taidam, tamol en san kagin niŋen o dubol ilasa san id ta tigiai na wa. Inj sen awan lo injsan muruan ibol go talon la ya.”

23

Jesus Pailat naon na kot dupani a

Mat 27:1-2,11-14; Mak 15:1-5; Jon 18:28-38

1 Agog kaunsil an fidian dumasag, Jesus diŋaneg, gabman gurman Pailat dubol dan san na diau a.

2 Pailat naon na dilasag kot diganeg, ru dusue ti ibol go dubol, “Maŋ tamol en Isrel tamolpein ikubulai tag mabi a. Kaisa san takis ta didad na wak ibol. Inj man Juda sad Kristus ibol, an niŋen o inj mi kiŋ ibol da.”

3 Ago tag Pailat Jesus isumiani, “Oŋ Juda sad kiŋ ak i?”

Agog Jesus ibol, “Awo, nek oŋse ubol la ya.”

4 Ago tag Pailat pris gurman adi, tamolpein malan tubun ak dida irupidai, “Nai tamol en san muruan ta lo naon ɳupani san ɳile man tia ya.”

5 Ago bo man tamolpein ru dabai kasik dubol, “Inj tamolpein ipiteŋanai dugo bubed yabisap gabman da ager dumado wo igane da. Galili na fun iganeg, ipalug gamu etna ilasa ya.”

6 Pailat ru an iloŋ tag isumianai, “En iŋ Galili tamol i?”

7 Jesus Galili tamol an iloŋ tag, idinai dugo diŋjaneg kiŋ Herod san na diau. Man dugo, Herod iŋ Galili kagin ipani da, an lo Jesus Herod paen na imado. Herod saen nek an lo Jerusalem na imado se ya.

8 Saen Herod Jesus ile man ilon tubun mi uyanan a. Man dugo, saen milaen iŋ Jesus ile san niŋen o ilon yen. Iŋ ilon man Jesus kulob girager ta igane dop ile wo ibol.

9 Aria, Herod sumianek funfun ipani se ya, ak gug Jesus ru naon irupei man tia ya.

10 Go pris gurman iŋ kubiaeŋ san girek maŋau dida Herod naon na iŋsad ru sewak an dusue ti ibol go Jesus maeg nam kot dupani se ya.

11 Agog Herod agod iŋsan yu tamol dida Jesus kukokan digane se ya. Kiŋ dututuŋjanig yamel ta kiŋ sadi onj ak tinin fo diganeg Pailat san na fon diŋjane diau a.

12 Imug Pailat iŋ Herod da siai lo dumado na ya. Ak man nal nek an lo iŋ nug turan dilasa ya.

Pailat Jesus aigim fo dubali wo ibola
Mat 27:15-26; Mak 15:6-15; Jon 18:39-19:16

13 Pailat pris gurman, agod Juda tamolpein sad gurman adi dida igiaig dutumanig

14 igo ibol irupidai, “Aŋ tamol en aŋane apalug abol, iŋ tamolpein burbed yabisap gabman ida ager dumado wo igane da. Aŋ naom na tamol en ŋibitinaeg ŋile ak gug, muruan a niŋen o abol dan fun ta ŋile man tia ya.

15 Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo mateŋ ile san tia ya.

16 Ago yak niŋen o bu mi iŋane gup ŋibiseip yau a.*

18 Agog iŋ fidian awad kisaek lo mi disasaig dubol, “Tamol an funi imat. Barabas pasi panamap maŋsama na imul!”

19 (Barabas man iŋ gabman san ager. In Jerusalem ilon lo ager yabisag an lo tamol ta ifuni imat a. An niŋen o diabig subanek ab lo diganeg imado.)

20 Pailat san ilon man, Jesus ibiseip yau o ibol da, ago tag tamolpein malan tubun an fon isumianai a.

21 Ak man iŋ fon duwagiŋ imul go dubol, “Aigim fo bali wa! Aigim fo bali wa!”

22 Ago tag Pailat afon ibol, “In ata muruan ta igane yak niŋen imat o abol di? Nai iŋsan muruan ta ŋile man tia ya. Ago yak niŋen o ŋabol dop bu mi iŋanep ŋibiseip yau a.”

23 Ago bo man iŋ tubun mi disasaig, Jesus aigim fo ibali wak dubol. Agog iŋsad siseŋ an Pailat san ru yabi idu.

24 Ago tag Pailat iŋaned ru dubol an awad yabig awok ipidinai a.

25 Iŋaned ilod ibol ago mi tamol iŋ gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

* **23:16:** Boi 17 Grik lo tia ya.

Jesus aigim fo dubali a

Mat 27:32-44; Mak 15:21-32; Jon 19:17-27

26 Agog Jesus dijane diau dugo dal na Sairini tamol ta yaŋan Saimon iŋ Jerusalem na iladu wo dugo diabig Jesus san aigim an dupanig isinig ŋien fo yau.

27 Tamolpein wei nuŋon Jesus ŋien aban diri dugo, lulunŋad lo pein aenta Jesus niŋen o tubun mi ditata dugo tinaŋ aru digane se ya.

28 Ago tag Jesus idaŋsag irupidai, “Aŋ Jerusalem pein, ŋai niŋeg o atata amoi. Tia, aŋsem niŋemi wo mi tinaŋ aru agane wa, agod aŋanem nanuk niŋedi wo dam mi a.

29 Man dugo, mitep muruan tubun mok ipalu dop tamolpein dubol a, ‘Pein niganig, pein nanuk ad tia yan, agod pein a imug nanuk su ta dupidinai na yan dam gamu ilod uyanan a.’

30 Saen an lo tamolpein dubol a,
‘Did adup, afunama mamat. Bubun adup, atua-nama!’

31 Tamol gamu ai kumaen ak lo igo digane da. Ago tap, saen ai ikurŋak geig ak lo, ata mel ilasa wak i?”

32-33 Tamol saiadi ak uraru dam Jesus ida diŋal go diaug aben ta, yaŋan Kabuŋa Tatu san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon ŋas ak lo ya.

34 Agog Jesus ibol, “Bai, iŋsad aupasek en pare idu, man dugo, mel e digane den diŋaoŋ ak lo digane da.” Agog iŋsan kulos duburoug, sed nug lo duwaeg lo satu dukok a.

35 Tamolpein leil digane dugo dutur a, ago dugo Juda sad gurman adi Jesus kukokan digane dugo

dubol, “Iŋ aenta patud ipasi na ya. Ago yak niñen o, iŋ tamol a Anut ipiliani an, Anut san Kristus, an rumok tap, ka sen patun ipasi dop tile.”

36 Yu tamol a dititiani dan sinjiren na dupalug kukokan digane se ya. Iŋ wain gigen geig ak wain uyan ak da dukubulig diabisag dubol, “Uluk.

37 Oŋ rumok Juda sad kiŋ tap, se ibinawo!”

38 Ru ta ai lapan fo digireg aigim kabuŋan fufo na dubali a. Ru en san sutek lo man igo ya, “En Juda sad Kiŋ.”

39 Agog tamol saiadi an kisaek imasag Jesus naon ifute ipeig ibol, “Oŋ Kristus. Ago tap, oŋse ibinawo dop, maŋ dam binawama!”

40 Ak man turan imasag irupei, “Dugo, on Anut niñen o ta urer na di? Id utol muruan naon kisaek mi tisini da.

41 Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

42 Agog tamol an Jesus irupei, “Jesus, saen on kiŋ lasa dop, ŋai ilo isou.”

43 Jesus ru naon irupei, “Nai rumok ŋjurupaio da, gamu en on ŋai da Paradais lo sisem tumado wa.”

Jesus imat a

Mat 27:45-56; Mak 15:33-41; Jon 19:28-30

44 Saen an ad isudag 12 klok igo woŋ dugo, aban tidom tubun go tan fidian yafutanig yen dugo yaug 3 klok gurai isi a.

45 Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.[†]

46 Agog Jesus awan tubun mi iwagin go ibol, “Bai, ɳaineg ɳutug oŋ bani lo ɳigane da.” Ago ibol go imat.

47 Agog Rom Yu tamol sad gurman iŋ abaŋ ago ileg, Anut yaŋan yabisag ibol, “Rumok geig. Tamol en man muruan ta tinin lo tia ya. Inj itaot a.”

48 Saen tamolpein a gubak mi abaŋ dile wo dutumani an Jesus imat dugo dile man, ilo muruan lo sed titired dufunig[‡] aben an dibiseig diau a.

49 Gug tamolpein fidian a Jesus dulon an, pein a Galili nag ɳien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

Jesus mutou lo digane ya

Mat 27:57-61; Mak 15:42-47; Jon 19:38-42

50-51 Tamol ta yaŋan Josef, iŋ Juda panu ta Arimatiia dubol dan san tamol. Inj tamol uyan, agod itaot. Inj Anut san kagin panek ipalu wo malan igane se ya. Inj Juda sad kaunsil lo imado gug kaunsil dida Jesus san mateŋ o ilod ta kisaek na ya, agod awok ta ipidinai na ya.

52 Tamol an Pailat san na yaug, Jesus san sisannun injanep mutou lo igane wo isumiani.

53 Pailat awok ipani tag Jesus san tinin tubabun aigim fo yak ipasig, yamel milkouk ak nam ifoug,

[†] **23:45:** Kulob an fun man igo ya: Jesus san mateŋ an log dalawan ipasig, gamu id fidian Anut san na tau san dal yen da. [‡] **23:48:** An man ilo muruan san kob

gib ta pat tubun ak ilon dupasi an lo igane ya. Gib an imug tamol ta ate disare man tia ya.

⁵⁴ Nal an Soubul Kubunek San dubol a. Sabat nal fun igane wo da. §

⁵⁵ Pein Galili nag Jesus ηien fo dupalu yan Josef dida diaug, gib a lo Jesus san sisanun dugo dugo woŋ iganeg yen an dam dile ya.

⁵⁶ Agog dumul, iŋsiganed na diaug, gureŋ mu-malun uyan ak Jesus tinin diabi wo dukubune idu. Sabat nal ilasa tag kubiaeŋ ibol ak fom diganeg, yaes dubal.

24

Jesus fon kumaen imasa da ya
Mat 28:1-10; Mak 16:1-8; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal malmalan,[†] tidom lom geig, pein gureŋ mumalun uyan uyan ak fidian dukubune yan disinig, mutou fun na diau a.

² Mutou fun na dilasag, pat tubun a ate mutou awan dufutani an awan dubuli yau la yan dile ya.

³ Ago tag gib ilon lo diladu yak gug Jesus san sisanun ta dile na ya.

⁴ Agog kankan ifu dugo dutur ibol ak, tamol ta urarum, iŋsad kulos weil irafule dan san lilaman igo woŋ ak, giraŋed na dilasag dutur dugo dil a.

⁵ Pein an tubun kasik direr go naod itakok tan na idu ya. Agog tamol uraru an durupidai, “Aŋ ata

§ **23:54:** Juda sad ilo sou lo, gurai idug ad idiau itout man, an nal foun ak ilasa la yan san kob. * **24:1:** Sarere † **24:1:** Sande

wo tamol dumat ak luluñad lo tamol kumaen ak abañan abi dak i?"

⁶ Inj etna tia. Inj kumaen imasa ya. Ilo sou agane, gubak mi saen an inj da Galili na amado yan igo irupaiañ go ibol,

⁷ "Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa."

⁸ Ago dubol dugo pein an Jesus san ru ilod isou.

⁹ Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a.

¹⁰ Pein a diau an: panu Magdala san Maria, Joana, agod Jems tinan Maria. Inj pein aenta dam dida diau ak ru an aposel adi naod na dubol.

¹¹ Ak man aposel adi sad ilo sou lo man, ru a pein an durupidai an ñiñeo mi a, an niñen o ilod lo ta rumok na ya.

¹² Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun dufou an mi yen dugo ile tag, kankan gidigidad injane dugo fon imul ab lo yau a.

Tamol uraru Jesus dal a Emeas nayau dan te dile ya

Mak 16:12-13

¹³ Nal kisaek an lo mi luluñad lo tamol uraru inj panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.)

¹⁴ Dal na melmel a fidian ilasa na yan nug lo dukubiai dugo diau se ya.

¹⁵ Injesed dinijen di diau dugo Jesus injsen ilasag, luad isag, dida sisem diau a.

16 Tamol uraru an Jesus dile bo man, Anut malad yafutani an lo in tamol sen ak ta dubol a.

17 Agog Jesus isumianai, “Aŋ so ru ta abol dugo au di?”

Ru an dulon go dupartuanig ilo muruan ad da dutur a.

18 Tamol ta yaŋan Kleopas imasag isumiani, “Nag oŋse kisaek Jerusalem na nor warim kulob ilasa na yan ta ulon na boi i?”

19 Ago dugo Jesus isumianai, “So mel ta?”

Inj ru naon durupe, “Muruan nek a Nasaret tamol yaŋan Jesus dubol dan lo ilasa amaiak niŋen o mabol da. Tamol an inj profet. Injsan niŋen, urat dam dabai anda igane se ya. Anut, inj tamolpein dida dupitiani na ya.

20 Maŋsama pris gurman adi agod idsad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a.

21 Maŋ iloma lo, Anut tamol an Isrel adi patud ipasi wo ipiliani a. Ago igane wo maŋ tinim migane pani na ya, gug gamu tia ya. Taida mi, gamu muruan an ilasa gug nal utol yau la ya.

22 An mi tia, maŋsama pein luluŋad lo aenta tidom lom mutou fun na diau a.

23 Mutou fun na dilasag tubabun gib lo ta dile na ya. Ago tag maŋsama na dumul go igo durupaiama, malad ŋutun dile dugo eŋel uraru dil go eŋel an durupidaig dubol, ‘Jesus kumaen imasa la ya.’

24 Ago tag maŋ luluŋam lo tamol aenta mutou fo diaug pein adi durupaiama yak ago mi dile ya. Ak man tubabun ta dile na ya.”

²⁵ Agog Jesus irupidai, “Aŋ ilom tia. Ata wo profet adi ru dubol na yan ilom lo ta rumok na yak i?

²⁶ Profet adi kuai tem dubol, Kristus mitep muruan isini gup, iŋanen girager agod yaŋan tubun ak iŋane wa.”

²⁷ Agog iŋsen niŋen o girek lo Moses iŋ profet adi dida niŋen o dubol na yan fun ifulale ya.

²⁸ Agog dupalug, Emeas sumeik dugo, Jesus itaot yau wo igane tag

²⁹ diabituanig durupei, “Ad idu la yak niŋen o umoip, taen.” Ago tag dida ab lo disida ya.

³⁰ Anaŋ diani wo dumasi dugo Jesus bret iŋaneg, Anut ilo uyan ipanig, yafuteg, ipidinai dugo malad ipuk go

³¹ iŋ dulon man, tamol en nek Jesus sen a. Agog Jesus gamu nam malad lo tia yau.

³² Agog tamol uraru an nug ru durupeig dubol, “On ilo isou, gubak mi saen Jesus id da dal na tureŋ tabi dugo ru fidian girek lo yan fun ifulale panad se yan, iŋsan ru bubed lo nek ibol yai inani dak igo woŋ a.”

³³ Agog dumasag fon Jerusalem na ririan dumul go diau. Jerusalem na megeloum 11 an iŋ turad aenta dida dutumanig dumado dugo dil a.

³⁴ Agog iŋ tamol uraru an durupidai, “Rumok geig. Tubun en fon kumaen imasa ya! Saimon Pita sen malan lo mok ile ya.”

³⁵ Ago tag tamol uraru an dam dal na abaŋ dugo dile yan dubol, “Maŋ dam dal na mile yak man iŋ ta malon na ya. Gug saen bret yafuteg ipanama ante dugo iŋ malon a.”

*Jesus megeloum naod na ilasa ya
Mat 28:16-20; Mak 16:14-18; Jon 20:19-23; Apo
1:6-8*

³⁶ Tamol uraru an ago diñiñej dugo Jesus lunjadj lo ilasag ibol, “Añ maror amado.”

³⁷ Agog durut go direr saian. Inj ilod lo tamol ñutun ta naod na ilasa dubol a.

³⁸ Agog isumianai, “Añ ata wo arer dak i? Añ ata ninjen o ilom weiwei di?”

³⁹ Malam ipalup, ñieg banig ale. En man ñaiseg. Abiag pe aliag! Tamol ñutun man tinid tatu an tia ya. Gug ñai man tinig tatu amag da ya.”

⁴⁰ Ago ibol go ñien banin ikibiasi dugo dile ya.

⁴¹ Inj ilod uyan ak man ilod lo kitek ta rumok na ya. Man dugo, durut saian dugo inj ilod weiwei, an lo ilod lo rumok san ta pasauman na ya. Ago tag isumianai, “Añ etna mel nuaeñ san ta yen di?”

⁴² Agog iy gisek ak dupanig,

⁴³ naod nam injaneg yani dugo dile ya.

⁴⁴ Agog irupidai, “Imug ñurupaiañ ak ilom isou. Wagam Moses san kubiaeñ lo, profet adi sad girek lo, agod Isrel sad kanam buk lo dam, melmel fidian ñai o digire na yan nuñon ilasa wa.”

⁴⁵ Agog injsad kankan isofulaleg, an lo Anut san ru girek lo yen dan fun mok dulon fufei a.

⁴⁶ Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa.”

⁴⁷ Inj yanjan lo Anut tamolpein ilod ibilisa dop, injanek muruan ipasi pidinai an san ru, Jerusalem na fun igane gup, panu panu lo yau a.

⁴⁸ Añ melmel ilasa dugo ale na yan abol dop, dulon a.

49 Bai mel ipanaŋ o ibol an ɳau gup, ɳidinip ipalu wa. Ago yak niŋen o Jerusalem na malam aganep amado dop yaup, dabai a lak na yak ipalu wan idup aŋ tinim iŋanefute wa.”

*Jesus lak na isuda yau a
Mak 16:19-20; Apo 1:9-11*

50 Agog Jesus injal go diaug, Betani na dilasa ya. Atnag banin yabisag, bar ipidinai a.

51 Agog ibisawaig, Taman iŋaneg siŋiren na yau a.

52 Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a.

53 Ante saen wei mi tempel lo Anut per dupani dugo dumado na ya.

**Anut san bilalun foun
The New Testament in the Takia Language of Papua
New Guinea
Nupela Testamen long tokples Takia long Niugini**

Copyright © 1999 The Bible Society of Papua New Guinea

® Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d